



**ՀՖՖ ՖՈՒՏԲՈՒԼԻՍՏՆԵՐԻ
ԿԱՐԳԱՎԻՃԱԿԻ ԵՎ ՏԵՂԱՓՈԽՈՒԹՅԱՆ**

ԿԱՆՈՆԱԿԱՐԳ

**ՀՖՖ ՖՈՒՏԲՈՒԼԱՅԻՆ ՄԻԶՆՈՐԴՆԵՐԻ
ՀԵՏ ԱՇԽԱՏԵԼՈՒ ՄԱՍԻՆ**

2016թ. խմբագրություն

ԲՈՎԱՆԱԿՈՒԹՅՈՒՆ

ՀՖՏ Ֆուտբոլիստների կարգավիճակի և տեղափոխության կանոնակարգ.....5-69

Հասկացություններ 5

Գլուխ I. Ներածական դրույթներ 7

 Հոդված 1. Գործողությունների շրջանակը 7

Գլուխ II. Ֆուտբոլիստների կարգավիճակը 7

 Հոդված 2. Ֆուտբոլիստների կարգավիճակը 7

 Հոդված 3. Միրոդական կարգավիճակի վերականգնումը 7

 Հոդված 4. Գրանցման պահպանումը գործունեության դադարեցումից հետո 7

Գլուխ III. Ֆուտբոլիստների գրանցումը 8

 Հոդված 5. Գրանցումը 8

 Հոդված 6. Գրանցման ժամանակահատվածները 8

 Հոդված 7. Ֆուտբոլիստի անձնագիրը 9

 Հոդված 8. Գրանցման դիմումը 9

 Հոդված 9. Միջազգային տրանսֆեր 9

 Հոդված 10. Միջազգային տրանսֆերային սերտիֆիկատ (USU) 9

 Հոդված 11. Ներքին տեղափոխություն 10

 Հոդված 12. Ֆուտբոլիստների վարձակալությունը 10

 Հոդված 12¹. Զգրանցված ֆուտբոլիստներ 10

Գլուխ IV. Պայմանագրային կայունության պահպանումը պրոֆեսիոնալ ֆուտբոլիստների և ակումբների միջև 10

 Հոդված 13. Պրոֆեսիոնալ ֆուտբոլիստի և ակումբի հարաբերությունները 10

 Հոդված 14. Պրոֆեսիոնալ ֆուտբոլիստի և ակումբի միջև կնքվող պայմանագրի հատուկ պայմաններ 11

 Հոդված 14¹. Երրորդ կողմի ազդեցությունն ակումբի վրա 11

 Հոդված 14². Ֆուտբոլիստների ֆինանսական իրավունքների տնօրինումը երրորդ անձանց կողմից 12

 Հոդված 15. Պայմանագրի գրանցումը 12

 Հոդված 16. Պայմանագրի դադարեցումը հիմնավոր դրդապատճառներով 12

 Հոդված 17. Պայմանագրի դադարեցումը մարզական տեսանկյունից հիմնավոր դրդապատճառներով 12

 Հոդված 18. Խաղաշրջանի ընթացքում պայմանագրի դադարեցման սահմանափակումը 13

 Հոդված 19. Առանց հիմնավոր դրդապատճառի պայմանագրի դադարեցման հետևանքները 13

Գլուխ V. Մարզումային փոխհատուցումը և համերաշխության մեխանիզմը 14

 Հոդված 20. Պրոֆեսիոնալ ֆուտբոլիստի մարզումային փոխհատուցումը 14

 Հոդված 21. Միրոդական ֆուտբոլիստի մարզումային փոխհատուցումը 14

 Հոդված 22. Համերաշխության մեխանիզմը 15

Գլուխ VI. Վեճերի Լուծման Պալատ 15

 Հոդված 23. Վեճերի լուծման կարգը 15

Գլուխ VII. Եզրափակիչ դրույթներ 15

 Հոդված 24. Գանտնակարգի՝ ուժի մեջ մտնելը 15

 Հոդված 25. Պատասխանատվությունը՝ կանոնակարգի դրույթները խախտելու համար 15

ՀԱՎԵԼՎԱԾ 1. Ֆուտբոլիստների ազատ արձակուրդը ՀՀ Ազգային հավաքականներում հանդես գալու համար	16
Հոդված 1. Կանոններ.....	16
Հոդված 1 ¹ . Կանանց ֆուտբոլի կանոններ.....	17
Հոդված 1 ² . Ֆուտզալի կանոններ.....	20
Հոդված 2. Ֆինանսական դրույթներ և ապահովագրություն.....	21
Հոդված 3. Ֆուտբոլիստների հրավերքը.....	22
Հոդված 4. Վնասվածք ստացած ֆուտբոլիստներ.....	22
Հոդված 5. Արգելք ֆուտբոլիստների մասնակցության վրա.....	22
Հոդված 6. Կարգապահական պատժամիջոցներ.....	22
ՀԱՎԵԼՎԱԾ 2. Աշխատանքային պայմանագրի նվազագույն պահանջները	24
Պայմանագիրը և կողմերը	24
ԱՇԽԱՏԱՆՔԱՅԻՆ ՊՅՅՄԱՆԱԳԻՐ/ տիպային օրինակ.....	28
ՀԱՎԵԼՎԱԾ 3.	33
Գլուխ I. ՏՀՀ-ով իրականացվող միջազգային տրանսֆերը կարգավորող ընթացակարգ	33
Հոդված 1. Գործունեության շրջանակ.....	33
Հոդված 2. Համակարգ.....	33
Հոդված 3. Համակարգից օգտվող կողմեր.....	34
Հոդված 4. Ակումբների պարտականությունները.....	35
Հոդված 5. Ասոցիացիաների պարտականությունները.....	36
Հոդված 6. ՖԻՖԱ-ի ընդհանուր քարտուղարության դերը.....	37
Հոդված 7. ՖԻՖԱ ՏՀՀ ՄՊԸ-ի դերը.....	38
Հոդված 8. Պրոֆեսիոնալ ֆուտբոլիստների տրանսֆերը կարգավորող վարչական գործընթաց.....	38
Հոդված 9. Պատժամիջոցներ.....	41
Հոդված 10. Ժամկետներ.....	42
Գլուխ II. ՏՀՀ-ից դուրս իրականացվող ֆուտբոլիստների միջազգային տրանսֆերը կարգավորող վարչական գործընթաց	43
Հոդված 1. Կանոններ.....	43
Հոդված 2. Պրոֆեսիոնալ ֆուտբոլիստին ՄՏՍ տրամադրելը.....	43
Հոդված 3. Միրողական կարգավիճակ ունեցող ֆուտբոլիստներին ՄՏՍ տրամադրելը.....	44
Հոդված 4. Ֆուտբոլիստների վարձակալություն.....	45
Գլուխ III. Անչափահասների առաջին գրանցումն ու տրանսֆերը կարգավորող ընթացակարգն ու ակադեմիաներում անչափահաս ֆուտբոլիստների գրանցումը	46
Հոդված 1. Ընդհանուր դրույթներ.....	46
Հոդված 2. Կանոններ.....	46
Հոդված 3. Անդամ ասոցիացիաների պարտականությունները.....	47
Հոդված 4. ՖԻՖԱ-ի ենթակումիտե.....	47
Հոդված 5. Ընթացակարգեր.....	47
Հոդված 6. Ընթացակարգի սկիզբը, փաստաթղթերի ներկայացումը.....	48
Հոդված 7. Նախկին ասոցիացիայի հաստատումը (դիրքորոշումը).....	49
Հոդված 8. Փաստաթղթերի լեզուն.....	49
Հոդված 9. Վերջնաժամկետները.....	49
Հոդված 10. Որոշումների ծանուցումը, բողոք ներկայացնելու կարգը.....	49
Հոդված 11. Ակադեմիաներում անչափահաս ֆուտբոլիստների գրանցումը.....	50
Գլուխ IV. Ներքին տեղափոխությունը կարգավորող ընթացակարգ	51
Հոդված 1. Կանոններ.....	51
ՀԱՎԵԼՎԱԾ 4. Մարզումային փոխհատուցում	52

Հողված 1.	Մարզումային փոխհատուցումը	52
Հողված 2.	Պրոֆեսիոնալ ֆուտբոլիստի մարզումային փոխհատուցման վճարումը.....	52
Հողված 3.	Սիրողական ֆուտբոլիստի մարզումային փոխհատուցման վճարումը	52
Հողված 4.	Մարզումային փոխհատուցում վճարելու պարտավորությունը	53
Հողված 5.	Մարզումային ծախսեր	54
Հողված 6.	Մարզումային փոխհատուցման հաշվարկը.....	54
Հողված 7.	Մարզումային փոխհատուցման (Հողված 20) և համերաշխության վճարների (Հողված 22) վերաբերյալ հայցերի ընթացակարգ	55
ՀԱՎԵԼՎԱԾ 5.	Համերաշխության մեխանիզմը	60
Հողված 1.	Համերաշխության բաշխում.....	60
Հողված 2.	Վճարման ընթացակարգը.....	60
ՀԱՎԵԼՎԱԾ 6.	Ֆուտբոլիստի գրանցման դիմումի ձև	61
ՀԱՎԵԼՎԱԾ 7.	ՀՖՖ Ակումբների կարգերը	62
ՀԱՎԵԼՎԱԾ 8.	Ֆուտբոլի ֆուտբոլիստների կարգավիճակի և տեղափոխության կանոնները ..	63
Հողված 1.	Գործողությունների շրջանակը.....	64
Հողված 2.	Ֆուտբոլիստների ազատ արձակումը ՀՀ Ազգային հավաքականներում հանդես գալու համար	64
Հողված 3.	Գրանցում	64
Հողված 4.	Ֆուտբոլի միջազգային տրանսֆերային սերտիֆիկատ	65
Հողված 5.	Կարգապահական պատժամիջոցների կիրառումը	65
Հողված 6.	Պայմանագրի դրույթների կատարումը	65
Հողված 7.	Անչափահասների պաշտպանությունը.....	66
Հողված 8.	Մարզումային փոխհատուցումը.....	66
Հողված 9.	Համերաշխության մեխանիզմը	66
Հողված 10.	ՖԻՖԱ-ի կոմպետենտությունը	66
Հողված 11.	Սույն հավելվածում չնախատեսված դրույթները	66
ՀԱՎԵԼՎԱԾ 9.	Պատասխանատվությունը կանոնակարգի դրույթները խախտելու համար	67

ՀՖՖ Ֆուտբոլային միջնորդների հետ աշխատելու մասին կանոնակարգ.....70-82

Ներածություն	71
Գլուխ I. Հասկացություններ	72
Գլուխ II. Կանոնակարգի գործողության ոլորտը	72
Գլուխ III. Ընդհանուր կանոնները	72
Գլուխ IV. Միջնորդների գրանցումը	73
Գլուխ V. Գրանցման պայմանները	73
Գլուխ VI. Ներկայացուցչական պայմանագիրը.....	74
Գլուխ VII. Տվյալների տրամադրումը և հրապարակումը.....	74
Գլուխ VIII. Վճարումներ միջնորդներին.....	75
Գլուխ IX. Շահերի բախումը	76
Գլուխ X. Պատժամիջոցները	76
Գլուխ XI. ՀՖՖ-ի պարտականությունների իրականացման վերահսկումը	77
Գլուխ XII. Միջանկյալ դրույթներ	77
Հավելված 1. Ֆիզիկական անձանց համար նախատեսված միջնորդի հոշակագիր	78
Հավելված 2. Իրավաբանական անձանց համար նախատեսված միջնորդի հոշակագիր.....	80

Հասկացություններ

Սույն Կանոնակարգում օգտագործվող հիմնական հասկացությունները.

- 1. Ասոցիացիա (Հնկերակցություն)***–Տվյալ երկրի՝ ՖԻՖԱ-ին անդամագրված ֆուտբոլային ղեկավար կառույց:
- 2. Նախկին Ասոցիացիա*** – Ասոցիացիա, որին պատկանել է նախկին ակումբը:
- 3. Նոր Ասոցիացիա*** – Ասոցիացիա, որին անդամագրվել է նոր ակումբը:
- 4. Ակումբ*** – Իրավաբանական անձ՝ անկախ կազմակերպչաիրավական ձևից, կամ կազմակերպություն, որը թիմ (թիմեր) է ներկայացնում ՀՖՖ-ի հովանու ներքո անցկացվող մրցումներին, ներդրումներ է կատարում ֆուտբոլիստների մարզման և ուսուցման ոլորտներում:
- 5. Նախկին Ակումբ*** – Ակումբը, որը լքել է ֆուտբոլիստը:
- 6. Նոր Ակումբ*** – Ակումբը, որին անդամագրվել է ֆուտբոլիստը:
- 7. Կազմակերպված ֆուտբոլ*** – ՖԻՖԱ-ի, ՈՒԵՖԱ-ի կամ ՀՖՖ-ի հովանու ներքո կազմակերպված կամ նրանց կողմից լիազորված մրցումներ:
- 8. Պաշտոնական խաղեր*** – Կազմակերպված ֆուտբոլի շրջանակներում անցկացվող խաղեր, ինչպիսիք են ազգային առաջնությունների, գավաթի խաղարկությունների, ակումբային միջազգային մրցաշարերի խաղերը, բայց ոչ ընկերական և ստուգողական հանդիպումները:
- 9. Պաշտպանված Ժամանակահատված*** – Մինչև 28 տարեկան պրոֆեսիոնալ ֆուտբոլիստի հետ կնքած պայմանագիրն ուժի մեջ մտնելուց հետո երեք տարվա կամ երեք ամբողջական մրցաշրջանների ժամանակահատվածն է: Եթե պրոֆեսիոնալ ֆուտբոլիստը պայմանագիրը կնքել է 28 տարին լրանալուց հետո, ապա պաշտպանված ժամանակահատվածը պայմանագիրն ուժի մեջ մտնելուց հետո երկու տարվա կամ երկու ամբողջական մրցաշրջանների ժամանակահատվածն է:
- 10. Գրանցման Ժամանակահատված*** – Ժամանակահատված, որի ընթացքում թույլատրված է ֆուտբոլիստի տեղափոխությունը մեկ ակումբից մյուս ակումբ՝ ապագա կամ ընթացիկ մրցումներին մասնակցելու համար:
- 11. Մրցաշրջան***– Ֆուտբոլային տարվա կտրվածքով առաջին պաշտոնական խաղով սկսվող և վերջին պաշտոնական խաղով ավարտվող ժամանակահատված:
- 12. Մարզումային փոխհատուցում***– Ֆուտբոլիստների մարզումն ու զարգացումն ապահովելու նպատակով ակումբի կողմից կատարված ուղղակի ներդրումների փոխհատուցում:
- 13. Միջազգային տրանսֆեր*** – Ֆուտբոլիստների տեղափոխությունը որևէ ասոցիացիայի ակումբից մեկ ուրիշ ասոցիացիայի ակումբ:
- 14. Ներքին տեղափոխություն*** – Ֆուտբոլիստների տեղափոխությունը ՀՖՖ-ի որևէ ակումբից մեկ ուրիշ ակումբ:
- 15. Պրոֆեսիոնալ ֆուտբոլիստ*** – Պրոֆեսիոնալ կարգավիճակ ունեցող ֆուտբոլիստ:
- 16. Միրոդական ֆուտբոլիստ*** – Միրոդական կարգավիճակ ունեցող ֆուտբոլիստ:
- 17. Տուտայ*** – Ֆուտբոլ մարզաձևն է, որը պետք է խաղալ համաձայն ֆուտբոլի խաղի կանոնների՝ թողարկված ՖԻՖԱ-ի և Միջազգային ֆուտբոլային ասոցիացիաների խորհրդի ենթակոմիտեի համատեղ գործակցությամբ:
- 18. Ֆուտբոլիստի անձնագիր*** – ՀՖՖ-ի կողմից ֆուտբոլիստին տրամադրված անձնագիր:
- 19. Անչափահաս ֆուտբոլիստ*** – 18 տարին չլրացած ֆուտբոլիստն է:
- 20. Ֆուտբոլային ակադեմիա*** – Կազմակերպություն է, որի գլխավոր երկարաժամկետ նպատակն է ապահովել ֆուտբոլիստների շարունակական մարզումն անհրաժեշտ

մարզումային միջոցների և ենթակառուցվածքների միջոցով: Մա գլխավորապես ներառում է (բայց չի սահմանափակվում) ֆուտբոլի մարզումային կենտրոնները, ֆուտբոլի մասնագիտացված ճամբարները, ֆուտբոլի դպրոցները և այլն:

21. Տրանսֆերների համադրման համակարգ (ՏՀՀ)- Տրանսֆերների վերաբերյալ տեղեկատվություն պարունակող էլեկտրոնային համակարգ է, որի միջոցով կատարվում են միջազգային տրանսֆերները: ՏՀՀ գլխավոր նպատակն է պարզեցնել ֆուտբոլիստների միջազգային տրանսֆերային գործընթացը, ինչպես նաև ապահովել տեղեկատվության թափանցիկությունն ու հոսքը:

22. Միջազգային պատուհան- Ազգային հավաքականների խաղերի կամ այլ միջոցառումների համար նախատեսված իննօրյա ժամանակահատված, որը սկսում է երկուշաբթի առավոտյան և ավարտվում հաջորդ շաբաթվա երեքշաբթի օրը:

Ծանոթություն: Անձանց վերաբերող տերմինները վերաբերում են երկու սեռերին: Յուրաքանչյուր եզակի հասկացությունը կիրառվում է նաև հոգնակի տարբերակով և հակառակը:

Գլուխ I.

Ներածական դրույթներ

Հոդված 1. Գործողությունների շրջանակը

1. Սույն կանոնակարգով կարգավորվում են՝
 - ֆուտբոլիստի կարգավիճակը,
 - ֆուտբոլիստի՝ կազմակերպված ֆուտբոլին մասնակցելու կանոնները,
 - ֆուտբոլիստի՝ ակումբից ակումբ տեղափոխության կանոնները ՀՖՖ շրջանակներում,
 - ֆուտբոլիստի (ֆուտբոլիստին ներկայացնող անձանց) և ակումբների միջև ծագած վեճերը,
 - ակումբների կողմից ֆուտբոլիստի ազատ արձակումն ազգային հավաքական թիմերում հանդես գալու համար (հավելված 1):
2. Սույն կանոնակարգը նախատեսում է նաև երիտասարդ ֆուտբոլիստների մարզումների և ուսուցման ոլորտներում ներդրումներ կատարող ակումբների խրախուսման համակարգ:

Գլուխ II.

Ֆուտբոլիստների կարգավիճակը

Հոդված 2. Ֆուտբոլիստների կարգավիճակը

1. Կազմակերպված ֆուտբոլին մասնակցող ֆուտբոլիստները կարող են ունենալ սիրողական կամ պրոֆեսիոնալ կարգավիճակ:
2. Պրոֆեսիոնալ ֆուտբոլիստն այն ֆուտբոլիստն է, ով ՀՀ օրենսդրությամբ սահմանված կարգով ունի կնքված պայմանագիր որևէ ակումբի հետ և վարձատրվում է ավելին, քան ֆուտբոլային գործունեության կապակցությամբ իր կողմից կատարվող փաստացի ծախսերն են: Մյուս բոլոր ֆուտբոլիստները համարվում են սիրողական կարգավիճակ ունեցող (ոչ պրոֆեսիոնալ):

Հոդված 3. Սիրողական կարգավիճակի վերականգնումը

1. Պրոֆեսիոնալ ֆուտբոլիստը կարող է վերագրանցվել որպես սիրողական՝ անցկացրած վերջին պաշտոնական խաղից առնվազն 30 օր հետո:
2. Ֆուտբոլիստի սիրողական կարգավիճակի վերականգնման դեպքում որևէ փոխհատուցում չի նախատեսվում: Եթե ֆուտբոլիստի սիրողական կարգավիճակը վերականգնելուց հետո 30 ամսվա ընթացքում նա վերագրանցվում է որպես պրոֆեսիոնալ, ապա նոր ակումբը պետք է վճարի մարզումային փոխհատուցում՝ սույն կանոնակարգի 21-րդ հոդվածի համաձայն:

Հոդված 4. Գրանցման պահպանումը գործունեության դադարեցումից հետո

1. Պրոֆեսիոնալ կամ սիրողական կարգավիճակ ունեցող ֆուտբոլիստները, ովքեր դադարեցնում են իրենց գործունեությունը, մնում են գրանցված ՀՖՖ-ում 30 ամսվա ընթացքում:
2. Վերոնշյալ ժամանակահատվածը սկսվում է այն օրվանից, երբ ֆուտբոլիստն ակումբի թիմի կազմում վերջին անգամ մասնակցում է պաշտոնական խաղին:

Գլուխ III.

Ֆուտբոլիստների գրանցումը

Հոդված 5. Գրանցումը

1. Ֆուտբոլիստը ակումբի կողմից գրանցվում է ՀՖՖ-ում: Միայն գրանցված ֆուտբոլիստն իրավունք ունի մասնակցելու կազմակերպված ֆուտբոլին: Ֆուտբոլիստը գրանցվելուց հետո պարտավորվում է ենթարկվել ՖԻՖԱ-ի, ՌԻԵՖԱ-ի և ՀՖՖ-ի հիմնարար դրույթների պահանջներին:
2. Նույն ֆուտբոլիստը տվյալ ժամանակահատվածում կարող է գրանցված լինել միայն մեկ ակումբում:
3. Ֆուտբոլիստները մեկ խաղաշրջանի ընթացքում կարող են գրանցված լինել առավելագույնը երեք ակումբներում: Այդ ընթացքում տվյալ ֆուտբոլիստն իրավունք ունի մասնակցելու միայն երկու ակումբների պաշտոնական խաղերին: Բացառություն են կազմում այն դեպքերը, երբ ֆուտբոլիստը «համընկնող մրցաշրջաններ» (այսինքն՝ երբ մրցաշրջանը սկսվում է ոչ թե ձմռանը/գարնանը, այլ ամռանը/աշնանը) ունեցող ասոցիացիաների մի ակումբից մյուսը տեղափոխվելիս մրցաշրջանի ընթացքում պաշտոնական խաղերում հանդես է գալիս երրորդ ակումբի անունից և ամբողջությամբ կատարել է իր պայմանագրային պարտավորությունները նախկին ակումբների նկատմամբ: Նմանապես, գրանցման ժամանակահատվածներին (տե՛ս հոդված 6), ինչպես նաև պայմանագրի կնքման նվազագույն ժամկետին (տե՛ս հոդված 14, կետ 2) վերաբերող դրույթները ևս պետք է հարգվեն և կատարվեն:
4. Բոլոր դեպքերում պատշաճ ուշադրություն պետք է դարձվի մրցաշարի սպորտային միասնությանը: Մասնավորապես, կախված կոնկրետ անդամ ասոցիացիաների ներքին մրցաշարերի ուրույն կանոնակարգերից՝ պաշտոնական խաղերի ժամանակ ֆուտբոլիստը չպետք է հանդես գա ավելի քան երկու ակումբի անունից, որոնք միևնույն մրցաշրջանի ժամանակ հանդես են գալիս նույն ազգային առաջնությունում կամ գավաթի մրցաշարում:

Հոդված 6. Գրանցման ժամանակահատվածները

1. Ֆուտբոլիստների գրանցման համար սահմանվում են հետևյալ ժամանակահատվածները՝ փետրվարի 1-28-ը և հունիսի 10-ից սեպտեմբերի 1-ը:
2. Գրանցման ժամանակահատվածները պետք է մուտքագրվեն SՀՀ ուժի մեջ մտնելուց առնվազն 12 ամիս առաջ: Եթե ասոցիացիան ժամանակին ՖԻՖԱ-ին չի հաղորդում իր գրանցման ժամանակահատվածները, ապա ՖԻՖԱ-ն ինքն է որոշում դրանք:
3. Ֆուտբոլիստները կարող են գրանցվել ՀՖՖ-ի սահմանած գրանցման ժամանակահատվածներից յուրաքանչյուրում: Պրոֆեսիոնալ ֆուտբոլիստը, որի պայմանագրի ավարտը համընկնում է գրանցման ժամանակահատվածի ավարտի հետ, Բացառության կարգով կարող է վերագրանցվել, եթե այն թելադրված է մարզական հանգամանքներով, և եթե ակումբի կողմից դիմումը ներկայացվել է գրանցման ժամանակահատվածում:
4. Միրոդականի կարգավիճակ ունեցող ֆուտբոլիստների գրանցումը կատարվում է առանց ժամկետային սահմանափակումների:
Միրոդական կարգավիճակ ունեցող ֆուտբոլիստի՝ 4-րդ կարգի ակումբից առանց կարգավիճակը փոխելու ավելի բարձր կարգի ակումբ տեղափոխության դեպքում, նրա վերագրանցումը նոր ակումբում թույլատրվում է նախկին ակումբում գրանցված օրվանից վեց ամիս հետո:

Հոդված 7. Ֆուտբոլիստի անձնագիրը

1. 12 տարին լրացած յուրաքանչյուր ֆուտբոլիստ պետք է ունենա ֆուտբոլիստի անձնագիր, որում նշվում են այն ակումբները, որտեղ նա գրանցված է եղել որպես ֆուտբոլիստ: Եթե ֆուտբոլիստի ծննդյան օրը համընկնում է մրցաշրջանների միջև ընկած ժամանակահատվածի հետ, ապա ֆուտբոլիստի անձնագրում նշվում է այն ակումբը, որտեղ նա գրանցված է եղել իր ծննդյան օրվան հաջորդող մրցաշրջանում:
2. Ակումբը սկսանակ ֆուտբոլիստին պարտավոր է գրանցել ՀՖՖ-ում և ստանալ համապատասխան ֆուտբոլիստի անձնագիր:
3. ՀՖՖ-ն վարում է ֆուտբոլիստի էլեկտրոնային անձնագիրը, իսկ անձնագրի բնօրինակը պահվում է գրանցող ակումբում: Ֆուտբոլիստի 15 տարին լրանալուն պես, ինչպես նաև ֆուտբոլիստին առաջին անգամ որպես պրոֆեսիոնալ գրանցելիս՝ ֆուտբոլիստի անձնագիրը ենթակա է փոփոխման:
4. Միջազգային տրանսֆերի դեպքում ֆուտբոլիստի անձնագրի ստացումը (ուղարկումը) ապահովում է ՀՖՖ-ն:
5. Ֆուտբոլիստի յուրաքանչյուր տեղափոխության ժամանակ ֆուտբոլիստի անձնագիրը փոխանցվում է նախկին ակումբից նոր ակումբ: Ակումբը պատասխանատու է անձնագրի պահպանման համար: Անձնագրի կորստի դեպքում ՀՖՖ-ն տրամադրում է կրկնօրինակը՝ ակումբի կողմից համապատասխան տուգանք վճարելուց հետո:
6. Եթե սույն կանոնակարգով սահմանված դեպքերում նախկին ակումբը հրաժարվում է ֆուտբոլիստին տրամադրել կամ նոր ակումբին փոխանցել ֆուտբոլիստի անձնագիրը, ապա ՀՖՖ-ն կարող է նոր ակումբին տրամադրել ֆուտբոլիստի անձնագրի կրկնօրինակը:

Հոդված 8. Գրանցման դիմումը

1. Ֆուտբոլիստին գրանցելու համար ակումբը ՀՖՖ պետք է ներկայացնի.
 - սահմանված ձևի դիմում (հավելված 6),
 - ֆուտբոլիստի անձնագիրը (բացառությամբ 1-ին գրանցման),
 - գունավոր լուսանկար (4,5x3,5),
 - ֆուտբոլիստի քաղաքացիական անձնագիրը կամ դրա բացակայության դեպքում՝ անձը հաստատող այլ փաստաթուղթ,
 - պայմանագրի բնօրինակը (ներկայացվում է պրոֆեսիոնալ ֆուտբոլիստ գրանցելու դեպքում):
2. 16 տարին չլրացած ֆուտբոլիստների համար քաղաքացիական անձնագրի բացակայության դեպքում ներկայացվում են ծննդյան վկայական և ուսումնական հաստատությունից տեղեկանք՝ աշակերտի լուսանկարով (գունավոր), նաև պետք է նշված լինեն ազգանունը, անունը, հայրանունը: Տեղեկանքը ստորագրվում է ուսումնական հաստատության տնօրենի կողմից և կնքվում (կնիքը պետք է մասամբ ներառի աշակերտի լուսանկարը):

Հոդված 9. Միջազգային տրանսֆեր

Միջազգային տրանսֆերի դեպքում ֆուտբոլիստները գրանցվում են ՀՖՖ-ում՝ ՖԻՖԱ-ի Ֆուտբոլիստների կարգավիճակի և տեղափոխության կանոնակարգի և սույն կանոնակարգի դրույթներին համապատասխան:

Հոդված 10. Միջազգային տրանսֆերային սերտիֆիկատ (USU)

1. Ֆուտբոլիստը, ով գրանցված է տվյալ ասոցիացիայում, իրավունք չունի գրանցվել նոր ասոցիացիայում, քանի դեռ վերջինս նախկին ասոցիացիայից չի ստացել միջազգային տրանսֆերային սերտիֆիկատը (USU): USU-ը տրամադրվում է անվճար, առանց որևէ պայմանի և ժամանակային սահմանափակման: Վերոնշյալին հակասող բոլոր դրույթները համարվում են անվավեր: USU տրամադրող ասոցիացիան USU-ի պատճենը ուղարկում է

- նաև ՖԻՖԱ: USU-ի տրամադրման վարչական գործընթացը մանրամասն նկարագրված է սույն կանոնակարգի 3-րդ հավելվածի I գլխի 8-րդ հոդվածում և 3-րդ հավելվածի II գլխում:
- Ֆուտբոլիստին ստուգողական խաղերում ներգրավելու նպատակով USU պահանջելն արգելվում է:
 - Նոր ասոցիացիան USU-ը ստանալուց հետո գրավոր տեղեկացնում է 12-23 տարեկան հասակում ֆուտբոլիստին մարզած և կրթած ակումբի (ակումբների) ասոցիացիային (ասոցիացիաներին) (տե՛ս ՖԻՖԱ-ի Ֆուտբոլիստների կարգավիճակի և տեղափոխության կանոնակարգի 7-րդ հոդվածը - ֆուտբոլիստի անձնագիր) այն մասին, որ որպես պրոֆեսիոնալ պատրաստվում է գրանցել ֆուտբոլիստին:
 - Մինչև 10 տարեկան ֆուտբոլիստների համար USU չի պահանջվում:

Հոդված 11. Ներքին տեղափոխություն

Ներքին տեղափոխության դեպքում ֆուտբոլիստները գրանցվում են ՀՖՖ-ում ՀՀ օրենսդրության և սույն կանոնակարգի դրույթներին համապատասխան:

Հոդված 12. Ֆուտբոլիստների վարձակալությունը

- Պրոֆեսիոնալ ֆուտբոլիստը կարող է վարձակալվել մեկ այլ ակումբի կողմից իր և ակումբների միջև կնքված գրավոր համաձայնագրի հիման վրա: Յուրաքանչյուր այսպիսի վարձակալություն կարգավորվում է ֆուտբոլիստների տեղափոխության ժամանակ կիրառվող նույն կանոններով՝ ներառյալ մարզումային փոխհատուցման և համերաշխության մեխանիզմին վերաբերող դրույթները:
- Վարձակալության նվազագույն ժամկետը պետք է լինի գրանցման երկու ժամանակահատվածների միջև ընկած ժամանակահատվածը:
- Ֆուտբոլիստին վարձակալության հիմունքներով ընդունած ակումբը իրավասու չէ նրան տեղափոխելու երրորդ ակումբ՝ առանց ֆուտբոլիստի և նրան վարձակալության տրամադրող ակումբի գրավոր համաձայնության:

Հոդված 12.1. Չգրանցված ֆուտբոլիստներ

Անօրինական է համարվում ցանկացած ֆուտբոլիստի՝ ակումբի կազմում պաշտոնական խաղին մասնակցելը, եթե նա գրանցված չէ ՀՖՖ-ում: Չսահմանափակելով միջոցները, որոնք հարկավոր են հանդիսանալու ֆուտբոլիստի անօրինական մասնակցության հետևանքով առաջացած մարզական հետևանքները շտկելու համար՝ ՀՖՖ-ն կարող է կիրառել պատժամիջոցներ ֆուտբոլիստի և/կամ ակումբի նկատմամբ ևս:

Գլուխ IV.

Պայմանագրային կայունության պահպանումը պրոֆեսիոնալ ֆուտբոլիստների և ակումբների միջև

Հոդված 13. Պրոֆեսիոնալ ֆուտբոլիստի և ակումբի հարաբերությունները

- Պրոֆեսիոնալ ֆուտբոլիստի և ակումբի միջև հարաբերությունները կարգավորվում են ՀՀ օրենսդրությամբ, ՖԻՖԱ-ի, ՌԻԵՖԱ-ի, ՀՖՖ-ի կանոնակարգող փաստաթղթերով և սույն կանոնակարգով:
- Պրոֆեսիոնալ ֆուտբոլիստի և ակումբի իրավունքներն ու պարտականություններն արտացոլվում են սահմանված կարգով կնքված աշխատանքային պայմանագրում:
- Պրոֆեսիոնալ ֆուտբոլիստը իրավունք չունի նույն ժամանակահատվածի համար մեկից ավելի աշխատանքային պայմանագրեր կնքելու (բացառությամբ վարձակալության դեպքի):

4. Պրոֆեսիոնալ ֆուտբոլիստի և ակումբի միջև ֆինանսական և/կամ այլ կոմերցիոն գաղտնիք պարունակող հարաբերությունները կարող են արտացոլվել պայմանագրին կից կնքվող հավելվածում (հավելվածներում): Հավելվածի (հավելվածների) առկայության մասին պետք է նշված լինի աշխատանքային պայմանագրի հիմնական տեքստում:
5. Աշխատանքային պայմանագրին կից կնքվող հավելվածի (հավելվածների) գրանցումը ՀՖՖ-ում պարտադիր չէ, սակայն համապատասխան վեճերի առկայության դեպքում ՀՖՖ Վեճերի լուծման պալատի պահանջով ենթակա է պարտադիր ներկայացման:
6. Աշխատանքային պայմանագիրը, կից հավելվածները, փոփոխություններն ու լրացումները և լրացուցիչ համաձայնությունները կազմվում են գրավոր, երեք օրինակից և կողմերի կողմից ստորագրվում են էջ առ էջ:
7. Պայմանագրի նվազագույն պահանջները, ինչպես նաև տիպային օրինակը ներկայացված են երկրորդ հավելվածում:

Հոդված 14. Պրոֆեսիոնալ ֆուտբոլիստի և ակումբի միջև կնքվող պայմանագրի հատուկ պայմաններ

1. Պրոֆեսիոնալ ֆուտբոլիստի և ակումբի միջև կնքվող պայմանագրում նշվում են նաև այն անձանց տվյալները, ովքեր ներգրավված են եղել բանակցություններում, կամ պայմանագրի կնքման գործընթացում (ֆուտբոլիստի օրինական ներկայացուցիչ, միջնորդ, թարգմանիչ և այլն):
2. Պայմանագրի նվազագույն տևողությունը կարող է լինել պայմանագիրը ուժի մեջ մտնելու պահից մինչև տվյալ մրցաշրջանի ավարտը, իսկ առավելագույն տևողությունը՝ 5 տարի:
3. Տասնութ տարին չլրացած ֆուտբոլիստը չի կարող կնքել պայմանագիր երեք տարվանից ավել ժամկետով:
4. Աշխատանքային պայմանագիր կարող է ստորագրել միայն 16 տարին լրացած ֆուտբոլիստը: 14-16 տարեկան ֆուտբոլիստի հետ պայմանագիր կարող է կնքվել ծնողներից մեկի, որդեգրողի կամ հոգաբարձուի գրավոր համաձայնությամբ: 14 տարին չլրացած ֆուտբոլիստի հետ աշխատանքային պայմանագիր կնքելն արգելվում է:
5. Պրոֆեսիոնալ ֆուտբոլիստի հետ պայմանագիր կնքել ցանկացող ակումբը պետք է մինչև բանակցություններ սկսելը իր մտադրության մասին գրավոր տեղեկացնի պրոֆեսիոնալ ֆուտբոլիստի գործող ակումբին:
6. Պրոֆեսիոնալ ֆուտբոլիստն իրավասու է կնքելու պայմանագիր այլ ակումբի հետ, եթե իր ակումբի հետ գործող պայմանագիրն ավարտվել է կամ կավարտվի վեց ամսից ոչ ուշ: Այս դրույթի յուրաքանչյուր խախտում ենթակա է համապատասխան պատժամիջոցների:
7. Պայմանագրի գործողությունը չի կարող կախված լինել ֆուտբոլիստի բժշկական հետազոտության արդյունքներից և/կամ աշխատանքի թույլտվության հանգամանքից:
8. Եթե ֆուտբոլիստը մարզումների, հավաքների, խաղերի կամ մրցուղևորության ժամանակ ստացած խեղման (վնասվածք) հետևանքով կորցրել է աշխատունակությունը, սպա նրա հետ կնքված աշխատանքային պայմանագիրը չի կարող լուծվել ակումբի նախաձեռնությամբ՝ առանց ֆուտբոլիստի համաձայնության՝ մինչև նրա աշխատունակության վերականգնումը կամ հաշմանդամության կարգի դրոշումը:

Հոդված 14.1. Երրորդ կողմի ազդեցությունն ակումբի վրա

1. Որևէ ակումբ չի կարող կնքել պայմանագիր այլ ակումբի (ակումբների) հետ, որը կօժտի նրան (նրանց), կամ հակառակը, կամ էլ որևէ երրորդ կողմի լիազորություններով ներազդելու ակումբի կադրային և տրանսֆերային հարցերի հետ կապված անկախության, քաղաքականության և թիմերի մրցելույթների վրա:

2. ՖԻՖԱ-ի Կարգապահական կոմիտեն կարող է կարգապահական պատժամիջոցներ կիրառել այն ակումբների նկատմամբ, որոնք չեն կատարի սույն հոդվածով ամրագրված իրենց պարտականությունները:

Հոդված 14.² Ֆուտբոլիստների ֆինանսական իրավունքների տնօրինումը երրորդ անձանց կողմից

1. Որևէ ակումբ կամ ֆուտբոլիստ չի կարող համաձայնության գալ երրորդ կողմի հետ, որի հետևանքով երրորդ կողմը իրավունք կստանա ամբողջական կամ մասնակի մասնակցություն ունենալ ֆուտբոլիստի՝ ակումբից ակումբ հետագա տեղափոխման համար հասանելիք փոխհատուցման վճարմանը, կամ երրորդ կողմին կտրվեն ֆուտբոլիստի հետագա տեղափոխության կամ մարզումային փոխհատուցման հետ կապված որոշակի իրավունքներ:
2. Սույն հոդվածի 1-ին կետը ուժի մեջ է մտել 2015թ. մայիսի 1-ին:
3. Համաձայնագրերը, որոնք կնքվել են մինչև 2015թ. մայիսի 1-ը (տե՛ս սույն հոդվածի 1-ին կետը) մնում են ուժի մեջ մինչև իրենց պայմանագրային ժամկետի ավարտը:
4. Առաջին կետում նկարագրված 2015թ. հունվարի 1-ից ապրիլի 30-ը ընկած ժամանակահատվածում կնքված ցանկացած համաձայնագրի վավերականության ժամկետը չի կարող գերազանցել 1 տարին՝ սկսած ուժի մեջ մտնելու օրվանից:
5. Վերոնշյալ 1-ին կետում նկարագրված բոլոր գործող համաձայնագրերը պետք է մինչև 2015թ. ապրիլի վերջը մուտքագրվեին ՖԻՖԱ-ի Տրանսֆերների համադրման համակարգ (S22): Նման համաձայնագրեր ստորագրած բոլոր ակումբները պարտավոր են ամբողջությամբ S22 մուտքագրել այդ համաձայնագրերը, ներառյալ բոլոր առկա հավելվածները կամ փոփոխությունները նշելով ներգրավված երրորդ կողմի տվյալները, ֆուտբոլիստի ամբողջական անունը, ինչպես նաև համաձայնագրի տևողության ժամկետը:
6. ՖԻՖԱ-ի Կարգապահական կոմիտեն կարող է կարգապահական պատժամիջոցներ կիրառել այն ակումբների և ֆուտբոլիստների նկատմամբ, որոնք չեն կատարի սույն հոդվածով ամրագրված իրենց պարտականությունները:

Հոդված 15. Պայմանագրի գրանցումը

1. Ակումբի և ֆուտբոլիստի միջև կնքված պայմանագիրը, ինչպես նաև դրանում բոլոր փոփոխությունները և լրացումները ենթակա են գրանցման ՀՖՖ-ում՝ 15-օրյա ժամկետում:
2. ՀՖՖ ներկայացվում են պայմանագրի բնօրինակները, որոնցից երկուսը համապատասխան գրանցում ստանալուց հետո վերադարձվում են ակումբին:
3. Չգրանցված պայմանագրերը չեն կարող հիմք հանդիսանալ ակումբի և պրոֆեսիոնալ ֆուտբոլիստի միջև պայմանագրային վեճերի քննարկման դեպքում:

Հոդված 16. Պայմանագրի դադարեցումը հիմնավոր դրդապատճառներով

Պայմանագիրը կարող է միակողմանի, առանց հետևանքների (փոխհատուցման վճարում կամ մարզական պատժամիջոցներ) դադարեցվել միայն հիմնավոր դրդապատճառների առկայության դեպքում:

Հոդված 17. Պայմանագրի դադարեցումը մարզական տեսանկյունից հիմնավոր դրդապատճառներով

Պրոֆեսիոնալ ֆուտբոլիստը, որը մրցաշրջանի ընթացքում մասնակցել է իր ակումբի անցկացրած 10%-ից քիչ պաշտոնական խաղերի, կարող է վաղաժամ՝ մրցաշրջանի ավարտին, դադարեցնել պայմանագիրը մարզական դրդապատճառներով: Նման դեպքերում գնահատական տալիս հատուկ ուշադրություն է դարձվում ֆուտբոլիստին վերաբերող հանգամանքներին: Եթե պայմանագրի դադարեցումը հիմնավորված է

մարզական տեսանկյունից, ապա մարզական պատժամիջոցներ չեն կիրառվում, սակայն պայմանագրում նշված փոխհատուցումը պետք է իրականացվի: Այդ դեպքում պրոֆեսիոնալ ֆուտբոլիստը կարող է դադարեցնել պայմանագիրն իր ակումբի մրցաշրջանի վերջին պաշտոնական խաղից հետո՝ 15-օրյա ժամկետում:

Հոդված 18. Խաղաշրջանի ընթացքում պայմանագրի դադարեցման սահմանափակումը

Պայմանագիրը չի կարող միակողմանի դադարեցվել մրցաշրջանի ընթացքում:

Հոդված 19. Առանց հիմնավոր դրդապատճառի պայմանագրի դադարեցման հետևանքները

Առանց հիմնավոր դրդապատճառի պայմանագիրը միակողմանի դադարեցնելու դեպքում սահմանվում է հետևյալը.

1. Պայմանագիրը դադարեցնող կողմը վճարում է փոխհատուցում: Հաշվի առնելով մարզումային փոխհատուցման վերաբերյալ 4-րդ հավելվածի դրույթները, ինչպես նաև այն, որ եթե պայմանագրով այլ բան նախատեսված չէ, ապա խախտման դիմաց փոխհատուցումը հաշվարկվում է՝ հաշվի առնելով ՀՀ օրենսդրությունը, մարզական առանձնահատկությունները և ցանկացած այլ օբյեկտիվ չափանիշներ: Վերջիններս, մասնավորապես, ընդգրկում են՝
 - առկա և/կամ նոր պայմանագրի համաձայն ֆուտբոլիստին հասանելիք վարձավճարները և այլ եկամուտները,
 - մինչև պայմանագրի ավարտը մնացած ժամանակամիջոցը (առավելագույնը մինչև 5 տարի),
 - նախկին ակումբի կողմից վճարված գումարները և ծախսերը (ամորտիզացիոն նկատառումներով բաշխված պայմանագրի գործողության ողջ ժամկետի վրա),
 - արդյոք պայմանագրի դադարեցումը տեղի է ունեցել պաշտպանված ժամանակահատվածի ընթացքում:
2. Փոխհատուցման իրավունքը չի կարող փոխանցվել երրորդ կողմին: Եթե պրոֆեսիոնալ ֆուտբոլիստը պետք է փոխհատուցում վճարի, ապա տվյալ ֆուտբոլիստը և նրա նոր ակումբը հավասարաչափ պատասխանատվություն են կրում այդ վճարումների համար: Գումարի չափը կարող է նախատեսվել պայմանագրով կամ համաձայնեցվել կողմերի միջև:
3. Պաշտպանված ժամանակահատվածում ֆուտբոլիստի կողմից պայմանագիրը միակողմանի դադարեցնելու դեպքում փոխհատուցման պարտավորությունից բացի կարող են կիրառվել նաև մարզական պատժամիջոցներ: Նշված պատժամիջոցը շուրջ չորս ամսով, իսկ որոշ դեպքերում՝ վեց ամսով ֆուտբոլիստին զրկում է պաշտոնական խաղերում հանդես գալու իրավունքից: Սույն մարզական պատժամիջոցները ուժի մեջ են մտնում տվյալ որոշման մասին ֆուտբոլիստի տեղեկացման պահից: Մարզական պատժամիջոցները կասեցվում են մրցաշրջանի վերջին պաշտոնական խաղի և հաջորդ մրցաշրջանի առաջին պաշտոնական խաղի միջև ընկած ժամանակահատվածում՝ ներառելով ակումբների ազգային գավաթների մրցաշարերն ու միջազգային առաջնությունները: Կասեցված մարզական պատժամիջոցները վերսկսվում են, եթե ֆուտբոլիստը հանդիսանում է այն ասոցիացիայի հավաքականի անդամ, որին իրավասու է ներկայացնել, և եթե տվյալ ասոցիացիան հաջորդ մրցաշրջանի վերջին և առաջին խաղերի միջև ընկած ժամանակահատվածում մասնակցում է միջազգային մրցաշարի եզրափակիչ փուլին: Առանց հիմնավոր կամ մարզական տեսանկյունից հիմնավոր դրդապատճառների պաշտպանված ժամանակահատվածից դուրս պայմանագիրը միակողմանի դադարեցնելու դեպքում մարզական պատժամիջոցներ չեն կիրառվում: Այդ դեպքում պայմանագրի վաղաժամկետ դադարեցման վերաբերյալ կողմը (կողմերը) համապատասխան ծանուցում պետք է ներկայացնի

(ներկայացնեն) ՀՖՖ՝ մրցաշրջանի ավարտից հետո 15-օրյա ժամկետում: Պաշտպանված ժամանակահատվածը վերսկսվում է պայմանագրի նորացման դեպքում, եթե նախկին պայմանագրի ժամկետը երկարացվել է:

4. Պաշտպանված ժամանակահատվածում ակումբի կողմից պայմանագիրը դադարեցնելու կամ դադարեցում հրահրելու մեջ մեղավոր ճանաչվելու դեպքում, փոխհատուցում վճարելու պարտավորությունից բացի, կիրառվում են նաև մարզական պատժամիջոցներ: Ենթադրվում է, որ առանց հիմնավոր դրդապատճառի պայմանագիրը դադարեցրած պրոֆեսիոնալ ֆուտբոլիստի հետ նոր պայմանագիր ստորագրած ակումբն է հրահրել նրան նման գործողությունների, եթե չի ապացուցվում հակառակը: Ակումբը գրկվում է տեղական և միջազգային մակարդակով որևէ նոր ֆուտբոլիստ գրանցելու հնարավորությունից երկու իրար հաջորդող գրանցման ժամանակահատվածների ընթացքում: Ակումբն իրավունք է ստանում գրանցել նոր ֆուտբոլիստի (տեղական կամ միջազգային մակարդակով) միայն տվյալ սպորտային պատժամիջոցի ամբողջական կիրառմանը հաջորդող գրանցման ժամանակահատվածում: Մասնավորապես, ակումբը չի կարող օգտվել ՀՖՖ-ի ֆուտբոլիստների կարգավիճակի և տեղափոխության կանոնակարգի 6-րդ հոդվածի 3-րդ կետում ամրագրված բացառությունից և ժամանակավոր միջոցներից՝ ֆուտբոլիստներին առավել վաղ շրջանում գրանցելու նպատակով:
5. Պատժամիջոցներ են կիրառվում ՖԻՖԱ-ի կանոնադրությանն ու կանոնակարգերին ենթակա այն անձանց նկատմամբ, ովքեր փորձում են իրենց գործողություններով պայմանագրի խզում հրահրել ակումբի և պրոֆեսիոնալ ֆուտբոլիստի միջև՝ վերջինիս տեղափոխությունը հեշտացնելու նպատակով:

Գլուխ V.

Մարզումային փոխհատուցումը և համերաշխության մեխանիզմը

Հոդված 20. Պրոֆեսիոնալ ֆուտբոլիստի մարզումային փոխհատուցումը

1. Մարզումային փոխհատուցում պետք է վճարվի պրոֆեսիոնալ ֆուտբոլիստին մարզած, կրթած ակումբին (ակումբներին՝
 - ա) եթե ֆուտբոլիստը ստորագրում է իր առաջին պրոֆեսիոնալ պայմանագիրը,
 - բ) եթե պրոֆեսիոնալ ֆուտբոլիստը տեղափոխվում է մի ակումբից մյուսը (պայմանագրի ընթացքում կամ ավարտից հետո) մինչև իր 23 տարեկան դառնալու մրցաշրջանի ավարտը:
2. Մարզումային փոխհատուցում վճարելու պարտավորությունը ծագում է, եթե պրոֆեսիոնալ ֆուտբոլիստի տեղափոխությունը տեղի է ունենում նախքան նրա 23 տարին լրանալը՝ մինչև մրցաշրջանի ավարտը:
3. Մարզումային փոխհատուցմանը վերաբերող բոլոր դրույթները շարադրված են սույն կանոնակարգի 4-րդ հավելվածում:

Հոդված 21. Սիրողական ֆուտբոլիստի մարզումային փոխհատուցումը

1. Մարզումային փոխհատուցում վճարվում է 12 տարին լրացած սիրողական ֆուտբոլիստի՝ նոր ակումբ տեղափոխության ժամանակ, նրան մարզած, կրթած նախկին ակումբին՝ համաձայն ՀՖՖ սահմանած ակումբների կարգերի և դրույթաչափերի (հավելված 7):

2. Մարզումային փոխհատուցում չի վճարվում սիրողական ֆուտբոլիստի տեղափոխության դեպքում, եթե նա ակումբից ակումբ է տեղափոխվել իր 23 տարին լրանալու մրցաշրջանի ավարտից հետո:
3. Սիրողական ֆուտբոլիստների մարզումային փոխհատուցմանը վերաբերող բոլոր դրույթները շարադրված են սույն կանոնակարգի 4-րդ հավելվածում:

Հոդված 22. Համերաշխության մեխանիզմը

1. Պայմանագրի գործողության ընթացքում պրոֆեսիոնալ ֆուտբոլիստի տեղափոխության դեպքում նրան մարզած և կրթած ցանկացած ակումբ պետք է ստանա իր մասնաբաժինը այն գումարից, որը վճարվում է ֆուտբոլիստի նախկին ակումբին (համերաշխության վճար):
2. Համերաշխության մեխանիզմին վերաբերող բոլոր դրույթները շարադրված են սույն կանոնակարգի 5-րդ հավելվածում:

Գլուխ VI.

Վեճերի Լուծման Պալատ

Հոդված 23. Վեճերի լուծման կարգը

Ֆուտբոլային սուբյեկտների միջև սույն կանոնակարգից բխող վեճերի կարգավորումը իրականացվում է Վեճերի լուծման պալատի կողմից ՀՖՖ կանոնադրության, սույն կանոնակարգի և ՎԼՊ կանոնակարգով սահմանված կարգով:

Գլուխ VII.

Եզրափակիչ դրույթներ

Հոդված 24. Գանտակարգի ուժի մեջ մտնելը

1. Սույն կանոնակարգը հաստատվել է Գործկոմի կողմից և ուժի մեջ է մտել 07.07.2016թ.:
2. Սույն կանոնակարգի ուժի մեջ մտնելու պահից ուժը կորցրած ճանաչել 29.04.2012թ. ՀՖՖ Ֆուտբոլիստների կարգավիճակի և տեղափոխության մասին կանոնակարգը և հետագայում դրանում կատարված բոլոր փոփոխությունները:
3. Սույն կանոնակարգով չնախատեսված դեպքերում, ինչպես նաև ֆորս-մաժորային իրավիճակներում որոշումը կայացվում է ՀՖՖ Գործկոմի կողմից, որը վերջնական է:
4. Ցանկացած գործ, որ ՀՖՖ-ին ներկայացվել է նախքան սույն կանոնակարգի ուժի մեջ մտնելը, քննարկվում է՝ ըստ նախկին կանոնակարգի:

Հոդված 25. Պատասխանատվությունը՝ կանոնակարգի դրույթները խախտելու համար

Սույն կանոնակարգի դրույթների խախտման, չկատարման կամ ոչ պատշաճ կատարման դեպքերում ֆուտբոլային սուբյեկտները ենթարկվում են կարգապահական պատժամիջոցների սույն կանոնակարգի 9-րդ հավելվածի և/կամ ՀՖՖ գործող կանոնակարգերի դրույթներին համապատասխան:

ՀԱՎԵԼՎԱԾ 1. Ֆուտբոլիստների ազատ արձակումը ՀՀ Ազգային հավաքականներում հանդես գալու համար

Հոդված 1. Գանձներ

1. ՀՖՖ կողմից հրավերքի առկայության դեպքում ակումբները պարտավոր են տրամադրել իրենց մոտ գրանցված ֆուտբոլիստներին ՀՀ ազգային հավաքականներում հանդես գալու համար: Նշված դրույթը սահմանափակող ցանկացած այլ համաձայանություն ֆուտբոլիստի և ակումբի միջև առոչինչ է:
2. Սույն հոդվածի առաջին կետի պայմանների համաձայն՝ ֆուտբոլիստների ազատ արձակումը պարտադիր է Միջազգային խաղերի հաստատված խաղացանկում ընդգրկված բոլոր «միջազգային պատուհանների» համար (տե՛ս սույն հոդվածի 3-րդ և 4-րդ կետերը), ինչպես նաև ՖԻՖԱ-ի Աշխարհի Գավաթի եզրափակիչ մրցաշարերի, ՖԻՖԱ-ի Կոնֆեդերացիաների Գավաթի և Կոնֆեդերացիաների ազգային հավաքականների առաջնությունների համար, եթե համապատասխան ստացիացիան կազմակերպիչ կոնֆեդերացիայի անդամ է:
3. Համապատասխան անդամների հետ խորհրդակցելուց հետո ՖԻՖԱ-ն հրապարակում է միջազգային խաղերի հաստատված խաղացանկը չորս կամ ութ տարի ժամկետով: Այն ներառում է տվյալ շրջանում նախատեսված բոլոր միջազգային պատուհանները (տե՛ս սույն հոդվածի 4-րդ կետը): Միջազգային խաղերի հաստատված խաղացանկի հրապարակումից հետո ավելացվում են միայն ՖԻՖԱ-ի Աշխարհի Գավաթի, ՖԻՖԱ-ի Կոնֆեդերացիաների Գավաթի ու Կոնֆեդերացիաների ազգային հավաքականների առաջնությունների եզրափակիչ մրցաշարերը:
4. «Միջազգային պատուհան»-ը իննօրյա ժամանակահատված է, որը հատկացվում է ազգային հավաքականների խաղերի անցկացման համար: Այն սկսվում է երկուշաբթի առավոտյան և ավարտվում հաջորդ շաբաթվա երեքշաբթի գիշերը: Ցանկացած «միջազգային պատուհանի» ժամանակ յուրաքանչյուր ազգային հավաքական կարող է անցկացնել առավելագույնը երկու խաղ՝ անկախ այն հանգամանքից՝ խաղերը միջազգային մրցաշարի որակավորման փուլի, թե ընկերական խաղեր են: Միջազգային պատուհանի ընթացքում տեղի ունեցող նշված խաղերը կարող են անցկացվել ցանկացած օր՝ սկսած չորեքշաբթի օրվանից՝ այն պայմանով, որ երկու իրար հաջորդող խաղերի միջև ընկած կլինի օրացուցային ամբողջական երկու օր (օր՝ հինգշաբթի/կիրակի կամ շաբաթ/երեքշաբթի):
5. Հավաքական թիմերը պետք է անցկացնեն «միջազգային պատուհանի» ընթացքում ընկած 2 հանդիպումները նույն կոնֆեդերացիայի տարածքում, բացառությամբ միջմայրցամաքային անցումային (փլեյ-օֆֆ) խաղերի: Եթե երկու խաղերից առնվազն մեկն ընկերական է, դրանք կարող են անցկացվել երկու տարբեր կոնֆեդերացիաներում, միայն եթե խաղերի անցկացման երկու վայրերի միջև թռիչքի հեռավորությունը, համաձայն ավիաընկերության պաշտոնական չվացուցակի և երկու ժամային գոտիների, չի գերազանցում 5 ժամը:
6. Համաձայն սույն հոդվածի 2-րդ կետի՝ ստացիացիան պարտավոր է ազատ արձակել ֆուտբոլիստներին միջազգային խաղերի հաստատված խաղացանկում ընդգրկված «միջազգային պատուհանի» կամ եզրափակիչ մրցաշարերի ընթացքում: Մնացած դեպքերում ֆուտբոլիստների ազատ արձակումը պարտադիր չէ: Աստիացիան նաև պարտավոր չէ ազատ արձակել միննույն ֆուտբոլիստին ազգային հավաքականի կազմում տարեկան ավելի քան մեկ եզրափակիչ մրցաշարի մասնակցելու համար: Տվյալ կանոնի վերաբերյալ բացառությունները հաստատվում են ՖԻՖԱ-ի Գործադիր կոմիտեի կողմից միայն ՖԻՖԱ-ի Կոնֆեդերացիաների Գավաթի համար:

7. «Միջազգային պատուհանների» համար ֆուտբոլիստները պետք է ազատ արձակվեն և միանան իրենց երկրի ազգային հավաքականին ոչ ուշ, քան երկուշաբթի առավոտյան և վերադառնան իրենց ակումբ ոչ ուշ, քան «միջազգային պատուհանին» հաջորդող չորեքշաբթի առավոտյան: Եզրափակիչ մրցաշարերի համար, համաձայն սույն հոդվածի 2-րդ և 3-րդ կետերի, ֆուտբոլիստները պետք է ազատ արձակվեն իրենց երկրի ազգային հավաքականին միանալու նպատակով ոչ ուշ, քան եզրափակիչ մրցաշարին նախորդող շաբաթվա երկուշաբթի առավոտյան և ազատ արձակվեն ասոցիացիայի կողմից մրցաշարում իրենց թիմի անցկացրած վերջին խաղի հաջորդ օրը՝ առավոտյան:
8. Ակումբները և ասոցիացիաները կարող են համաձայնության գալ ֆուտբոլիստին ավելի երկար ժամկետով ազատ արձակելու կամ համաձայն 7-րդ կետի՝ այլ գործողությունների վերաբերյալ:
9. Համաձայն սույն հոդվածի դրույթների՝ ֆուտբոլիստները, ովքեր ազատ են արձակվել իրենց ազգային հավաքականներին միանալու նպատակով, պետք է վերադառնան իրենց ակումբներ ազատ արձակման ժամկետի ավարտից ոչ ուշ, քան 24 ժամ հետո: Տվյալ ժամանակահատվածը կարող է երկարաձգվել մինչև 48 ժամ, եթե ազգային հավաքականների խաղերը տեղի են ունեցել ոչ այն կոնֆեդերացիայում, որտեղ գրանցված է ֆուտբոլիստի ակումբը: Ակումբները պետք է գրավոր տեղեկացվեն ֆուտբոլիստի մեկնելու և վերադառնալու չվացուցակի մասին՝ ազատ արձակման ժամանակահատվածի սկսելուց 10 օր առաջ: Ասոցիացիաները պետք է երաշխավորեն խաղից հետո ֆուտբոլիստների ժամանակին վերադարձն իրենց ակումբներ:
10. Եթե ֆուտբոլիստը չի վերադառնում իր ակումբ մինչև սույն հոդվածում նշված վերջնաժամկետը, ապա համապատասխան հարցման դեպքում ՖԻՖԱ-ի Ֆուտբոլիստների կարգավիճակի կոմիտեն կարող է որոշում կայացնել, համաձայն որի՝ հաջորդ անգամ ազգային հավաքականին միանալու նպատակով ֆուտբոլիստին ազատ արձակելու ժամանակահատվածը կրճատվում է հետևյալ ձևով՝
 - ա) «միջազգային պատուհանի» համար՝ 2 օրով
 - բ) միջազգային մրցաշարի եզրափակիչ մրցումների համար՝ 5 օրով:

11. Եթե ասոցիացիան շարունակաբար խախտում է նշված դրույթները, ապա ՖԻՖԱ-ի Ֆուտբոլիստների կարգավիճակի կոմիտեն իրավասու է կիրառել հետևյալ պատժամիջոցները՝
 - ա) տուգանքներ
 - բ) ֆուտբոլիստին ազատ արձակելու ժամանակահատվածի կրճատում
 - գ) ազգային հավաքականներում հանդես գալու նպատակով ֆուտբոլիստի (ֆուտբոլիստների) ազատ արձակման արգելք:

Հոդված 11. Կանանց ֆուտբոլի կանոններ

1. ՀՖՖ կողմից հրավերքի առկայության դեպքում ակումբները պարտավոր են տրամադրել իրենց մոտ գրանցված ֆուտբոլիստուհիներին ՀՀ ազգային հավաքականներում հանդես գալու համար: Նշված դրույթին հակասող ցանկացած այլ համաձայնություն ֆուտբոլիստուհու և ակումբի միջև արգելվում է:
2. Սույն հոդվածի առաջին կետի պայմանների համաձայն՝ ֆուտբոլիստուհիների ազատ արձակումը պարտադիր է Կանանց միջազգային խաղերի հաստատված խաղացանկում ընդգրկված բոլոր «միջազգային պատուհանների» համար (տե՛ս սույն հոդվածի 3-րդ և 4-րդ կետերը), ինչպես նաև ՖԻՖԱ-ի Կանանց Աշխարհի Գավաթի եզրափակիչ մրցաշարերի,

Կանանց Ֆուտբոլի Օլիմպիական մրցաշարի, Կոնֆեդերացիաների կանանց ազգային հավաքականների առաջնությունների համար, եթե համապատասխան ասոցիացիան կազմակերպիչ կոնֆեդերացիայի անդամ է, և Կանանց Ֆուտբոլի Օլիմպիական մրցաշարի մասնակցության իրավունք տվող կոնֆեդերացիաների որակավորման եզրափակիչ մրցաշարերի համար (12 օր ազատ արձակման առավելագույն ժամկետով):

3. Համապատասխան անդամների հետ խորհրդակցելուց հետո ՖԻՖԱ-ն հրապարակում է կանանց միջազգային խաղերի հաստատված խաղացանկը երկու կամ չորս տարի ժամկետով: Այն ներառում է տվյալ շրջանում նախատեսված բոլոր միջազգային պատուհանները (տե՛ս սույն հոդվածի 4-րդ կետը): Կանանց միջազգային խաղերի հաստատված խաղացանկի հրապարակումից հետո ցանկին ավելացվում են միայն Կանանց Ֆուտբոլի Օլիմպիական մրցաշարը, ՖԻՖԱ-ի Կանանց Աշխարհի Գավաթի, Կոնֆեդերացիաների կանանց ազգային հավաքականների առաջնությունների և Կանանց Ֆուտբոլի Օլիմպիական մրցաշարի մասնակցության իրավունք տվող կոնֆեդերացիաների որակավորման եզրափակիչ մրցաշարերը:
4. «Միջազգային պատուհանները» լինում են 3 տեսակի՝

ա) առաջին տեսակը սահմանվում է որպես իննօրյա ժամանակահատված, որը սկսում է երկուշաբթի առավոտյան և ավարտվում ազգային հավաքականների ելույթներին հաջորդող շաբաթվա երեքշաբթի գիշերը: Առաջին տեսակի «միջազգային պատուհանի» ժամանակ յուրաքանչյուր ազգային հավաքական կարող է անցկացնել առավելագույնը երկու խաղ՝ անկախ այն հանգամանքից՝ խաղերը միջազգային մրցաշարի որակավորման փուլի, թե ընկերական խաղեր են: «Միջազգային պատուհանի» ընթացքում տեղի ունեցող նշված խաղերը կարող են անցկացվել ցանկացած օր՝ սկսած չորեքշաբթի օրվանից, այն պայմանով, որ երկու իրար հաջորդող խաղերի միջև ընկած կլինի օրացուցային ամբողջական երկու օր (օր.՝ հինգշաբթի/կիրակի կամ շաբաթ/երեքշաբթի):

բ) երկրորդ տեսակը սահմանվում է որպես իննօրյա ժամանակահատված, որը սկսում է երկուշաբթի առավոտյան և ավարտվում կոնֆեդերացիաները ներկայացնող հավաքականների մասնակցությամբ որակավորման մինի-մրցաշարերին հաջորդող շաբաթվա երեքշաբթի գիշերը: Երկրորդ տեսակի «միջազգային պատուհանի» ժամանակ յուրաքանչյուր ազգային հավաքական կարող է անցկացնել առավելագույնը երեք խաղ:

գ) երրորդ տեսակը սահմանվում է որպես տասնօրյա ժամանակահատված, որը սկսում է երկուշաբթի առավոտյան և ավարտվում հավաքականների՝ օրացուցային յուրաքանչյուր տարվա փետրվար/մարտ ամիսներին նախատեսված ընկերական մրցաշարերին հաջորդող շաբաթվա չորեքշաբթի գիշերը: Երրորդ տեսակի «միջազգային պատուհանի» ժամանակ յուրաքանչյուր ազգային հավաքական կարող է անցկացնել առավելագույնը չորս խաղ:

5. Սույն հոդվածի 2-րդ կետի համաձայն՝ «միջազգային պատուհանից» դուրս կամ կանանց ֆուտբոլի միջազգային խաղացանկի մեջ ներառված և նշված մրցաշարերից դուրս ֆուտբոլիստուհիների ազատ արձակումը պարտադիր չէ:
6. Բոլոր երեք տեսակի «միջազգային պատուհանների» համար ֆուտբոլիստուհիները պետք է ազատ արձակվեն և միանան իրենց երկրի ազգային հավաքականին ոչ ուշ, քան երկուշաբթի առավոտյան, և վերադառնան իրենց ակումբ ոչ ուշ, քան «միջազգային պատուհանին» հաջորդող չորեքշաբթի (I կամ II տեսակի «միջազգային պատուհանի» համար) կամ հինգշաբթի առավոտյան (III տեսակի «միջազգային պատուհանի» համար): Կանանց Ֆուտբոլի Օլիմպիական մրցաշարի մասնակցության իրավունք տվող կոնֆեդերացիաների որակավորման եզրափակիչ մրցաշարերի համար ֆուտբոլիստուհիները պետք է ազատ արձակվեն ակումբի կողմից և միանան

իրենց երկրի ազգային հավաքականին ոչ ուշ, քան եզրափակիչ մրցաշարի առաջին խաղից առաջ՝ երկուշաբթի առավոտյան, և ազատ արձակվեն ասոցիացիայի կողմից իրենց ակումբ վերադառնալու նպատակով մրցաշարում իրենց թիմի անցկացրած վերջին խաղի հաջորդ օրը՝ առավոտյան:

Եզրափակիչ մրցաշարերի համար, համաձայն սույն հոդվածի 2-րդ և 3-րդ կետերի, ֆուտբոլիստուհիները պետք է ազատ արձակվեն ակումբի կողմից իրենց երկրի ազգային հավաքականին միանալու նպատակով ոչ ուշ, քան եզրափակիչ մրցաշարի առաջին խաղից 14 օր առաջ՝ երկուշաբթի առավոտյան, և ազատ արձակվեն ասոցիացիայի կողմից իրենց ակումբ վերադառնալու նպատակով մրցաշարում իրենց թիմի անցկացրած վերջին խաղի հաջորդ օրը՝ առավոտյան:

7. Ակումբները և ասոցիացիաները կարող են համաձայնության գալ ֆուտբոլիստուհուն ավելի երկար ժամկետով ազատ արձակելու կամ 6-րդ կետին առնչվող այլ գործողությունների վերաբերյալ:
8. Համաձայն սույն հոդվածի դրույթների՝ ֆուտբոլիստուհիները, ովքեր ազատ են արձակվել իրենց ազգային հավաքականներին միանալու նպատակով, պետք է վերադառնան իրենց ակումբներ ազատ արձակման ժամկետի ավարտից ոչ ուշ, քան 24 ժամ հետո: Տվյալ ժամանակահատվածը կարող է երկարաձգվել մինչև 48 ժամ, եթե ազգային հավաքականների խաղերը տեղի են ունեցել ոչ այն կոնֆեդերացիայում, որտեղ գրանցված է ֆուտբոլիստուհու ակումբը: Ակումբները պետք է գրավոր տեղեկացվեն ֆուտբոլիստուհու մեկնելու և վերադառնալու չվացուցակի մասին՝ ազատ արձակման ժամանակահատվածի սկսելուց 10 օր առաջ: Ասոցիացիաները պետք է երաշխավորեն, որ ֆուտբոլիստուհիները ժամանակին կվերադառնան իրենց ակումբներ:
9. Եթե ֆուտբոլիստուհին չի վերադառնում իր ակումբ մինչև սույն հոդվածում նշված վերջնաժամկետը, ապա համապատասխան հարցման դեպքում ՖԻՖԱ-ի Ֆուտբոլիստների կարգավիճակի կոմիտեն կարող է որոշում կայացնել, որի համաձայն՝ հաջորդ անգամ ազգային հավաքականին միանալու նպատակով ֆուտբոլիստուհուն ազատ արձակելու ժամանակահատվածը կրճատվում է հետևյալ ձևով՝

ա) «միջազգային պատուհանի» համար՝ 2 օրով

բ) միջազգային մրցաշարի եզրափակիչ մրցումների համար՝ 5 օրով:

10. Եթե ասոցիացիան շարունակաբար խախտում է նշված դրույթները, ապա ՖԻՖԱ-ի Ֆուտբոլիստների կարգավիճակի կոմիտեն իրավասու է կիրառել հետևյալ պատժամիջոցները՝

ա) տուգանքներ

բ) ֆուտբոլիստուհուն ազատ արձակելու ժամանակահատվածի կրճատում

գ) ազգային հավաքականներում հանդես գալու նպատակով ֆուտբոլիստուհուն (ֆուտբոլիստուհիներին) ազատ արձակելու արգելք:

Հոդված 1^Ը. Ֆուտբոլի կանոններ

1. ՀՖՖ կողմից հրավերքի առկայության դեպքում ակումբները պարտավոր են տրամադրել իրենց մոտ գրանցված ֆուտբոլիստներին Հայաստանի Ֆուտբոլի ազգային հավաքականում հանդես գալու համար: Նշված դրույթը սահմանափակող ցանկացած այլ համաձայնություն ֆուտբոլիստի և ակումբի միջև արգելվում է:
2. Սույն հոդվածի առաջին կետի պայմանների համաձայն՝ ֆուտբոլիստների ազատ արձակումը պարտադիր է Ֆուտբոլի միջազգային խաղերի հաստատված խաղացանկում ընդգրկված բոլոր «միջազգային պատուհանների» համար (տե՛ս սույն հոդվածի 3-րդ և 4-րդ կետերը), ինչպես նաև ՖՖՖԱ-ի Ֆուտբոլի Աշխարհի Գավաթի եզրափակիչ մրցաշարերի և Կոնֆեդերացիաների ազգային հավաքականների առաջնությունների համար, եթե համապատասխան ասոցիացիան կազմակերպիչ կոնֆեդերացիայի անդամ է:
3. Համապատասխան անդամների հետ խորհրդակցելուց հետո ՖՖՖԱ-ն հրապարակում է ֆուտբոլի միջազգային խաղերի հաստատված խաղացանկը հինգ տարի ժամկետով: Այն ներառում է տվյալ շրջանում նախատեսված բոլոր միջազգային պատուհանները (տե՛ս սույն հոդվածի 4-րդ կետը): Ֆուտբոլի միջազգային խաղերի հաստատված խաղացանկի հրապարակումից հետո ավելացվում են միայն ՖՖՖԱ-ի Ֆուտբոլի Աշխարհի Գավաթի և Կոնֆեդերացիաների ազգային հավաքականների առաջնությունների եզրափակիչ մրցաշարերը:
4. Ֆուտբոլի «միջազգային պատուհանները» լինում են 2 տեսակի՝
 - ա) առաջին տեսակը սահմանվում է որպես տասնօրյա ժամանակահատված, որը սկսում է երկուշաբթի առավոտյան և ավարտվում ֆուտբոլի ազգային հավաքականների ելույթներին հաջորդող շաբաթվա չորեքշաբթի գիշերը: Առաջին տեսակի «միջազգային պատուհանի» ժամանակ յուրաքանչյուր ազգային հավաքական կարող է անցկացնել առավելագույնը չորս խաղ՝ անկախ այն հանգամանքից՝ խաղերը միջազգային մրցաշարի որակավորման փուլի, թե ընկերական խաղեր են: Առաջին տեսակի «միջազգային պատուհանի» ժամանակ ազգային հավաքականները կարող են անցկացնել առավելագույնը չորս խաղ չ պլեյ, քան երկու կոնֆեդերացիայում:
 - բ) երկրորդ տեսակը բնութագրվում է որպես քառօրյա ժամանակահատված, որը սկսում է կիրակի առավոտյան և ավարտվում ֆուտբոլի ազգային հավաքականների ելույթներին հաջորդող շաբաթվա չորեքշաբթի գիշերը: Երկրորդ տեսակի «միջազգային պատուհանի» ժամանակ յուրաքանչյուր ազգային հավաքական կարող է անցկացնել առավելագույնը երկու խաղ՝ անկախ այն հանգամանքից՝ խաղերը միջազգային մրցաշարի որակավորման փուլի, թե ընկերական խաղեր են: Երկրորդ տեսակի «միջազգային պատուհանի» ժամանակ ազգային հավաքականները սույն կոնֆեդերացիայի տարածքում կարող են անցկացնել առավելագույնը երկու խաղ:
5. Համաձայն սույն հոդվածի 2-րդ կետի՝ ֆուտբոլիստների ազատ արձակումը պարտադիր չէ ֆուտբոլի միջազգային խաղերի հաստատված խաղացանկում ընդգրկված միջազգային պատուհանից դուրս կամ եզրափակիչ մրցաշարերից դուրս:
6. Նշված երկու տեսակի «միջազգային պատուհանների» համար ֆուտբոլիստները պետք է ազատ արձակվեն և միանան իրենց երկրի ազգային հավաքականին ոչ ուշ, քան պատուհանի առաջին կիրակի կամ երկուշաբթի առավոտյան, և վերադառնան իրենց ակումբ ոչ ուշ, քան «միջազգային պատուհանի» փակմանը հաջորդող հինգշաբթի առավոտյան: Կոնֆեդերացիաների ազգային հավաքականների առաջնությունների եզրափակիչ մրցաշարերի համար ֆուտբոլիստները պետք է ազատ արձակվեն իրենց երկրի ազգային հավաքականին միանալու նպատակով ոչ ուշ, քան եզրափակիչ մրցաշարի առաջին խաղից 12 օր առաջ՝ առավոտյան, և ազատ արձակվեն ասոցիացիայի

կողմից իրենց ակումբ վերադառնալու նպատակով մրցաշարում իրենց թիմի անցկացրած վերջին խաղի հաջորդ օրը՝ առավոտյան: ՖԻՖԱ-ի Ֆուտզալի Աշխարհի Գավաթի համար ֆուտբոլիստները պետք է ազատ արձակվեն և միանան իրենց երկրի ազգային հավաքականին Աշխարհի գավաթի մեկնարկից 14 օր առաջ՝ առավոտյան, և ազատ արձակվեն ասոցիացիայի կողմից իրենց ակումբ վերադառնալու նպատակով մրցաշարում իրենց թիմի անցկացրած վերջին խաղի հաջորդ օրը՝ առավոտյան:

7. Ակումբները և ասոցիացիաները կարող են համաձայնության գալ ֆուտբոլիստին ավելի երկար ժամկետով ազատ արձակելու կամ 6-րդ կետին առնչվող այլ գործողությունների վերաբերյալ:
8. Համաձայն սույն հոդվածի դրույթների՝ ֆուտբոլիստները, ովքեր ազատ են արձակվել իրենց ազգային հավաքականներին միանալու նպատակով, պետք է վերադառնան իրենց ակումբներ ազատ արձակման ժամկետի ավարտից ոչ ուշ, քան 24 ժամ հետո: Տվյալ ժամանակահատվածը կարող է երկարաձգվել մինչև 48 ժամ, եթե ազգային հավաքականների խաղերը տեղի են ունեցել ոչ այն կոնֆեդերացիայում, որտեղ գրանցված է ֆուտբոլիստի ակումբը: Ակումբները պետք է գրավոր տեղեկացվեն ֆուտբոլիստի մեկնելու և վերադառնալու չվացուցակի մասին ազատ արձակման ժամանակահատվածի սկսելուց 10 օր առաջ: Ասոցիացիաները պետք է երաշխավորեն, որ ֆուտբոլիստները ժամանակին կվերադառնան իրենց ակումբներ:
9. Եթե ֆուտբոլիստը չի վերադառնում իր ակումբ մինչև սույն հոդվածում նշված վերջնաժամկետը, ապա համապատասխան հարցման դեպքում ՖԻՖԱ-ի Ֆուտբոլիստների կարգավիճակի կոմիտեն կարող է որոշում կայացնել, որի համաձայն՝ հաջորդ անգամ ազգային հավաքականին միանալու նպատակով ֆուտբոլիստին ազատ արձակելու ժամանակահատվածը կրճատվում է հետևյալ ձևով՝

ա) «միջազգային պատուհանի» համար՝ 2 օրով

բ) միջազգային մրցաշարի եզրափակիչ մրցումների համար՝ 5 օրով:

10. Եթե ասոցիացիան շարունակաբար խախտում է նշված դրույթները, ապա ՖԻՖԱ-ի Ֆուտբոլիստների կարգավիճակի կոմիտեն իրավասու է կիրառել հետևյալ պատժամիջոցները՝

ա) տուգանքներ

բ) ֆուտբոլիստին ազատ արձակելու ժամանակահատվածի կրճատում

գ) ազգային հավաքականներում հանդես գալու նպատակով ֆուտբոլիստին (ֆուտբոլիստներին) ազատ արձակելու արգելք:

Հոդված 2. Ֆինանսական դրույթներ և ապահովագրություն

1. Ֆուտբոլիստին ազատ արձակած ակումբը, համաձայն սույն հավելվածի, իրավունք չունի ստանալու ֆինանսական փոխհատուցում:
2. ՀՖՖ-ն հոգում է ֆուտբոլիստների՝ ՀՀ Ազգային հավաքականներ ժամանման հետ կապված ծախսերը:
3. Ակումբը, որտեղ գրանցված է հրավիրված ֆուտբոլիստը, պատասխանատվություն է կրում ազատ արձակման, ամբողջ ժամանակահատվածում նրա հիվանդության և դժբախտ պատահարների, ինչպես նաև այն միջազգային խաղի (խաղերի) ընթացքում ստացած վնասվածքների ապահովագրման համար, որին հրավիրվել է ֆուտբոլիստը:
4. Եթե պրոֆեսիոնալ ֆուտբոլիստն ազգային հավաքականի խաղին մասնակցելու նպատակով ազատ արձակման ժամանակահատվածում պատահաբար մարմնական վնասվածք է ստանում, որի արդյունքում ժամանակավորապես ամբողջովին

անգործունակ է դառնում, ապա ակումբը, որտեղ գրանցված է ֆուտբոլիստը, ստանում է փոխհատուցում ՖԻՖԱ-ի կողմից: Վնասի փոխհատուցման պայմանները և ընթացակարգերը տեղ են գտել Տեխնիկական բյուրոյի ակումբների պաշտպանության ծրագրում:

Հոդված 3. Ֆուտբոլիստների հրավերքը

1. Ակումբում գրանցված ֆուտբոլիստը պարտավոր է ընդունել ՀՖՖ հրավերքը՝ Ազգային հավաքականներից որևէ մեկում հանդես գալու համար:
2. Ասոցիացիաները, որոնք ցանկանում են հրավիրել ֆուտբոլիստին հավաքական, պետք է գրավոր տեղեկացնեն ֆուտբոլիստին «միջազգային պատուհանի» (տե՛ս Հավելված 1 հոդված 1 կետ 4) այն խաղից առնվազն 15 օր առաջ, որին նա հրավիրվում է մասնակցելու: Ասոցիացիաները, որոնք ցանկանում են ֆուտբոլիստին հրավիրել միջազգային մրցաշարի եզրափակիչ մրցումներին մասնակցելու նպատակով, պետք է գրավոր տեղեկացնեն ֆուտբոլիստին վերջինիս ազատ արձակելու ժամանակահատվածի սկսելուց 15 օր առաջ: Ասոցիացիան, միաժամանակ, պարտավոր է այդ մասին տեղեկացնել նաև այն ակումբին, որտեղ ֆուտբոլիստը հանդես է գալիս: Նմանապես, ասոցիացիաներին խորհուրդ է տրվում այդ մասին տեղեկացնել նաև հրավիրվածների ցուցակում ներգրավված ասոցիացիայի ակումբներին: Ակումբը պարտավոր է հաստատել ֆուտբոլիստի ազատ արձակումը հաջորդող 6 օրվա ընթացքում:
3. Ասոցիացիաները իրավասու են դիմելու ՖԻՖԱ-ի օգնությանը արտերկրում հանդես եկող ֆուտբոլիստի ազատ արձակումը ստանալու նպատակով միայն հետևյալ դեպքերում՝

- ա) ասոցիացիան, որտեղ տվյալ ֆուտբոլիստը գրանցված է, դրական միջամտություն չի ցուցաբերել գործընթացին,
- բ) գործը հանձնվել է ՖԻՖԱ-ին այն խաղից առնվազն 5 օր առաջ, որի համար ֆուտբոլիստին հրավիրել էին մասնակցելու:

Հոդված 4. Վնասվածք ստացած ֆուտբոլիստներ

Ֆուտբոլիստը, ով վատառողջության կամ վնասվածք ստանալու պատճառով չի կարող ընդունել ՀՖՖ հրավերքը, վերջինիս պահանջի դեպքում պետք է անցնի բժշկական հետազոտություն: Բժշկի ընտրությունը կատարում է ՀՖՖ-ն: Ֆուտբոլիստի ցանկության դեպքում այդ բժշկական հետազոտությունն անցկացվում է այն վայրում, որտեղ նա գրանցված է:

Հոդված 5. Արգելք ֆուտբոլիստների մասնակցության վրա

Ֆուտբոլիստը, որը հրավիրվել է հանդես գալու Ազգային հավաքականներից որևէ մեկում, չի կարող առանց ՀՖՖ համաձայնության խաղալ իրեն գրանցած ակումբի կազմում այն ժամանակահատվածում, որում նա ազատ է արձակվել կամ պետք է ազատ արձակվել՝ համաձայն սույն հավելվածի կետերի: Ակումբի կազմում խաղալու այդ սահմանափակումը կարող է երկարաձգվել լրացուցիչ 5 օրով:

Հոդված 6. Կարգապահական պատժամիջոցներ

1. Եթե ակումբը մերժում է ազատ արձակել ֆուտբոլիստին կամ խախտում է սույն հոդվածում նշված պայմանները, ապա ՖԻՖԱ-ի Ֆուտբոլիստների կարգավիճակի կոմիտեն ՖԻՖԱ-ի Կարգապահական կանոնակարգի հիման վրա կարող է կարգապահական պատժամիջոցներ կիրառել:
2. Եթե ասոցիացիայի հրավերքից հետո ֆուտբոլիստը մեկ անգամից ավել ուշանում է ներկայանալու իր պարտականությունների կատարման վայր, ապա ՖԻՖԱ-ի Ֆուտբոլիստների

կարգավիճակի կոմիտեն ֆուտբոլիստի ակումբի խնդրանքով կարող է ֆուտբոլիստի
և/կամ ասոցիացիայի նկատմամբ կիրառել լրացուցիչ կարգապահական պատժամիջոցներ:

ՀԱՎԵԼՎԱԾ 2. Աշխատանքային պայմանագրի նվազագույն պահանջները Պայմանագիրը և կողմերը

1. Պայմանագիրը պետք է կնքվի գրավոր և պատշաճ ստորագրված լինի երկու կողմերի կողմից: Անչափահաս ֆուտբոլիստի հետ պայմանագիր կնքելիս, այն պետք է նաև ստորագրվի նրա օրինական ներկայացուցչի կողմից:
2. Յուրաքանչյուր կողմին տրվում է պայմանագրի մեկական օրինակ:
3. Պայմանագրում նշվում են ֆուտբոլիստի անունը, ազգանունը, ծննդյան թիվը, քաղաքացիությունը (երկքաղաքացիությունը), ինչպես նաև բնակության վայրի ամբողջական հասցեն: Եթե ֆուտբոլիստը անչափահաս է, պայմանագրում պետք է համապատասխանաբար նշվեն նաև նրա օրինական ներկայացուցչի տվյալները:
4. Պայմանագրում նշվում է ակումբի ամբողջական իրավական անվանումը (ներառյալ գրանցման համարը) և հասցեն, ինչպես նաև ակումբը ներկայացնող անձի անունը, ազգանունը, հասցեն: Պրոֆեսիոնալ ֆուտբոլիստի հետ պայմանագիր կարող է կնքել միայն ֆուտբոլային ակումբը կամ այն ներկայացնող իրավաբանական անձանց միությունը: Համաձայն ակումբների արտոնագրման ազգային կանոնակարգի/ձեռնարկի՝ նման միությունը սահմանվում է որպես արտոնագրման թեկնածու: Այն պետք է հանդիսանա ազգային ասոցիացիայի և/կամ պրոֆեսիոնալ լիգայի ուղղակի կամ անուղղակի անդամ և գրանցված լինի: Այլ իրավաբանական անձանց միություն չի կարող կնքել նման պայմանագիր ֆուտբոլիստի հետ առանց կոմպետենտ ազգային ֆուտբոլային մարմնի և/կամ ՖԻՖԱ-ի գրավոր համաձայնության:
5. Պայմանագրում պետք է հստակ սահմանվեն պայմանագրի ուժի մեջ մտնելու սկիզբը (օր/ ամիս/տարի) և ավարտը: Ցանկացած վաղաժամկետ դադարեցում պետք է լինի օրենքով նախատեսված:
6. Պայմանագրում պետք է նշվեն նաև այն անձանց տվյալները, ովքեր ներգրավված են եղել բանակցություններում կամ պայմանագրի կնքման գործընթացում (ֆուտբոլիստի օրինական ներկայացուցիչ, ֆուտբոլիստի գործակալ, թարգմանիչ և այլն): Առանց միջնորդի պայմանագիր կնքելու հանգամանքը ևս պետք է ամրագրվի պայմանագրում:
7. Աշխատանքային պայմանագրում պետք է ներառվեն կողմերի իրավունքները և պարտականությունները:
8. Պայմանագրի ցանկացած փոփոխություն պետք է կատարվի երկկողմանի ստորագրությամբ մեկ փաստաթուղթ կազմելու միջոցով և որպես անբաժանելի մաս՝ կցվի հիմնական պայմանագրին:

Ակումբի պարտականությունները

1. Պայմանագիրը պետք է ամբողջ ծավալով սահմանի ակումբի ֆինանսական պարտականությունները, այդ թվում՝ փոխհատուցումները: Մասնավորապես՝
 - աշխատավարձ
 - ֆինանսական այլ եկամուտներ (բնուսներ, պարգևատրումներ և այլն)
 - ոչ ֆինանսական եկամուտներ (մեքենա, բնակարան և այլն)
 - հիվանդության ու դժբախտ պատահարների դեպքում ֆուտբոլիստի ապահովագրություն (օրենքով պարտադիր) և վերջինիս անգործունակության դեպքում աշխատավարձի վճարում

- ֆուտբոլիստի կողմից արված ծախսերի փոխհատուցում:
- 2. Պայմանագիրը պետք է սահմանի գումարի վճարման ժամկետը (մինչև յուրաքանչյուր ամսվա վերջ) և վճարման ձևը (կանխիկ, փոխանցումով և այլն): Պայմանագիրը կարող է կանոնակարգել նաև ֆինանսական դրույթների փոփոխության հնարավորություն՝ կախված գործատուի եկամտի փոփոխություններից (առաջխաղացում, ռեգրես):
- 3. Պայմանագիրը պետք է երաշխավորի երիտասարդ ֆուտբոլիստների ոչ ֆուտբոլային (մարզական) կրթությունը (պարտադիր միջնակարգ դպրոց) անարգել շարունակելու իրավունքը:
- 4. Պայմանագիրը պետք է սահմանի ֆուտբոլիստի տարեկան արձակուրդի իրավունքը՝ (28 օրացուցային օր): Արձակուրդի ժամկետը պետք է համաձայնեցվի ակումբի հետ նախօրոք և լինի ակումբի ֆուտբոլային կանոնավոր մրցաշրջանից հետո:
- 5. Պայմանագիրը պետք է ներառի առողջապահության և անվտանգության ասպարեզում ակումբի կողմից վարվող քաղաքականության վերաբերյալ դրույթներ՝ հիվանդության ու դժբախտ պատահարների դեպքում ֆուտբոլիստի՝ ՀՀ օրենքով սահմանված կարգով պահովագրման և բժշկական կանոնավոր զննման մասին:
- 6. Պայմանագիրը կանոնակարգում է նաև վնասվածքի մասին համապատասխան գրառումների պահպանումը (ներառյալ ազգային թիմում ստացված վնասվածքների)՝ միաժամանակ պահպանելով գաղտնիություն: Եթե օրենքն այլ բան չի նախատեսում, ապա, որպես կանոն, վնասվածքի մասին գրառումները պահվում են թիմի պատասխանատու բժշկի մոտ:
- 7. Պայմանագիրը պետք է սահմանի դրույթ, ըստ որի ակումբը պարտավորվում է ղեկավարվել ՖԻՖԱ-ի, ՌԻԵՖԱ-ի, ՀՖՖ-ի, ինչպես նաև ակումբի ներքին կանոնադրություններով և կանոնակարգերով:

Ֆուտբոլիստի պարտականությունները

1. Պայմանագիրը պետք է սահմանի ֆուտբոլիստի հետևյալ պարտականությունները՝
 - մասնակցել հանդիպումներին ունակությունների առավելագույն դրսևորմամբ,
 - մասնակցել մարզումներին և խաղի նախապատրաստական աշխատանքներին՝ համաձայն մարզչի հրահանգների,
 - վարել առողջ ապրելակերպ, պահպանել ֆիզիկական պատրաստվածության բարձր ցուցանիշներ,
 - հետևել ակումբի ղեկավարների հրահանգներին (ռոջամիտ),
 - հաճախել ակումբին վերաբերող բոլոր միջոցառումներին (լինի մարզական, թե առևտրային),
 - ենթարկվել ակումբի ներքին կանոնակարգերին,
 - դրսևորել մարզական պատշաճ վարքագիծ հանդիպումներին և ուսումնամարզական հավաքներին ներգրավված անձանց նկատմամբ, սովորել և կիրառել խաղի կանոնները և ենթարկվել խաղի պաշտոնյաների որոշումներին,
 - գերծ մնալ ֆուտբոլային այլ միջոցառումներին մասնակցելուց, որոնք իրական վտանգ են ներկայացնում և անցկացվում են ակումբի անվտանգության համակարգից դուրս,
 - ուշադիր լինել ակումբին պատկանող գույքի նկատմամբ և վերադարձնել այն պայմանագրի ավարտից հետո,
 - հիվանդության և դժբախտ պատահարի դեպքում անմիջապես տեղեկացնել ակումբին և չընդունել որևէ այլ բժշկական միջամտություն՝ առանց ակումբի բժշկին տեղեկացնելու (բացառությամբ անհետաձգելի իրավիճակների),

- ներկայացնել անաշխատունակության վերաբերյալ համապատասխան բժշկական փաստաթուղթ,
 - ակումբի բժշկի պահանջով բժշկական կանոնավոր գնման ենթարկվել և ստանալ անհրաժեշտ բուժումներ,
 - ենթարկվել ազգային ասոցիացիայի, լիգայի, ֆուտբոլիստների միության և ակումբի ցանկացած խորականության դեմ վարվող քաղաքականության պայմաններին,
 - չկատարել որևէ գործողություն, որը կարող է խոչընդոտել կամ խափանել ակումբի գործունեության պատշաճ ընթացքը, արատավորել ակումբի բարի համբավը, (հարցազրույցներ և այլն),
 - չկատարել խաղադրույթներ և չծավալել նմանատիպ այլ գործունեություն ֆուտբոլային ասպարեզում:
2. Պայմանագիրը պետք է սահմանի դրույթ, ըստ որի ֆուտբոլիստը պարտավորվում է դեկավարվել ՖԻՖԱ-ի, ՈՒԵՖԱ-ի, ՀՖՖ-ի և Ակումբի ներքին կանոնադրություններով և կանոնակարգերով:
3. Ֆուտբոլիստի և ակումբի բժշկի տարակարծության դեպքում ֆուտբոլիստն իրավունք ունի ստանալու այլընտրանքային մասնագետի եզրակացություն: Տարբեր կարծիքների դեպքում երկու կողմերը համաձայնվում են ընդունել երրորդ՝ անկախ կարծիքը, որը դառնում է պարտադիր:

Հարկային պարտավորություններ

Պայմանագրում պետք է նախատեսված լինեն դրույթներ, որոնք վերաբերում են պայմանագրից բխող հարկային պարտավորությունները կատարելուն:

Իմիջային իրավունք

Ֆուտբոլիստը և ակումբը պետք է պայմանավորվեն ֆուտբոլիստի իմիջային իրավունքների օգտագործման վերաբերյալ:

Ֆուտբոլիստը, որպես կանոն, կարող է օգտագործել իր իմիջային իրավունքները (եթե կոնֆլիկտ չկա ակումբի հովանավորների/գործընկերների հետ), մինչդեռ ակումբը կարող է օգտագործել ֆուտբոլիստի իմիջային իրավունքները որպես ամբողջ թիմի մի մաս:

Վարձակալություն

Պայմանագիրը պետք է նախատեսի անհրաժեշտության դեպքում ֆուտբոլիստին այլ ակումբ վարձակալությամբ տեղափոխելու պայմանների վերաբերյալ դրույթներ՝ համաձայն գործող կանոնակարգերի:

Հակախթանիչներ

Պայմանագիրը պետք է ֆուտբոլիստի և ակումբի պարտականությունների մեջ ներառի հակախթանիչային կանոնակարգերին անխտիր ենթարկվելու վերաբերյալ դրույթներ:

Պայմանագրի լուծումը

1. Պայմանագիրը պետք է սահմանի դրույթ, որ եթե ֆուտբոլիստը կորցրել է աշխատունակությունը աշխատանքային խեղման /վնասվածք/ հետևանքով, որ ստացել է մարզումների, հավաքների, խաղերի կամ մրցուղևորության ժամանակ, ապա նրա հետ կնքված աշխատանքային պայմանագիրն առանց ֆուտբոլիստի համաձայնության չի կարող լուծվել ակումբի նախաձեռնությամբ մինչև ֆուտբոլիստի աշխատունակության վերականգնումը կամ հաշմանդամության կարգի որոշումը:
2. Պայմանագիրը պետք է ՖԻՖԱ-ի, ՈՒԵՖԱ-ի և ՀՖՖ-ի համապատասխան կանոնադրությունների և կանոնակարգերի համաձայն պայմաններ նախատեսի պայմանագրի վաղաժամկետ լուծման վերաբերյալ:

Կոլեկտիվ պայմանագիր

Ակումբն ու ֆուտբոլիստը պարտավոր են կատարելու նախապես համաձայնեցված և ամբողջությամբ ստորագրված կոլեկտիվ պայմանագրի դրույթները:

Եզրափակիչ դրույթներ

Պայմանագրի եզրափակիչ դրույթներում պետք է նշվեն՝

- կողմերի միջև առաջացած վեճերի կարգավորման եղանակները՝ ՀՀ գործող օրենսդրությանը, ՈՒԵՖԱ-ի, ՖԻՖԱ-ի, և ՀՖՖ գործող կանոնադրություններին և կանոնակարգերին համապատասխան,
- նշում այն մասին, թե պայմանագրի որ տարբերակին է տրվում առաջնություն, եթե պայմանագիրը թարգմանվել է մեկից ավելի լեզուներով,
- պայմանագրի կոնֆիդենցիալությունը, քանի դեռ ազգային օրենսդրությամբ կամ ֆուտբոլային կանոնակարգերով չի նախատեսվում դրույթների հրապարակումը,
- պայմանագրի օրինակների թիվը, ում են դրանք տրամադրվում,
- պայմանագրին կցված հավելվածների թիվը (առկայության դեպքում),
- նշում այն մասին, որ պայմանագրի որևէ դրույթի անվավերությունը չի կարող անդրադառնալ մյուս դրույթների վավերությանը,
- պայմանագրի դրույթները կարող են փոփոխվել միայն կողմերի գրավոր համաձայնությամբ:

ԱՇԽԱՏԱՆՔԱՅԻՆ ՊԱՅՄԱՆԱԳԻՐ

ք.Երևան

„...„,, 201__թ.

..... (այսուհետ «Ակումբ»), ի դեմս գործադիր տնօրեն, որը գործում է «Ակումբ»-ի կանոնադրության հիման վրա՝ մի կողմից, և ՀՀ քաղաքացի (այսուհետ «Ֆուտբոլիստ»)՝ մյուս կողմից, կնքեցին սույն պայմանագիրը հետևյալի մասին՝

Պայմանագրում պետք է նշվեն նաև այն անձանց տվյալները, ովքեր ներգրավված են եղել բանակցություններում կամ պայմանագրի կնքման գործընթացին (Ֆուտբոլիստի օրինակյան ներկայացուցիչ, ֆուտբոլիստի գործակալ, թարգմանիչ և այլն): Առանց միջնորդի պայմանագիր կնքելու հանգամանքը ևս պետք է ամրագրվի պայմանագրում:

1. Հիմնական դրույթները

- 1.1 Սույն պայմանագրով «Ֆուտբոլիստ»-ը ընդունվում է Ակումբում աշխատանքի, պրոֆեսիոնալ կարգավիճակով:
- 1.2 «Ֆուտբոլիստ»-ի և «Ակումբ»-ի միջև փոխհարաբերությունները կարգավորվում են սույն պայմանագրով, ՀՀ գործող օրենսդրությամբ, «Ակումբ»-ի, ՀՖՖ-ի, ՈՒԵՖԱ-ի, ՖԻՖԱ-ի կանոնադրություններով և կանոնակարգերով:
- 1.3 «Ակումբ»-ը, ուր աշխատում է ֆուտբոլիստը, հանդիսանում է նրա հիմնական աշխատավայրը:
- 1.4 «Ֆուտբոլիստ»-ի աշխատաժամանակի տևողությունը չնորմավորված է: Աշխատանքը սկսելու տարին, ամիսը, ամսաթիվը _____:

2. «Ֆուտբոլիստ»-ի իրավունքները և պարտականությունները

- 2.1 «Ֆուտբոլիստ»-ը պարտավորվում է՝
 - 2.1.1 ընդունել վերոգրյալ կանոնադրություններն ու կանոնակարգերը և իր աշխատանքային գործունեության ընթացքում դեկավարվել դրանցով,
 - 2.1.2 Ենթարկվել ՀՖՖ-ի, ՖԻՖԱ-ի, ՈՒԵՖԱ-ի դեկավար մարմինների համապատասխան կանոնադրություններով և կանոնակարգերով՝ իրենց լիազորությունների շրջանակներում ընդունված որոշումներին, ինչպես նաև ենթարկվել ակումբի ներքին կանոնադրություններին ու կանոնակարգերին (ներառյալ անհրաժեշտության դեպքում Ակումբի Կարգապահական կանոնակարգին, որը մինչև պայմանագրի կնքումը ամբողջությամբ պետք է ներկայացվի ֆուտբոլիստին),
 - 2.1.3 ներդնել իր ողջ ներուժը և մարզական ունակությունները ի շահ Ակումբի, կատարել հնարավորինք՝ Ակումբին աջակցելու և Ակումբի հեղինակությունը ամրապնդելու համար, խուսափել ամեն տեսակի գործողություններից, որոնք կարող են որևէ կերպ վնաս հասցնել Ակումբին, մասնավորապես, այն միջոցառումներից առաջ (ընթացքում), որոնց վերջինս մասնակցում է,
 - 2.1.4 մասնակցել Ակումբի կողմից անցկացվող բոլոր խաղերին և մարզումներին, ֆուտբոլիստներին վերաբերող ցանկացած խորհրդակցության ու հանդիպման և մրցաշարերին նախապատրաստվելու նպատակով կազմակերպվող բոլոր միջոցառումներին: Սա անհրաժեշտ

պայման է նույնիսկ այն դեպքում, երբ նրա մասնակցությունը խաղին որպես հիմնական կազմի ֆուտբոլիստ կամ պահեստային ֆուտբոլիստ չի դիտարկվում,

2.1.5 իր ֆուտբոլային գործունեության ընթացքում վնասվածք ստանալու կամ վատառողջ լինելու դեպքում անմիջապես հայտնել Ակումբի բժշկին, տեղեկացնել Ակումբի կողմից նշանակված համապատասխան անձին կամ մարմնին բժշկի կատարած փորձաքննության արդյունքների մասին: Եթե ֆուտբոլիստը 3 օրից հետո չի կարողանում վերականգնել իր ֆիզիկական կայուն վիճակը կամ առողջական վիճակի պատճառով անկարող է մասնակցել խաղերին և մարզումներին, ապա նա պարտավոր է ներկայացնել բժշկական տեղեկանք,

2.1.6 ընդունել ամբողջական մարզական և թերապևտիկ բուժման միջոցառումներ՝ հետևելով Ակումբի կողմից լիազորված անձի հրահանգներին՝ հաշվի առնելով ֆուտբոլիստի անհատական իրավունքները,

2.1.7 պայմանագրի գործողության ընթացքում խնայողաբար վերաբերվել Ակումբի կողմից տրամադրված սպորտային գույքին ու հանդերձանքին,

2.1.8 պահպանել վարքագծի բարոյական նորմերը՝ Ակումբի և ազգային ասոցիացիայի հեղինակությանը վնաս չհասցնելու համար, չտարածել Ակումբի ներքին հարցերին վերաբերող տեղեկատվություն եթե այն կարող է վնաս հասցնել Ակումբին,

2.1.9 պահպանել առողջ ապրելակերպ և ֆիզիկական պատրաստվածության բարձր մակարդակ: Բարեխղճորեն նախապատրաստվել Ակումբի կողմից անցկացվող բոլոր միջոցառումներին՝ հետևելով կենսակերպին վերաբերող մարզչի հրահանգներին,

2.1.10 մարզական ճիշտ վարքագիծ ցուցաբերել հանդիպման կամ մարզումներում ներգրավված ցանկացած անձի նկատմամբ, մասնավորապես, առանց բողոքի արտահայտման հարգել խաղի ընթացքում մրցավարական խմբի կողմից ընդունված որոշումները,

2.1.11 առանց Ակումբի գրավոր թույլտվության չընդգրկվել որևէ ուրիշ թիմում, բանակցություններ չվարել այլ Ակումբների հետ իր տեղափոխման հարցերով, բացառությամբ «Ֆուտբոլիստների կարգավիճակի և տեղափոխության» կանոնակարգով նախատեսված դեպքերի,

2.1.12 չկատարել խաղադրույթներ և չծավալել նմանատիպ այլ գործունեություն ֆուտբոլային ասպարեզում,

2.1.13 զերծ մնալ ֆուտբոլային այլ միջոցառումներին մասնակցելուց, որոնք իրական վտանգ են ներկայացնում և անցկացվում են ակումբի անվտանգության համակարգից դուրս,

2.1.14 ենթարկվել ֆուտբոլային մարմինների բոլոր հակախթանիչային կանոնակարգերին:

2.2 «Ֆուտբոլիստ»-ն իրավունք ունի՝

2.2.1 պահանջելու, որ Ակումբը ժամանակին վճարի սույն պայմանագրով (կամ հավելվածով) նախատեսված ամենամսյա աշխատավարձը,

2.2.2 պահանջելու, որ Ակումբը պատշաճ կերպով կատարի սույն պայմանագրով նախատեսված իր պարտականությունները,

2.2.3 ակումբի կողմից իր պարտականությունների կոպիտ խախտումների դեպքում դիմել ՀՖՖ Վեճերի լուծման պալատին,

2.2.4 օգտվել վճարովի արձակուրդի իրավունքից՝ տարեկան առնվազն 28 օր ժամանակահատվածով, ինչը պետք է համաձայնեցված լինի Ակումբի խաղային և մարզումային ծրագրի հետ,

2.2.5 ակումբի բժշկի հետ տարակարծության դեպքում՝ ստանալու այլընտրանքային մասնագետի եզրակացություն: Տարբեր կարծիքների դեպքում երկու կողմերը համաձայնում են ընդունել երրորդ անկախ կարծիքը, որը դառնում է պարտադիր:

3. Ակումբի իրավունքները և պարտավորությունները

3.1 **Ակումբը** պարտավորվում է՝

- 3.1.1 ընդունել վերագրյալ կանոնադրություններն ու կանոնակարգերը և ղեկավարվել դրանցով,
- 3.1.2 ենթարկվել ՀՖՖ-ի, ՖԻՖՍԱ-ի, ՈՒԵՖԱ-ի ղեկավար մարմինների համապատասխան կանոնադրություններով և կանոնակարգերով՝ իրենց լիազորությունների շրջանակներում ընդունված որոշումներին,
- 3.1.3 Սույն պայմանագրի 6-րդ գլխով նախատեսված կարգով՝ ժամանակին վճարել աշխատավարձը, ինչպես նաև ֆուտբոլիստին տրվող այլ վճարումները կամ պարգևատրումները,
- 3.1.4 ապահովել մարզումների և ֆուտբոլային խաղերի կազմակերպումը համապատասխան մասնագետների ղեկավարությամբ, ինչպես նաև ֆուտբոլիստին բժշկական և տեխնիկական բոլոր պահանջներին և պայմաններին համապատասխան մարզումային և խաղային հրապարակներով, մարզական հագուստով և գույքով, նաև այլ անհրաժեշտ կենցաղային հարմարություններով,
- 3.1.5 պահպանել ֆուտբոլիստի ամենամյա աշխատավարձը և այլ պարգևատրումները նրան Հայաստանի ազգային հավաքական ժամանակավորապես հրավիրելու դեպքում,
- 3.1.6 ՀՀ գործող օրենսդրությանը համապատասխան ապահովագրել ֆուտբոլիստին: Ապահովագրությունը պետք է ընդգրկի նաև այն ժամանակահատվածը, երբ ֆուտբոլիստը, մարզումներ և խաղեր անցկացնելու համար գտնվում է ազգային հավաքականի կազմում,
- 3.1.7 ՀՀ գործող օրենսդրությանը համապատասխան կատարել սույն պայմանագրից բխող հարկային պարտականությունները,
- 3.1.8 գերծ մնալ ֆուտբոլիստի նկատմամբ որևէ տեսակի խտրականության դրսևորումից,
- 3.1.9 Ենթարկվել ֆուտբոլային մարմինների բոլոր հակախթանիչային կանոնակարգերին,
- 3.1.10 վարել և պահպանել ֆուտբոլիստի ստացած վնասվածքների վերաբերյալ համապատասխան գրառումներ (ներառյալ ազգային հավաքականում ստացված վնասվածքների)՝ միաժամանակ երաշխավորելով դրանց գաղտնիությունը,
- 3.1.11. պայմանագրում պարզաբանվում է Ակումբի առողջապահության և անվտանգության քաղաքականությունը, որը ներառում է մշտական բժշկական/ատամնաբուժական հետազոտություն, ինչպես նաև բուժում որակավորված անձնակազմի կողմից ֆուտբոլային պարտականությունները կատարելու ժամանակ: Սա նաև վերաբերում է հակադոպինգային կանխարգելմանը:

3.2 **Ակումբն** իրավունք ունի՝

- 3.2.1 պահանջելու ֆուտբոլիստից պատշաճ կերպով կատարելու սույն պայմանագրով, ինչպես նաև ՀՖՖ-ի, ՖԻՖՍԱ-ի, ՈՒԵՖԱ-ի կանոնադրություններով և կանոնակարգերով նախատեսված պարտականությունները,
- 3.2.2 ֆուտբոլիստի կողմից իր պարտականությունները կոպտորեն խախտելու դեպքում, պատասխանատվության ենթարկելու վերջինիս համաձայն Ակումբի կողմից ընդունված կանոնակարգերի:

4. Անձնական, ոչ գույքային իրավունքներ

- 4.1 Ակումբը ճանաչում է ֆուտբոլիստի անձնական, ոչ գույքային իրավունքները: Ֆուտբոլիստը լիազորում է Ակումբին՝ օգտագործելու իր անձնական, ոչ գույքային իրավունքներն ընդհանուր շահի համար:
- 4.2 Այդ իրավունքների ընդհանուր օգտագործումը տեղի է ունենում Ակումբի և ֆուտբոլիստի միջև կնքված պայմանագրի հիման վրա:

Պայմանագրում պետք է հստակ ամրագրվեն այն իրավունքները, որոնք անմիջականորեն պատկանում են ֆուտբոլիստին, և նրանք, որոնք նա տրամադրում է Ակումբին, ընդհանուր շահերը ներկայացնելու համար:

5. Պայմանագրի գործողության ժամկետը

5.1 Սույն պայմանագիրն ուժի մեջ է մտնում ----- և ավարտվում -----:

5.2 Պայմանագրի ժամկետի ավարտից հետո այն կարող է երկարացվել կողմերի համաձայնությամբ մեկ փաստաթուղթ կազմելու միջոցով:

6. Աշխատավարձը և պարգևատրումները

6.1 Ֆուտբոլիստին տրվում է ամենամսյա աշխատավարձ և պարգևատրումներ՝ համաձայն պայմանագրին կցված և նրա անբաժանելի մասը կազմող հավելված 1-ի:

6.2 *Աշխատավարձի և պարգևատրումների վճարման կարգն ու ժամկետը, ինչպես նաև այլ փոխհատուցումների վճարման կարգը նույնպես սահմանվում են նշված հավելվածով:*

7. Պայմանագրի լուծումը

7.1 Սույն պայմանագիրը կարող է վաղաժամկետ լուծվել կողմերի համաձայնությամբ:

7.2 Սույն պայմանագիրը կողմերից մեկի պահանջով կարող է լուծվել ՀՖՖ համապատասխան կոմիտեի որոշմամբ, միայն մյուս կողմի թույլ տված պայմանագրի էական խախտման դեպքում կամ ՀՀ գործող օրենսդրությամբ, ՀՖՖ-ի, ՌԻԵՏԱ-ի, ՖԻՖԱ-ի համապատասխան կանոնակարգերով նախատեսված դեպքերում և կարգով:

7.3 Եթե ֆուտբոլիստը մարզումների, հավաքների, խաղերի կամ մրցուղևորության ժամանակ ստացած աշխատանքային խեղման /վնասվածք/ պատճառով կորցրել է աշխատունակությունը, ապա նրա հետ կնքված աշխատանքային պայմանագիրը առանց ֆուտբոլիստի համաձայնության չի կարող լուծվել ակումբի նախաձեռնությամբ մինչև ֆուտբոլիստի աշխատունակության վերականգնումը կամ հաշմանդամության կարգի որոշումը:

8. Վարձակալություն

8.1 Պայմանագիրը պետք է ներառի դրույթ նաև Ֆուտբոլիստի հնարավոր այլ Ակումբ վարձակալությամբ տեղափոխվելու պայմանների մասին, որը հնարավոր է բացառապես կողմերի համաձայնությամբ, գործող կանոնակարգին համապատասխան:

9. Եզրափակիչ դրույթներ

9.1 Կողմերի միջև առաջացած վեճերը ենթակա են կարգավորման անմիջական բանակցությունների միջոցով, ՀՀ գործող օրենսդրության շրջանակներում, ինչպես նաև ՀՖՖ, ՌԻԵՏԱ-ի, ՖԻՖԱ-ի գործող կանոնադրություններին և կանոնակարգերին համապատասխան: Եթե բանակցությունները դրական արդյունք չեն տալիս, ապա վեճը ենթակա է լուծման ՀՖՖ-ի Վեճերի լուծման պալատի կողմից՝ վերջինիս կանոնակարգի դրույթներին համապատասխան:

9.2 Սույն պայմանագրի դրույթները կարող են փոխվել միայն Կողմերի գրավոր համաձայնությամբ, մեկ փաստաթուղթ կազմելու միջոցով, որն որպես անբաժանելի մաս կցվում է սույն պայմանագրին և ենթակա է գրանցման ՀՖՖ-ում՝ համաձայն գործող կանոնակարգերի:

9.3 Սույն պայմանագրի որևէ դրույթի անվավերությունը չի կարող անդրադառնալ մյուս դրույթների վավերությանը:

9.4 Սույն պայմանագիրը ենթակա է պարտադիր գրանցման ՀՖՖ-ում:

9.5 Սույն պայմանագրին են կցված թվով հավելվածներ:

9.6 Պայմանագրի, ինչպես նաև կից հավելվածների բոլոր էջերը ենթակա են վավերացման կողմերի ստորագրություններով:

9.7 Սույն պայմանագիրը կազմված է 3 օրինակից՝ մեկական օրինակ Կողմերին և մեկ օրինակ ՀՖՖ-ին:

9.8 Կողմերը պարտավոր են ապահովել սույն պայմանագրի դրույթների գաղտնիությունը:

«Մկումբ»

.....
(անվանումը)

.....
(հասցե)

.....
(բանկային վավերապայմանները)

«Ֆուտբոլիստ»

.....
(անուն, ազգանուն, հայրանուն)

.....
(հասցե)

.....
(անձև, ուսվ կողմից է տրված, էրբ)

Գործադիր տնօրեն՝

.....
(ըստաբացիությունը)

.....
կ.տ. (ստորագրություն)

.....
(ստորագրություն)

ՀԱՎԵԼՎԱԾ 3.

Գլուխ I. ՏՀՀ-ով իրականացվող միջազգային տրանսֆերը կարգավորող ընթացակարգ

Հոդված 1. Գործունեության շրջանակ

1. Տրանսֆերների համադրման համակարգը (ՏՀՀ, տե՛ս սույն կանոնակարգի «Մահմանումներ» բաժնի 21-րդ կետը) ստեղծվել է՝ նպատակ ունենալով ֆուտբոլային ղեկավար մարմիններին մանրամասն տեղեկատվություն տրամադրել ֆուտբոլիստների միջազգային տրանսֆերների վերաբերյալ:
Այն նպատակաուղղված է անհատական տրանսֆերների թափանցիկության մեծացմանը, որն իր հերթին կնպաստի ամբողջ տրանսֆերային համակարգի իսկության ու հեղինակության բարելավմանը:
2. ՏՀՀ-ն ստեղծվել է, որպեսզի հստակ տարանջատումներ դրվեն ֆուտբոլիստների միջազգային տրանսֆերների հետ կապված վճարումների միջև: Նման տեսակի բոլոր վճարումները պետք է մուտքագրվեն համակարգ, քանի որ սա միակ ճանապարհն է տրանսֆերների հետ կապված գումարների տեղափոխությունը վերահսկելու և գործընթացի թափանցիկությունն ապահովելու համար: Միևնույն ժամանակ համակարգը կերաշխավորի նաև, որ տվյալ տեղափոխությունն իրականում տեղի ունենա և ոչ թե գործ ունենանք մտացածին մի ֆուտբոլիստի տեղափոխության հետ, որը հնարել են փողի տեղաշարժի (փողի լվացման) նպատակով:
3. ՏՀՀ-ն կարգավորում է անչափահաս ֆուտբոլիստների պաշտպանության գործընթացը: Եթե անչափահաս ֆուտբոլիստն առաջին անգամ գրանցվում է այն երկրում, որի քաղաքացին չի հանդիսանում կամ եթե ներգրավված է միջազգային տրանսֆերի մեջ, ապա այս դեպքում անհրաժեշտ է ստանալ ՖԻՖԱ-ի Ֆուտբոլիստների կարգավիճակի կոմիտեի կողմից նշանակված ենթակոմիտեի հաստատումը (տե՛ս սույն հավելվածի III գլխի 4-րդ հոդվածը): Ասոցիացիան, որը ցանկանում է գրանցել անչափահասին սույն հավելվածի III գլխի առաջին հոդվածի 1-ին և 2-րդ դրույթների համաձայն, պարտավոր է ենթակոմիտեի հաստատմանը ներկայացված դիմումին ու համապատասխան գործընթացին ընթացք տալ ՏՀՀ համակարգի միջոցով (տե՛ս սույն հավելվածի 3-րդ գլուխը):
4. Սույն հավելվածի (մասնավորապես՝ 3-րդ հավելվածի 1-ին հոդվածի 5-րդ կետի) շրջանակներում ՏՀՀ-ն այն համակարգն է, որի միջոցով հարցվում և ուղարկվում է միջազգային տրանսֆերային սերտիֆիկատը (USU):
5. ՏՀՀ-ի կիրառումը պարտադիր է մեծ ֆուտբոլում ներգրավված արական սեռի պրոֆեսիոնալ ֆուտբոլիստների միջազգային տրանսֆերների դեպքում: Նման ցանկացած ֆուտբոլիստի գրանցում ՏՀՀ-ից դուրս համարվում է անվավեր: Սույն հավելվածի հաջորդ հոդվածներում մատնանշվող «ֆուտբոլիստ» տերմինը վերաբերում է միայն մեծ ֆուտբոլում հանդես եկող արական սեռի ֆուտբոլիստներին:
6. Միջազգային տրանսֆերը պետք է ՏՀՀ համակարգ մուտքագրվի ցանկացած այն դեպքում, երբ ֆուտբոլիստը որպես պրոֆեսիոնալ գրանցվում է նոր ասոցիացիայի կողմից (տե՛ս սույն հավելվածի I գլխի 2-րդ հոդվածի 2-րդ կետը):

Հոդված 2. Համակարգ

1. ՏՀՀ-ն էլեկտրոնային տեղեկատվական համակարգ է՝ նախատեսված ասոցիացիաների և ակումբների համար, որի նպատակն է ղեկավարել և վերահսկել միջազգային տրանսֆերների գործընթացը:

2. Կախված տվյալ տրանսֆերի տեսակից՝ համակարգ մուտքագրվում է համապատասխան տեղեկատվություն:
3. Եթե միջազգային տրանսֆեր իրականացնելիս տրանսֆերային համաձայնագիր չի ստորագրվել, ապա նոր ակումբը պետք է ՏՀՀ մուտքագրի տվյալ տրանսֆերին վերաբերող հատուկ տեղեկատվություն և համապատասխան փաստաթղթեր: Այնուհետև գործընթացն անցնում է ասոցիացիայի վերահսկողության ներքո՝ կապված ՄՏՄ-երի հարցման և տրամադրման ընթացակարգի հետ (տե՛ս 8-րդ հոդվածը հաջորդիվ):
4. Եթե միջազգային տրանսֆեր իրականացնելիս ստորագրվել է տրանսֆերային համաձայնագիր, ապա ներգրավված ակումբներն, իրարից անկախ, պայմանագրի ստորագրումից անմիջապես հետո պետք է ՏՀՀ մուտքագրեն տվյալ տրանսֆերին վերաբերող հատուկ տեղեկատվություն և համապատասխան փաստաթղթեր:
5. Սույն հոդվածի նախորդ կետում նկարագրված դեպքում՝ էլեկտրոնային ՄՏՄ-երի հարցման և տրամադրման գործընթացն անցնում է ասոցիացիայի վերահսկողության ներքո (տե՛ս 8-րդ հոդվածը հաջորդիվ) ակումբների միջև համաձայնագրի ստորագրումից անմիջապես հետո:

Հոդված 3. Համակարգից օգտվող կողմեր

1. ՏՀՀ մուտքի իրավունք ունեցող կողմերը պետք է արդար գործեն:
2. ՏՀՀ մուտքի իրավունք ունեցող բոլոր կողմերը պետք է ամեն օր պարբերաբար ստուգեն ՏՀՀ-ն և անպատասխան չթողնեն ցանկացած տեսակի հարցերն ու հարցումները:
3. ՏՀՀ մուտքի իրավունք ունեցող կողմերը պետք է հաստատեն, որ ունեն բոլոր անհրաժեշտ միջոցները ՏՀՀ-ում իրենց պարտականություններն իրականացնելու համար:

3.1 Ակումբներ

1. Ակումբները պատասխանատու են տրանսֆերի տվյալները ՏՀՀ մուտքագրելու և հաստատելու համար, ինչպես նաև, անհրաժեշտության դեպքում, մուտքագրված տվյալների համապատասխանությունը հաստատելու համար: Սա ներառում է նաև անհրաժեշտ փաստաթղթերի մուտքագրումը համակարգ:
2. Ակումբները երաշխավորում են, որ տիրապետում են համապատասխան գիտելիքների և ունեն անհրաժեշտ փորձ իրենց պարտականությունները կատարելու համար: Ըստ այդմ՝ ակումբները պետք է նշանակեն ՏՀՀ պատասխանատուների, որոնց համապատասխանաբար կներկայացնեն ՏՀՀ-ից օգտվելու կարգը և որոնք, իրենց հերթին, պատասխանատու կլինեն անհրաժեշտության դեպքում իրենց փոխարինողի ուսուցման համար: Սա կօգնի ակումբներին մշտապես պատրաստ լինել ՏՀՀ-ում իրենց պարտականությունների կատարմանը: Անհրաժեշտության դեպքում տարբեր տեխնիկական հարցերով նրանց կաջակցեն ՏՀՀ ադմինիստրատորներն ու համապատասխան թեժ գիծը: Վերոնշյալ հարցի առնչությամբ գործում է սույն հավելվածի 5.3 կետը:

3.2 Ասոցիացիաներ

1. Ասոցիացիաները պատասխանատու են իրենց մրցաշրջանի և գրանցման ժամանակահատվածների տվյալների, ինչպես նաև ակումբների տվյալների պահպանման համար (ներառյալ ակումբների կատեգորիաները՝ կապված մարզումային փոխհատուցման հետ):
2. Ասոցիացիաները երաշխավորում են, որ տիրապետում են համապատասխան գիտելիքների և ունեն անհրաժեշտ փորձ իրենց պարտականությունները կատարելու համար: Ըստ այդմ՝ յուրաքանչյուր ասոցիացիա պետք է նշանակի ՏՀՀ պատասխանատու և առնվազն մեկ լրացուցիչ օգտատեր, որոնց համապատասխանաբար կներկայացվի ՏՀՀ-ից օգտվելու կարգը: Անհրաժեշտության դեպքում ասոցիացիաները պատասխանատու են

լրացուցիչ ՏՀՀ պատասխանատուի ուսուցման համար, որպեսզի իրենք մշտապես պատրաստ լինեն ՏՀՀ-ում իրենց պարտականությունների կատարմանը: Տարբեր տեխնիկական հարցերով նրանց կաջակցեն նաև ՏՀՀ ադմինիստրատորներն ու համապատասխան թեժ գիծը:

3.3 ՖԻՖԱ-ի ընդհանուր քարտուղարություն

ՖԻՖԱ-ի ընդհանուր քարտուղարության բազմազան կոմպետենտ բաժիններ պատասխանատու են՝

- ա) համապատասխան սպորտային պատժամիջոցներ մուտքագրելու, կանոնակարգի հնարավոր խախտումները կարգավորելու համար,
- բ) համապատասխան կարգապահական պատժամիջոցներ մուտքագրելու համար,
- գ) ասոցիացիայի կանկաժները մուտքագրելու համար:

3.4 Գաղտնապահություն և ՏՀՀ մուտք գործելու իրավունք

1. Ասոցիացիաներն ու ակումբները պարտավոր են գաղտնի պահել ՏՀՀ-ից ստացված տեղեկատվությունը և կիրառել անհրաժեշտ միջոցներ ու խիստ զգուշություն լիարժեք գաղտնապահությունն երաշխավորելու նպատակով: Ավելին, ասոցիացիաներն ու ակումբները պետք է օգտագործեն գաղտնի տեղեկատվությունը բացառապես այն ֆուտբոլիստների գործարքներն իրականացնելու նպատակով, որոնցում ուղղակիորեն ներգրավված են:
2. Ասոցիացիաներն ու ակումբները երաշխավորում են միայն լիազորված օգտատերերի մուտքը ՏՀՀ: Ավելին, ասոցիացիաներն ու ակումբները պետք է բարձր պատասխանատվությամբ ընտրեն, ուսուցանեն և վերահսկեն լիազորված օգտատերերին:

Հոդված 4. Ակումբների պարտականությունները

1. Ակումբները պետք է կիրառեն ՏՀՀ-ն միջազգային տրանսֆերներ իրականացնելու համար:
2. Համակարգում տրանսֆերներ մուտքագրելիս, ակումբները պարտավոր են տրամադրել հետևյալ պարտադիր տվյալները՝

- տրանսֆերի տեսակ (ֆուտբոլիստի գնում/engage կամ վաճառք/ release),
- նշում՝ արդյոք տրանսֆերն իրականացվում է մշտական հիմունքներով թե վարձակալությամբ,
- նշում նախկին ակումբի հետ տրանսֆերային համաձայնագրի առկայության մասին (եթե առկա է),
- նշում՝ արդյոք տրանսֆերը վերաբերում է ֆուտբոլիստների փոխանակմանը,
- եթե տրանսֆերը նախկինում կատարված վարձակալության տեսակ է, անհրաժեշտ նշում այն մասին, թե արդյոք՝

- այն վարձակալությունից վերադարձ է
- վարձակալության երկարաձգում կամ
- վարձակալության վերափոխում մշտական տրանսֆերի
- ֆուտբոլիստի անունը, ազգությունը/ազգությունները և ծննդյան թիվը,
- ֆուտբոլիստի նախկին ակումբը,
- ֆուտբոլիստի նախկին ասոցիացիան,
- տրանսֆերային համաձայնագրի ամսաթիվը,
- վարձակալության պայմանագրի ուժի մեջ մտնելու և ավարտման ամսաթիվերը,
- ակումբի գործակալի անունը, տեսակը և վարձատրության չափը,

- ֆուտբոլիստի՝ նախկին ակումբի հետ ունեցած պայմանագրի ուժի մեջ մտնելու և ավարտման ամսաթվերը,
- ֆուտբոլիստի՝ նախկին ակումբի հետ ունեցած պայմանագրի լուծարման պատճառը
- ֆուտբոլիստի՝ նոր ակումբի հետ ունեցած պայմանագրի ուժի մեջ մտնելու և ավարտման ամսաթվերը,
- ֆուտբոլիստի ֆիքսված վարձատրության չափը, ինչպես նշված է նոր ակումբի հետ ֆուտբոլիստի կնքած պայմանագրում,
- ֆուտբոլիստի գործակալի անունն ու տեսակը,
- նշում՝ արդյոք տրանսֆերն իրականացվում է ներքոնշյալ որևէ վճարման դիմաց՝

- ֆիքսված տրանսֆերային գումար, ներառյալ մաս առ մաս վճարման տվյալները (եթե առկա է)
- ցանկացած գումար, որը կվճարվի ի կիրառումն նախկին ակումբի հետ կնքած ֆուտբոլիստի պայմանագրում նշված դրույթի՝ համաձայն որի տվյալ պայմանագրի լուծարման համար նախատեսվում է փոխհատուցում
- տրանսֆերի պայմանական գումար՝ ներառյալ պայմանների մանրամասները
- համերաշխության վճար
- մարզումային փոխհատուցում

- վճարման տարադրամի տեսակը,
- վերոնշյալ բոլոր վճարման տեսակների համար գումարի/գումարների, վճարման ամսաթվի/ամսաթվերի և ստացողի/ստացողների վերաբերյալ նշում,
- բանկային տվյալներ (բանկի անուն կամ բանկային կոդ, հաշվեհամար կամ IBAN, բանկի հասցե, հաշվեհամարի օգտատեր),
- հայտարարություն երրորդ կողմի վճարումների և ազդեցության վերաբերյալ:

3. Ակումբները պարտավոր են նաև ներբեռնել S22 մուտքագրած տեղեկատվության իսկությունը հաստատող պարտադիր փաստաթղթեր (տե՛ս 3-րդ հավելվածի I գլխի 8.2 հոդվածի 1-ին կետը) և հաստատել տվյալ տրանսֆերի տեսակը:
4. Անհրաժեշտության դեպքում ակումբների պարտականությունն է նաև տրանսֆերի մեջ ներգրավված մյուս ակումբների հետ լուծել տրանսֆերի տվյալների համապատասխանության հարցերը:
5. ՄՏՍ-ի հարցման գործընթացին (տե՛ս 3-րդ հավելվածի I գլխի 8.2 հոդվածի 1-ին կետը) ընթացք է տրվում միայն այն ժամանակ, երբ ակումբները՝ համաձայն սույն հոդվածի վերոնշյալ կետերի, բարեխղճորեն կատարում են իրենց պարտականությունները:
6. Ակումբները պարտավոր են համակարգ մուտքագրել կատարված բոլոր վճարումները: Մա վերաբերում է նաև ֆուտբոլիստի նոր ակումբի կողմից նախկին ակումբին արված այն վճարումներին, որոնք կատարվել են համաձայն նախկին ակումբի հետ ֆուտբոլիստի ունեցած պայմանագրային պարտավորությունների և, չնայած այն փաստին, որ տրանսֆերային համաձայնագիր չէր կնքվել: Վճարումն իրականացնելուց հետո վճարող ակումբը պետք է S22 մուտքագրի վճարման անդորրագիրը:

Հոդված 5. Ասոցիացիաների պարտականությունները

Ասոցիացիաներն օգտագործում են S22-ն միջազգային տրանսֆերներ իրականացնելու համար:

5.1 Հիմնարար տվյալներ

1. Ե՛վ գրանցման ժամանակահատվածների, և՛ մրցաշրջանների սկսման ու ավարտման ամսաթվերը պետք է համակարգ մուտքագրվեն ուժի մեջ մտնելուց առնվազն 12 ամիս

առաջ: Բացառիկ դեպքերում և մինչև գրանցման ժամանակահատվածների ուժի մեջ մտնելը՝ ասոցիացիաները կարող են փոփոխել դրանք: Գրանցման ժամանակահատվածի ուժի մեջ մտնելուց հետո գրանցման ժամանակահատվածի ամսաթվերի փոփոխությունն անհնար է: Գրանցման ժամանակահատվածները պետք է միշտ համապատասխանեն սույն կանոնակարգի 6-րդ հոդվածի 2-րդ կետի պայմաններին:

2. Ակումբի հասցեն, հեռախոսահամարը, էլեկտրոնային հասցեն և մարզումային կատեգորիան (տե՛ս 4-րդ հավելվածի 5-րդ հոդվածը) պետք է պարբերաբար նորացվեն:

5.2 Տրանսֆերների վերաբերյալ տեղեկատվություն

1. Տրանսֆերի տվյալները մուտքագրելիս ակումբները պետք է համակարգում նշեն տրանսֆերի մեջ ներգրավված ֆուտբոլիստին (տե՛ս 3-րդ հավելվածի I գլխի 4-րդ հոդվածի 2-րդ կետը): ՏՀՀ-ն պարունակում է բազմաթիվ ֆուտբոլիստների տվյալներ, ովքեր մասնակցել են ՖԻՖԱ-ի մրցաշարերին: Եթե տրանսֆերի մեջ ներգրավված ֆուտբոլիստի տվյալները ՏՀՀ-ում չկան, ապա ակումբները պետք է մուտքագրեն դրանք՝ որպես տրանսֆերի բաղկացուցիչ մաս: ՄՏՍ-ի հարցման գործընթացին (տե՛ս 3-րդ հավելվածի I գլխի 8.2 հոդվածի 1-ին կետը) ընթացք է տրվում միայն այն բանից հետո, երբ ֆուտբոլիստի նախկին ասոցիացիան հաստատում է ֆուտբոլիստի տվյալները: Նախկին ասոցիացիան մերժում է ֆուտբոլիստի հաստատումը, եթե վերջինին ինքնությունն ամբողջովին չի հաստատվում:
2. ՄՏՍ-ի հարցման գործընթացը (տե՛ս 3-րդ հավելվածի I գլխի 8.2 հոդվածի 2-րդ կետը) համապատասխան ժամկետներում իրականացվում է նոր ասոցիացիայի կողմից:
3. Համապատասխան ժամկետներում ՄՏՍ-ի տրամադրման և ֆուտբոլիստին գրանցումից հանելու գործընթացը (տե՛ս 3-րդ հավելվածի I գլխի 8.2 հոդվածի 3-րդ և 4-րդ կետերը) իրականացվում է նախկին ասոցիացիայի կողմից:
4. ՄՏՍ-ը ստանալու դեպքում նոր ասոցիացիան պետք է համակարգ մուտքագրի և հաստատի ֆուտբոլիստի գրանցման ամսաթիվը (տե՛ս 3-րդ հավելվածի I գլխի 8.2 հոդվածի 1-ին կետը):
5. ՄՏՍ-ը մերժելու դեպքում (տե՛ս 3-րդ հավելվածի I գլխի 8.2 հոդվածի 7-րդ կետը) նոր ասոցիացիան կա՛մ ընդունում, կա՛մ բողոքարկում է ՄՏՍ-ի մերժումը՝ կախված տվյալ գործի բնույթից:
6. Ժամանակավոր գրանցման դեպքում (տե՛ս 3-րդ հավելվածի I գլխի 8.2 հոդվածի 6-րդ կետը) կամ այն դեպքում, երբ նոր ասոցիացիայի կողմից ՄՏՍ-ի մերժումը բողոքարկելուց հետո միանձնյա դատավորը ժամանակավոր գրանցման թույլտվություն է տվել (տե՛ս ՖԻՖԱ-ի Ֆուտբոլիստների կարգավիճակի և տեղափոխության կանոնակարգի 23-րդ հոդվածի 3-րդ կետը), նոր ասոցիացիան պետք է համակարգ մուտքագրի և հաստատի ֆուտբոլիստի գրանցման ամսաթիվը:

5.3 Մեմբերներ ակումբների ՏՀՀ պատասխանատուների համար

Ասոցիացիան պարտավոր է համապատասխան սեմինարներ անցկացնել ակումբների ՏՀՀ պատասխանատուների համար, որպեսզի վերջիններս կարողանան կատարել սույն հավելվածում ամրագրված իրենց պարտավորությունները:

Հոդված 6. ՖԻՖԱ-ի ընդհանուր քարտուղարության դերը

1. ՖԻՖԱ-ի համապատասխան բաժինը, պահանջի դեպքում, զբաղվում է տվյալների անհամապատասխանության ցանկացած հարցով (validation exception) և, անհրաժեշտության դեպքում, հարցը դնում է կումպետենտ, որոշում կայացնող մարմնի (օր.՝ ՖԻՖԱ-ի Ֆուտբոլիստների կարգավիճակի կոմիտեի, վերոնշյալ կոմիտեի միանձնյա դատավորի կամ Վեճերի լուծման պալատի/ ՎԼՊ կամ էլ ՎԼՊ դատավորի) քննարկմանը՝ կախված տվյալ գործի բնույթից, բացառությամբ, այսպես կոչված «Ֆուտբոլիստի

հաստատում»-ից, որի համար պատասխանատու է ներգրավված ասոցիացիան (տե՛ս 3-րդ հավելվածի I գլխի 5.2 հոդվածի 1-ին կետը):

2. Պահանջի դեպքում՝ համապատասխան բաժինը զբաղվում է տվյալների անհամապատասխանության հարցերով (validation warning) և, անհրաժեշտության դեպքում, հարցը դնում է կոմպետենտ, որոշում կայացնող մարմնի, այսինքն՝ ՖԻՖԱ-ի Կարգապահական կոմիտեի քննարկմանը:
3. Սույն կանոնակարգի կիրառմանն առնչվող ընթացակարգերի շրջանակներում ՖԻՖԱ-ն կարող է օգտագործել ՏՀՀ-ի կողմից ստեղծված, ՏՀՀ-ում պարունակվող կամ ուսումնասիրությունների արդյունքում ՏՀՀ ՍՊԸ-ի կողմից ձեռք բերված (տե՛ս 3-րդ հավելվածի I գլխի 7-րդ հոդվածի 4-րդ կետը) ցանկացած փաստաթուղթ կամ ապացույց՝ օրակարգում դրված հարցին հարիք լուծում տալու նպատակով:
4. ՏՀՀ-ին առնչվող սպորտային պատժամիջոցները մուտքագրվում են ՏՀՀ կոմպետենտ բաժնի կողմից:
5. ՏՀՀ-ին առնչվող կարգապահական պատժամիջոցները մուտքագրվում են ՏՀՀ կոմպետենտ բաժնի կողմից:
6. ՏՀՀ-ին առնչվող ասոցիացիայի պատժամիջոցները մուտքագրվում են ՏՀՀ կոմպետենտ բաժնի կողմից:

Հոդված 7. ՖԻՖԱ ՏՀՀ ՍՊԸ-ի դերը

1. ՖԻՖԱ ՏՀՀ ՍՊԸ-ն պատասխանատու է համակարգի աշխատունակությունն ու անխափան մուտքն ապահովելու համար: Ի հավելումն՝ ՖԻՖԱ ՏՀՀ ՍՊԸ-ն պատասխանատու է նաև ՏՀՀ օգտատերերի մուտքն ապահովելու և լիազորված օգտատեր լինելու չափանիշները սահմանելու համար:
2. ՖԻՖԱ ՏՀՀ ՍՊԸ-ն ապահովում է, որ բոլոր ասոցիացիաները կատարեն իրենց պարտավորությունները՝ կապված սույն հավելվածի դրույթների հետ, պարբերաբար անցկացնում է պարապմունքներ և աջակցություն է ցուցաբերում անդամ ասոցիացիաներին:
3. ՖԻՖԱ ՏՀՀ ՍՊԸ-ն նշանակում է ՏՀՀ ադմինիստրատորներ վերոհիշյալ պարտականությունները կատարելու նպատակով:
4. ՖԻՖԱ ՏՀՀ ՍՊԸ-ն ուսումնասիրում է միջազգային տրանսֆերների հետ կապված հարցերը՝ նպատակ ունենալով ապահովել ակումբների ու ասոցիացիաների կողմից սույն հավելվածում ամրագրված իրենց պարտավորությունների կատարումը:
Բոլոր կողմերը պարտավոր են համագործակցել փաստերի հավաստիությունն ապացուցելու նպատակով: Մասնավորապես, հիմնավոր հարցման դեպքում կողմերը պետք է ներկայացնեն իրենց տրամադրության տակ գտնվող ցանկացած տեսակի փաստաթուղթ, տեղեկատվություն կամ այլ նյութեր: Ավելին, կողմերը պարտավոր են ձեռք բերել և ներկայացնել նաև այն փաստաթղթերը, տեղեկատվությունը կամ նյութերը, որոնք չեն գտնվում իրենց տրամադրության տակ, սակայն վերջիններս իրավասու են ձեռք բերել: ՖԻՖԱ ՏՀՀ ՍՊԸ-ի հարցումները չկատարելու և անպատասխան թողնելու դեպքում, ՖԻՖԱ-ի Կարգապահական կոմիտեն կարող է կիրառել պատժամիջոցներ:

Հոդված 8. Պրոֆեսիոնալ ֆուտբոլիստների տրանսֆերը կարգավորող վարչական գործընթաց

8.1 Կանոններ

1. Ցանկացած պրոֆեսիոնալ ֆուտբոլիստ, ով գրանցված է տվյալ ասոցիացիայի որևէ ակումբում, կարող է գրանցվել մեկ այլ ասոցիացիայի ակումբում միայն նախկին ասոցիացիայի կողմից միջազգային տրանսֆերային սերտիֆիկատը(USU) ուղարկելուց և նոր ասոցիացիայի կողմից USU-ի ստացումը հաստատելուց հետո: USU շնորհելու և

ստանալու գործընթացը կատարվում է բացառապես ՏՀՀ-ի միջոցով: Բացառությամբ ՏՀՀ-ով ստեղծված ՄՏՍ-ից՝ ոչ մի այլ ձևի ՄՏՍ վավեր չի համարվում:

2. ՏՀՀ-ով ՄՏՍ-ի հարցման վերջնաժամկետը նոր ասոցիացիայի գրանցման ժամանակահատվածի վերջին օրն է:
3. Նոր ասոցիացիային ՄՏՍ ուղարկելիս նախկին ասոցիացիան պարտավոր է համակարգ մուտքագրել նաև ֆուտբոլիստի ֆուտբոլային անձնագրի պատճենը (տե՛ս սույն կանոնակարգի 7-րդ հոդվածը):
4. Նոր ասոցիացիային ՄՏՍ ուղարկելիս նախկին ասոցիացիան պարտավոր է համակարգ մուտքագրել ֆուտբոլիստի վրա կիրառված հնարավոր կարգապահական պատժամիջոցներին վերաբերող համապատասխան փաստաթղթերի պատճենները և առկայության դեպքում դրանց երկարացումը՝ նոր ասոցիացիայի համար ՄՏՍ ստեղծելիս լայնամասշտաբ ազդեցություն ունենալու նպատակով:

8.2 Պրոֆեսիոնալ ֆուտբոլիստի համար ՄՏՍ-ի ստեղծումը

1. Բոլոր տվյալները, որոնք թույլ են տալիս նոր ասոցիացիային ՄՏՍ-ի հարցում կատարել մուտքագրվում են ՏՀՀ, հաստատվում և համապատասխանեցվում են այն ակումբի կողմից, որը ցանկանում է գրանցել տվյալ ֆուտբոլիստին տվյալ ասոցիացիայի գրանցման ժամանակահատվածներից որևէ մեկի ընթացքում (տե՛ս 3-րդ հավելվածի I գլխի 4-րդ հոդվածի 4-րդ կետը): Կախված իրականացվող տրանսֆերի տեսակից համապատասխան տվյալներ համակարգ մուտքագրելու ժամանակ՝ նոր ակումբը պետք է ՏՀՀ մուտքագրի առնվազն հետևյալ փաստաթղթերը՝

- նոր ակումբի և պրոֆեսիոնալ ֆուտբոլիստի միջև կնքված պայմանագրի պատճենը,
- նոր ակումբի և նախկին ակումբի միջև կնքված տրանսֆերային կամ վարձակալության պայմանագրի պատճենը (եթե առկա է),
- ֆուտբոլիստի ինքնությունը, ազգությունն ու ծննդյան թիվը հաստատող փաստաթղթի պատճենը (օր.՝ անձնագիր կամ նույնականացման քարտ),
- ֆուտբոլիստի կնքած վերջին պայմանագրի ավարտման ամսաթվի ապացույցն ու պայմանագրի լուծման պատճառը,
- ֆուտբոլիստի և նախկին ակումբի կողմից ստորագրված փաստաթուղթ այն մասին, որ երրորդ կողմը չի տնօրինում ֆուտբոլիստի տնտեսական իրավունքները:

Եթե երրորդ կողմը տնօրինում է ֆուտբոլիստի տնտեսական իրավունքները (տե՛ս 3-րդ հավելվածի I գլխի 4-րդ հոդվածի 2-րդ կետը), ապա նախկին ակումբը պետք է մուտքագրի երրորդ կողմի հետ կնքած համաձայնագրի պատճենը:

Փաստաթղթերը պետք է ներբեռնվեն ՖԻՖԱ ՏՀՀ ՄՊԸ-ի կողմից պահանջվող ֆորմատով: Բացառիկ անհրաժեշտության դեպքում և եթե վերոնշյալ փաստաթղթերից որևէ մեկը կամ դրանից անհրաժեշտ քաղվածքը առկա չէ ՖԻՖԱ-ի չորս պաշտոնական լեզուներից որևէ մեկով (անգլերեն, ֆրանսերեն, գերմաներեն, իսպաներեն), ապա այն պետք է ՏՀՀ ներմուծվի համապատասխան թարգմանությամբ ՖԻՖԱ-ի չորս պաշտոնական լեզուներից որևէ մեկով: Նշված գործընթացի պահանջները չապահովելու դեպքում պահանջվող փաստաթուղթը կարող է անվավեր համարվել:

Պրոֆեսիոնալ ֆուտբոլիստն իրավունք չունի հանդես գալ պաշտոնական խաղերում իր նոր ակումբի անունից, քանի դեռ նոր ասոցիացիան չի հաստատել ՄՏՍ-ի ստացումը և չի մուտքագրել ու հաստատել ՏՀՀ-ում ֆուտբոլիստի գրանցման ամսաթիվը (տե՛ս 3-րդ հավելվածի I գլխի 5.2 հոդվածի 4-րդ կետը):

2. Նոր ասոցիացիան, համակարգում ծանուցում ստանալով այն մասին, որ տրանսֆերը սպասում է USU-ի հարցման, պետք է անմիջապես SZZ-ով հարցում ուղարկի նախկին ասոցիացիային՝ պահանջելով ուղարկել պրոֆեսիոնալ ֆուտբոլիստի USU-ը (USU-ի հարցում):
3. USU-ի հարցումը ստանալուն պես նախկին ասոցիացիան անմիջապես հարցում է կատարում նախկին ակումբին և պրոֆեսիոնալ ֆուտբոլիստին՝ հավաստիանալու համար, թե արդյոք ավարտվել է ֆուտբոլիստի պայմանագրի գործողության ժամկետը, արդյոք վաղաժամ լուծարումը կատարվել է փոխադարձ համաձայնությամբ կամ արդյոք գոյություն ունեն պայմանագրային վեճեր:
4. USU-ի հարցումը ստանալու 7 օրվա ընթացքում նախկին ասոցիացիան, SZZ-ում համապատասխան բաժինը օգտագործելով, պետք է

ա) կա՛մ ուղարկի USU-ը նոր ասոցիացիային և մուտքագրի ֆուտբոլիստին գրանցումից հանելու ամսաթիվը,

բ) կա՛մ մերժի USU-ի հարցումը և SZZ-ում նշի մերժման պատճառը, որը կարող է լինել կա՛մ այն, որ նախկին ակումբի և պրոֆեսիոնալ ֆուտբոլիստի միջև կնքված պայմանագիրը չի ավարտվել կա՛մ էլ, որ նրանց միջև չի եղել փոխադարձ համաձայնություն պայմանագրի վաղօրոք լուծման վերաբերյալ:

5. USU-ը ուղարկելուց հետո նոր ասոցիացիան պետք է հաստատի ստացումը և SZZ-ում լրացնի ֆուտբոլիստի գրանցման վերաբերյալ համապատասխան տեղեկատվությունը:
6. Եթե նոր ասոցիացիան հարցումն անելուց հետո 15 օրվա ընթացքում USU-ի հարցմանը պատասխան չի ստանում, ապա այն անմիջապես ժամանակավոր հիմունքներով գրանցում է պրոֆեսիոնալ ֆուտբոլիստին նոր ակումբում (ժամանակավոր գրանցում): Նոր ասոցիացիան SZZ է մուտքագրում տվյալ ֆուտբոլիստի գրանցման վերաբերյալ տվյալները (տե՛ս 3-րդ հավելվածի I գլխի 5.2 հոդվածի 6-րդ կետը): Ժամանակավոր գրանցումը դառնում է մշտական USU-ի հարցումը կատարելուց մեկ տարի անց: ՖԻՖԱ-ի Ֆուտբոլիստների կարգավիճակի կոմիտեն կարող է չեղյալ համարել ժամանակավոր գրանցումը, եթե այդ մեկ տարվա ընթացքում նախկին ասոցիացիան հիմնավոր պատճառներ է ներկայացնում՝ բացատրելով, թե ինչու չի պատասխանել համապատասխան USU-ի հարցմանը:
7. Նախկին ասոցիացիան USU չի տրամադրում, եթե նախկին ակումբի և պրոֆեսիոնալ ֆուտբոլիստի միջև պայմանագրային վեճ է ծագել 3-րդ հավելվածի I գլխի 8.2 հոդվածի 4բ) կետում ամրագրված հանգամանքների հիմքով: Այս պարագայում և նոր ասոցիացիայի հարցումով ՖԻՖԱ-ն բացառիկ դեպքերում կարող է դիմել ժամանակավոր միջոցների: Եթե կոմպետենտ մարմինը լիազորում է ժամանակավոր գրանցումը (տե՛ս ՖԻՖԱ-ի Ֆուտբոլիստների կարգավիճակի և տեղափոխության կանոնակարգի 23-րդ հոդվածի 3-րդ կետը), ապա նոր ասոցիացիան SZZ է մուտքագրում տվյալ ֆուտբոլիստի գրանցման վերաբերյալ համապատասխան տվյալները (տե՛ս 3-րդ հավելվածի I գլխի 5.2 հոդվածի 6-րդ կետը): Ավելին, պրոֆեսիոնալ ֆուտբոլիստը, նախկին ակումբը և/կամ նոր ակումբը լիազորված են բոլոր ներկայացնելու ՖԻՖԱ՝ համաձայն ՖԻՖԱ-ի Ֆուտբոլիստների կարգավիճակի և տեղափոխության կանոնակարգի 22-րդ հոդվածի: Այնուհետև ՖԻՖԱ-ն 60 օրվա ընթացքում որոշում է կայացնում USU-ը տրամադրելու և մարզական պատժամիջոցներ կիրառելու վերաբերյալ: Ամեն դեպքում սպորտային պատժամիջոցներ կիրառելու վերաբերյալ որոշումը պետք է ընդունվի նախքան USU-ը տրամադրելը: USU-ի տրամադրումը չպետք է խոչընդոտի պայմանագրի խզման հետևանքով առաջացած փոխհատուցում ստանալու իրավունքը:

8.3. Գրոֆեսիոնալ ֆուտբոլիստի վարձակալություն

1. Վերոնշյալ կանոններն ու ընթացակարգը կիրառվում են նաև պրոֆեսիոնալ ֆուտբոլիստին մեկ ասոցիացիայի ակումբից այլ ասոցիացիայի ակումբ վարձակալության տրամադրելու, ինչպես նաև վարձակալությունից իր նախնական ակումբ վերադառնալու դեպքում (եթե կիրառելի է):
2. Վարձակալությամբ տեղափոխված պրոֆեսիոնալ ֆուտբոլիստի գրանցման ժամանակ, նոր ակումբը պետք է ՏՀՀ մուտքագրի նախկին ակումբի հետ կնքած (հնարավոր է նաև ֆուտբոլիստի կողմից ստորագրված) վարձակալության պայմանագրի պատճենը (տե՛ս 3-րդ հավելվածի I գլխի 8.2. հոդվածի 1-ին կետը): Վարձակալության պայմանագրի ժամկետները պետք է մուտքագրվեն ՏՀՀ-ում:
3. Վարձակալության երկարացումն ու վարձակալությունից առաջացած ֆուտբոլիստների մշտական գրանցումները ճիշտ ժամանակին ևս մուտքագրվում են ՏՀՀ:

Հոդված 9. Պատժամիջոցներ

9.1. Ընդհանուր դրույթներ

1. Պատժամիջոցներ կիրառվում են այն ակումբի կամ ասոցիացիայի նկատմամբ, որը խախտել է սույն հավելվածի ցանկացած դրույթ:
2. Պատժամիջոցներ են կիրառվում նաև այն ակումբի կամ ասոցիացիայի նկատմամբ, որը կեղծ տվյալներ է մուտքագրել համակարգ կամ անօրինական նպատակներով օգտագործել է ՏՀՀ-ն:
3. Ասոցիացիաներն ու ակումբները պատասխանատու են ՏՀՀ պատասխանատուների գործողությունների և նրանց կողմից համակարգ մուտքագրված տեղեկատվության համար:

9.2. Իրավասություն

1. ՖԻՖԱ-ի Կարգապահական կոմիտեն իրավունք ունի պատժամիջոցներ կիրառել՝ համաձայն ՖԻՖԱ-ի Կարգապահական կանոնակարգի:
2. Պատժամիջոցների կիրառման գործընթացը սկսում է ՖԻՖԱ-ն՝ կա՛մ իր նախաձեռնությամբ, կա՛մ ներգրավված կողմի՝ ներառյալ ՖԻՖԱ ՏՀՀ սահմանափակ ընկերության հարցումով:
3. ՖԻՖԱ ՏՀՀ սահմանափակ ընկերությունը ՖԻՖԱ-ի Կարգապահական կոմիտեի կողմից լիազորվելու դեպքում և հստակորեն արձանագրված խախտումների ժամանակ կարող է պատժամիջոցների կիրառման գործընթաց սկսել սեփական նախաձեռնությամբ՝ իր իրավասության ներքո պարտավորությունները չկատարելու համար:

9.3. Պատժամիջոցներ ասոցիացիաների նկատմամբ

Համաձայն ՖԻՖԱ-ի Կարգապահական կանոնակարգի՝ սույն հավելվածի դրույթները խախտելու դեպքում ասոցիացիաների նկատմամբ կիրառվում են, մասնավորապես, հետևյալ պատժամիջոցները՝

- նկատողություն կամ զգուշացում
- տուգանք
- որակազրկում մրցումներից
- պարգևատրումների վերադարձ

Այս պատժամիջոցները կարող են կիրառվել առանձին կամ միաժամանակ:

9.4. Պատժամիջոցներ ակումբների նկատմամբ

Համաձայն ՖԻՖԱ-ի Կարգապահական կանոնակարգի՝ սույն հավելվածի դրույթները խախտելու դեպքում ակումբների նկատմամբ կիրառվում են, մասնավորապես, հետևյալ պատժամիջոցները՝

- նկատողություն կամ զգուշացում
- տուգանք
- խաղի արդյունքի չեղյալ հայտարարում
- պարտության գրանցում
- որակագրկում մրցումներից
- միավորների կրճատում
- տեղափոխություն ցածրակարգ խումբ
- տրանսֆերային արգելք
- պարգևատրումների վերադարձ

Այս պատժամիջոցները կարող են կիրառվել առանձին կամ միաժամանակ:

Հոդված 10. Ժամկետներ

ՖԻՖԱ S22 սահմանափակ ընկերության կողմից իրականացվող ընթացակարգերի և հետաքննության դեպքում, S22-ով կամ S22-ում առկա էլեկտրոնային փոստով կողմերին հաղորդվող էլեկտրոնային ծանուցումները համարվում են հաղորդակցման վավեր միջոցներ և բավարար են ժամկետներ սահմանելու համար: Այդուհանդերձ, վերոնշյալն ազդեցություն չունի և կիրառելի չէ ՖԻՖԱ-ի Կարգապահական կոմիտեի ընթացակարգերի դեպքում:

Գլուխ II. ՏՀՀ-ից դուրս իրականացվող ֆուտբոլիստների միջազգային տրանսֆերը կարգավորող վարչական գործընթաց

Հոդված 1. Կանոններ

Սույն հավելվածը վերաբերում է սիրողական ֆուտբոլիստների, կանանց, ֆուտզալ ֆուտբոլիստների և այն պրոֆեսիոնալ ֆուտբոլիստների տրանսֆերներին, որոնց ասոցիացիաները չեն մասնակցում ՏՀՀ-ին:

1. Ցանկացած ֆուտբոլիստ, ով գրանցված է տվյալ ասոցիացիայի որևէ ակումբում, իրավունք չունի խաղալու մեկ այլ ասոցիացիայի ակումբի կազմում, քանի դեռ համաձայն սույն հավելվածի դրույթների՝ նախկին ասոցիացիան չի տրամադրել, իսկ նոր ասոցիացիան չի ստացել ֆուտբոլիստի USU-ը: USU-ը տրամադրվում է անվճար, առանց որևէ պայմանի և ժամանակային սահմանափակման: Վերոնշյալին հակասող բոլոր դրույթները համարվում են անվավեր: Տվյալ գործընթացն իրականացվում է ՖԻՖԱ-ի կողմից տրամադրված հատուկ ձևերի/բլանկերի միջոցով: USU տրամադրող ասոցիացիան USU-ի պատճենը ուղարկում է նաև ՖԻՖԱ:
2. Պրոֆեսիոնալ կարգավիճակ ունեցող ֆուտբոլիստների դեպքում USU տրամադրող ասոցիացիան USU-ին կից պետք է ներկայացնի նաև ֆուտբոլիստի անձնագրի պատճենը:
3. Նախքան նոր ասոցիացիա տեղափոխվելը պետք է իրագործվի ֆուտբոլիստի նկատմամբ կիրառված կարգապահական յուրաքանչյուր պատժամիջոց կամ էլ այն պետք է կիրառվի նոր ասոցիացիայի կողմից, որտեղ ցանկանում է գրանցվել ֆուտբոլիստը: USU տրամադրելուն պես նախկին ասոցիացիան պարտավոր է յուրաքանչյուր չլրած պատժամիջոցի մասին գրավոր տեղեկացնել նոր ասոցիացիային:
4. Նոր ասոցիացիան USU-ը ստանալուց հետո գրավոր տեղեկացնում է 12-23 տարեկան հասակում ֆուտբոլիստին մարզած և կրթած ակումբի (ակումբների) ասոցիացիային(ասոցիացիաներին) (տե՛ս ՖԻՖԱ-ի ֆուտբոլիստների կարգավիճակի և տեղափոխության կանոնակարգի 7-րդ հոդվածը - ֆուտբոլիստի անձնագիր) այն մասին, որ որպես պրոֆեսիոնալ պատրաստվում է գրանցել ֆուտբոլիստին:

Հոդված 2. Պրոֆեսիոնալ ֆուտբոլիստին USU տրամադրելը

1. Միջազգային տրանսֆերի դեպքում պրոֆեսիոնալ ֆուտբոլիստի գրանցումը կատարվում է սույն կանոնակարգի III գլխում սահմանված դրույթներին համապատասխան: Նոր ակումբը պրոֆեսիոնալ ֆուտբոլիստի գրանցման դիմումը ՀՖՖ է ներկայացնում նրանում հաստատված գրանցման ժամանակահատվածներից որևէ մեկի ընթացքում: Դիմումին կից ներկայացվում է նոր ակումբի և պրոֆեսիոնալ ֆուտբոլիստի միջև կնքված պայմանագրի պատճենը: Պրոֆեսիոնալ ֆուտբոլիստն իրավունք չունի հանդես գալ իր նոր ակումբի կազմում, քանի դեռ նախկին ասոցիացիան չի տրամադրել, իսկ ՀՖՖ-ն չի ստացել USU-ը:
2. Գրանցման դիմումը ստանալուն պես ՀՖՖ-ն անմիջապես դիմում է նախկին ասոցիացիային պրոֆեսիոնալ ֆուտբոլիստի USU-ը ստանալու նպատակով (USU-ի հարցում): USU-ի հարցման վերջնաժամկետը ՀՖՖ-ի գրանցման ժամանակահատվածի վերջին օրն է: Առանց որևէ հարցման այլ ասոցիացիայից հոժարակամ տրամադրված USU-ի պարագայում ՀՖՖ-ն լիազորված չէ գրանցել պրոֆեսիոնալ ֆուտբոլիստին:
3. USU-ի հարցումը ստանալուն պես՝ նախկին ասոցիացիան անմիջապես հարցում է կատարում նախկին ակումբին և պրոֆեսիոնալ ֆուտբոլիստին՝ հավաստիանալու համար, թե արդյոք ավարտվել է ֆուտբոլիստի պայմանագրի գործողության ժամկետը, արդյոք վաղաժամ լուծարումը կատարվել է փոխադարձ համաձայնությամբ, կամ գոյություն ունեն արդյոք պայմանագրային վեճեր:

4. USU-ի հարցումը ստանալուն պես՝ 7 օրվա ընթացքում նախկին ասոցիացիան պարտավոր է՝
 - տրամադրել USU-ը նոր ասոցիացիային կամ
 - տեղեկացնել նոր ասոցիացիային, որ USU-ը չի կարող տրամադրվել, քանի որ նախկին ակումբի և պրոֆեսիոնալ ֆուտբոլիստի միջև պայմանագրի ժամկետը չի ավարտվել կամ տվյալ պայմանագրի վաղաժամ լուծարման վերաբերյալ չի եղել փոխադարձ համաձայնություն:
5. Եթե 30 օրվա ընթացքում USU-ի հարցմանը որևէ պատասխան չի ստացվում, ապա ՀՖՖ-ն ժամանակավոր հիմունքներով գրանցում է տվյալ պրոֆեսիոնալ ֆուտբոլիստին նոր ակումբում («ժամանակավոր գրանցում»): Ժամանակավոր գրանցումը դառնում է մշտական USU-ի հարցումը կատարելուց մեկ տարի անց: ՖԻՖԱ-ի Ֆուտբոլիստների կարգավիճակի կոմիտեի կարող է չեղյալ համարել ժամանակավոր գրանցումը, եթե այդ մեկ տարվա ընթացքում նախկին ասոցիացիան հիմնավոր պատճառներ ներկայացնի՝ բացատրելով, թե ինչու չի պատասխանել համապատասխան USU-ի հարցմանը:
6. Նախկին ասոցիացիան USU չի տրամադրում, եթե նախկին ակումբի և պրոֆեսիոնալ ֆուտբոլիստի միջև պայմանագրային վեճ է ծագել: Այս դեպքում պրոֆեսիոնալ ֆուտբոլիստը, նախկին ակումբը և/կամ նոր ակումբը լիազորված են բողոք ներկայացնելու ՖԻՖԱ՝ համաձայն ՖԻՖԱ-ի Ֆուտբոլիստների կարգավիճակի և տեղափոխության կանոնակարգի 22-րդ հոդվածի: Այնուհետև, ՖԻՖԱ-ն 60 օրվա ընթացքում որոշում է կայացնում USU-ը հանձնելու և մարզական պատժամիջոցներ կիրառելու վերաբերյալ: Ամեն դեպքում սպորտային պատժամիջոցներ կիրառելու վերաբերյալ որոշումը պետք է ընդունվի նախքան USU տրամադրելը: USU-ի տրամադրումը չպետք է խոչընդոտի պայմանագրի խզման հետևանքով առաջացած փոխհատուցում ստանալու իրավունքին: Բացառիկ դեպքերում ՖԻՖԱ-ն կարող է դիմել ժամանակավոր միջոցների:
7. Նոր ասոցիացիան տվյալ մրցաշրջանի համար կարող է ֆուտբոլիստին շնորհել խաղալու ժամանակավոր իրավունք՝ հեռատիպով ուղարկված USU-ի հիման վրա: Եթե USU-ի բնօրինակն այդ ընթացքում չի ստացվում, ապա ֆուտբոլիստի խաղալու ժամանակավոր իրավունքը համարվում է վերջնական:
8. Ֆուտբոլիստին ստուգողական խաղերում ներգրավելու նպատակով USU պահանջելն արգելվում է:
9. Վերոհիշյալ կանոններն ու ընթացակարգը վերաբերում են նաև պրոֆեսիոնալ այն ֆուտբոլիստներին, ովքեր, տեղափոխվելով նոր ակումբ, ձեռք են բերում սիրողական կարգավիճակ:

Հոդված 3. Միրողական կարգավիճակ ունեցող ֆուտբոլիստներին USU տրամադրելը

1. Միջազգային տրանսֆերի դեպքում սիրողական կարգավիճակ ունեցող ֆուտբոլիստի գրանցումը կատարվում է սույն կանոնակարգի III գլխում սահմանված դրույթներին համապատասխան: Նոր ակումբը սիրողական ֆուտբոլիստի գրանցման դիմումը ՀՖՖ է ներկայացնում նրանում հաստատված գրանցման ժամանակահատվածներից որևէ մեկի ընթացքում:
2. Գրանցման դիմումը ստանալուն պես ՀՖՖ-ն անմիջապես դիմում է նախկին ասոցիացիային ֆուտբոլիստի USU-ը ստանալու նպատակով (USU-ի հարցում):
3. USU-ի հարցումը ստանալուն պես՝ 7 օրվա ընթացքում, նախկին ասոցիացիան պարտավոր է ՀՖՖ-ին տրամադրել USU-ը:
4. Եթե ՀՖՖ-ն հարցումն անելուց հետո 30 օրվա ընթացքում USU-ի հարցմանը պատասխան չի ստանում, ապա այն անմիջապես ժամանակավոր հիմունքներով գրանցում է սիրողական ֆուտբոլիստին նոր ակումբում (ժամանակավոր գրանցում): Ժամանակավոր

գրանցումը դառնում է մշտական ՄՏՍ-ի հարցումը կատարելուց մեկ տարի անց: ՖԻՖՍԱ-ի Ֆուտբոլիստների կարգավիճակի կոմիտեն կարող է չեղյալ համարել ժամանակավոր գրանցումը, եթե այդ մեկ տարվա ընթացքում նախկին ասոցիացիան հիմնավոր պատճառներ է ներկայացնում՝ բացատրելով, թե ինչու չի պատասխանել համապատասխան ՄՏՍ-ի հարցմանը:

5. Վերոհիշյալ կանոններն ու ընթացակարգը վերաբերում են նաև սիրողական այն ֆուտբոլիստներին, ովքեր, տեղափոխվելով նոր ակումբի ձեռք են բերում պրոֆեսիոնալ կարգավիճակ:

Հոդված 4. Ֆուտբոլիստների վարձակալություն

1. Վերոնշյալ կանոններն ու ընթացակարգը կիրառվում են նաև պրոֆեսիոնալ ֆուտբոլիստին այլ ասոցիացիայի ակումբ վարձակալության տրամադրելու կամ այլ ասոցիացիայի ակումբից վարձակալելու դեպքում:
2. Վարձակալության պայմանագրի ժամկետները պետք է ներկայացվեն ՄՏՍ-ի հարցմանը կից:
3. Վարձակալության ժամկետի ավարտին համապատասխան հարցմամբ ՄՏՍ-ը պետք է վերադարձվի պրոֆեսիոնալ ֆուտբոլիստին վարձակալության տրամադրած ակումբի ասոցիացիային:

**Գլուխ III. Անչափահասների առաջին գրանցումն ու տրանսֆերը
կարգավորող ընթացակարգն ու ակադեմիաներում անչափահաս
ֆուտբոլիստների գրանցումը**

Հոդված 1. Ընդհանուր դրույթներ

1. Մինչև 10 տարեկան ֆուտբոլիստների համար ՄՏՍ չի պահանջվում:
2. Միջազգային տրանսֆեր թույլատրվում է միայն 18 տարին լրացած ֆուտբոլիստին:
Մինչև 18 տարեկան ֆուտբոլիստին չի թույլատրվում տրամադրել միջազգային տրանսֆերային սերտիֆիկատ՝ բացառությամբ հետևյալ դեպքերի.
 - 2.1. Եթե ֆուտբոլիստի ծնողները ոչ ֆուտբոլային դրոպապատճառներով տեղափոխվում են այն երկիր, որտեղ գտնվում է նրա նոր ակումբը,
 - 2.2. Եթե տրանսֆերն իրականացվում է Եվրոպական Միության (ԵՄ) կամ Եվրոպական տնտեսական գոտու (ԵՏԳ) տարածքում, և եթե ֆուտբոլիստը 16-ից 18 տարեկան է: Այս դեպքում նոր ակումբը պետք է բավարարի հետևյալ նվազագույն պահանջները`
 - այն ապահովում է ֆուտբոլիստի համապատասխան ֆուտբոլային կրթությունը և/կամ մարզումները տվյալ երկրի լավագույն ստանդարտներին համապատասխան,
 - ի լրումն ֆուտբոլային կրթության և/կամ մարզումների՝ ակումբը ապահովում է ֆուտբոլիստի ակադեմիական և/կամ դպրոցական և/կամ մասնագիտական կրթությունը, որը թույլ կտա ֆուտբոլիստին պրոֆեսիոնալ գործունեությունը դադարեցնելուց հետո զբաղվել այլ կարիերայով,
 - այն իրականացնում է բոլոր անհրաժեշտ միջոցառումները ֆուտբոլիստի համար հնարավորինս լավագույն պայմաններ ապահովելու նպատակով (հյուրընկալող ընտանիքում կամ ակումբում օպտիմալ կենսական պայմանների ապահովումը, ակումբում ուսուցիչ-դաստիարակի նշանակումը և այլն),
 - նման ֆուտբոլիստ գրանցելիս ակումբը համապատասխան ասոցիացիային տրամադրում է վերահիշյալ պարտավորությունները ստանձնելու մասին ապացույցներ:
- 2.3. Եթե ֆուտբոլիստը բնակվում է պետական սահմանից ոչ ավել, քան 50 կմ հեռավորության վրա, իսկ հարևան ասոցիացիայի ակումբը, որտեղ ֆուտբոլիստը ցանկանում է գրանցվել, ևս գտնվում է այդ սահմանից 50 կմ հեռավորության վրա: Նման դեպքերում ֆուտբոլիստը շարունակում է ապրել իր բնակավայրում, իսկ համապատասխան երկու ասոցիացիաները տալիս են իրենց լիարժեք համաձայնությունը:
Ֆուտբոլիստի բնակավայրի և ակումբի միջև եղած առավելագույն թույլատրելի հեռավորությունը 100 կմ է:
3. Սույն հոդվածի պայմանները վերաբերում են նաև ցանկացած ֆուտբոլիստի, ով նախկինում երբևիցե գրանցված չի եղել որևէ ակումբում, չի հանդիսանում այն երկրի քաղաքացին, որտեղ առաջին անգամ ցանկանում է գրանցվել և շարունակաբար չի ապրել տվյալ երկրում առնվազն վերջին 5 տարիների ընթացքում:

Հոդված 2. Գանձներ

1. Անչափահասի առաջին գրանցման (համաձայն սույն հավելվածի III գլխի 1-ին հոդվածի 3-րդ կետի) կամ միջազգային տրանսֆերի (համաձայն սույն հավելվածի III գլխի 1-ին հոդվածի 2-րդ կետի) ընթացակարգերը ենթակա են իրականացման ՏՀՀ էլեկտրոնային համակարգի միջոցով:

2. Բացառությամբ սույն կանոնակարգում նշված դեպքերի՝ անչափահասի առաջին գրանցումն ու միջազգային տրանսֆերը կարգավորվում են ՖԻՖԱ-ի Ֆուտբոլիստների կարգավիճակի կոմիտեի և Վեճերի լուծման պալատի ընթացակարգային կանոններով (հաշվի առնելով էլեկտրոնային տարբերակով դրանք կատարելու հանգամանքը՝ հնարավոր են աննշան փոփոխություններ):

Հոդված 3. Անդամ ասոցիացիաների պարտականությունները

1. Բոլոր անդամ ասոցիացիաները պետք է պարբերաբար՝ նվազագույնը երեք օրը մեկ, ստուգեն ՏՀՀ էլեկտրոնային համակարգի «Անչափահասներ» բաժինը և անպատասխան չշողնեն իրենց ուղղված ցանկացած հարց կամ հարցում:
2. Անդամ ասոցիացիաներն ամբողջությամբ պատասխանատվություն են կրում համակարգում առաջացած ընթացակարգային ցանկացած թերության համար, որը դիտվում է որպես վերոնշյալ դրույթի խախտում:

Հոդված 4. ՖԻՖԱ-ի ենթակոմիտե

1. Անչափահասի յուրաքանչյուր միջազգային տրանսֆեր (համաձայն 3-րդ հավելվածի III գլխի 1-ին հոդվածի 2-րդ կետի) և յուրաքանչյուր առաջին գրանցում (համաձայն 3-րդ հավելվածի III գլխի 1-ին հոդվածի 3-րդ կետի), ինչպես նաև արտասահմանցի անչափահաս ֆուտբոլիստի առաջին գրանցում, ով շարունակաբար առնվազն վերջին 5 տարիների ընթացքում ապրել է այն երկրում, որտեղ նա ցանկանում է գրանցվել, ենթակա է ՖԻՖԱ-ի Ֆուտբոլիստների կարգավիճակի կոմիտեի կողմից այդ նպատակով ստեղծված ՖԻՖԱ-ի ենթակոմիտեի (այսուհետև՝ ենթակոմիտե) հաստատմանը:
ՖԻՖԱ-ի Ֆուտբոլիստների կարգավիճակի կոմիտեի կողմից նշանակված ենթակոմիտեն բաղկացած է ՖԻՖԱ-ի Ֆուտբոլիստների կարգավիճակի կոմիտեի նախագահից, նախագահի տեղակալից և 9 անդամներից:
Որպես կանոն ենթակոմիտեն որոշումներն ընդունում է առնվազն երեք անդամների ներկայությամբ: Արտակարգ դեպքերում նախագահը կամ նրա կողմից նշանակված անդամը կարող է որոշումներ ընդունել՝ որպես միանձնյա դատավոր:
2. Անչափահասի յուրաքանչյուր միջազգային տրանսֆերի և առաջին գրանցման վերաբերյալ դիմումը ներկայացնում է այն ասոցիացիան, որը ցանկանում է գրանցել տվյալ ֆուտբոլիստին:
Նախկին ասոցիացիային հնարավորություն է ընձեռվում ներկայացնելու իր դիրքորոշումը:
3. Ասոցիացիայի կողմից միջազգային տրանսֆերային սերտիֆիկատ կամ առաջին գրանցում ստանալու նպատակով հարցումը կատարվում է ենթակոմիտեի կողմից ասոցիացիայի դիմումը հաստատելուց հետո:
4. Սույն հոդվածի դրույթների ցանկացած խախտման դեպքում ՖԻՖԱ-ի Կարգապահական կոմիտեի կողմից կիրառվում են համապատասխան պատժամիջոցներ՝ ՖԻՖԱ-ի Կարգապահական կանոնակարգի համաձայն: Պատժամիջոցներ են կիրառվում ինչպես նոր ասոցիացիայի հանդեպ, որը չի դիմել ենթակոմիտեին, այնպես էլ նախկին ասոցիացիայի նկատմամբ, որը միջազգային տրանսֆերային սերտիֆիկատ է տրամադրել առանց ենթակոմիտեի հաստատման:
Պատժամիջոցներ են կիրառվում նաև այն ակումբների նկատմամբ, որոնք համաձայնությամբ են եկել տվյալ անչափահաս ֆուտբոլիստի տրանսֆերի վերաբերյալ (առանց ենթակոմիտեի հաստատման):

Հոդված 5. Ընթացակարգեր

1. Ընթացակարգերի մեջ ներգրավված բոլոր կողմերը պետք է բարեխիղճ գործեն:

2. Ընթացակարգերի մեջ ներգրավված բոլոր կողմերը պարտավոր են ճշմարիտ տեղեկատվություն տրամադրել ենթակումիտեին: Պատժամիջոցներ կարող են կիրառվել այն ասոցիացիայի կամ ակումբի նկատմամբ, որն ենթակումիտեին տրամադրել է սխալ կամ կեղծ տվյալներ կամ օգտագործել է ՏՀՀ համակարգը անօրինական նպատակներով: Ցանկացած տեսակի խախտում (օր.՝ կեղծ փաստաթղթերի տրամադրումը) կենթարկվի համապատասխան պատժամիջոցների ՖԻՖԱ-ի Կարգապահական կումիտեի կողմից՝ համաձայն ՖԻՖԱ-ի Կարգապահական կանոնակարգի:
3. Ենթակումիտեն կարող է օգտագործել իր տրամադրության տակ գտնվող բոլոր միջոցները վերոնշյալ սկզբունքների իրականացումը երաշխավորելու նպատակով:
4. ՖԻՖԱ ՏՀՀ-ն քննում է բոլոր դեպքերը՝ կապված կողմերի՝ սույն հավելվածով սահմանված պարտականությունների հետ: Բոլոր կողմերը պարտավոր են համագործակցել փաստերի պարզաբանման նպատակով: Մասնավորապես, նրանք պարտավոր են ՖԻՖԱ ՏՀՀ-ի կողմից հիմնավոր գոուշացման դեպքում տրամադրել իրենց տրամադրության տակ գտնվող ցանկացած փաստաթուղթ, տեղեկատվություն կամ այլ բնույթի նյութեր: Ի հավելումն՝ կողմերը պարտավոր են տրամադրել իրենց տրամադրության տակ չգտնվող այն փաստաթղթերը, տեղեկատվությունը կամ ցանկացած այլ բնույթի նյութերը, որոնք իրենք իրավասու են ձեռք բերել: ՖԻՖԱ ՏՀՀ-ի կողմից վերոնշյալ հարցումներին չենթարկվելը կարող է հանգեցնել ՖԻՖԱ-ի Կարգապահական կումիտեի կողմից համապատասխան պատժամիջոցների կիրառմանը:

Հոդված 6. Ընթացակարգի սկիզբը, փաստաթղթերի ներկայացումը

1. Անչափահասի առաջին գրանցման (տե՛ս 3-րդ հավելվածի III գլխի 1-ին հոդվածի 3-րդ կետը) կամ միջազգային տրանսֆերի (տե՛ս 3-րդ հավելվածի III գլխի 1-ին հոդվածի 2-րդ կետը) հաստատման նպատակով ներկայացված դիմումը մուտքագրվում է համակարգ տվյալ ասոցիացիայի կողմից: Նշված դրույթով սահմանված դիմումները չեն քննվի, եթե ՏՀՀ համակարգ մուտքագրելու փոխարեն ներկայացվեն այլ միջոցներով:
2. Կախված դիմումի բնույթից՝ ասոցիացիան պարտավորված է նաև ՏՀՀ մուտքագրել հետևյալ փաստաթղթերը՝
 - ֆուտբոլիստի անձն ու ազգությունը հաստատող ապացույց
 - ֆուտբոլիստի ծնողների անձն ու ազգությունը հաստատող ապացույց
 - ֆուտբոլիստի ծննդյան ամսաթվի ապացույց (ծննդյան վկայական)
 - ֆուտբոլիստի աշխատանքային պայմանագիր
 - ֆուտբոլիստի ծնողների աշխատանքային պայմանագիր
 - ֆուտբոլիստի աշխատանքի թույլտվություն
 - ֆուտբոլիստի ծնողների աշխատանքի թույլտվություն
 - ֆուտբոլիստի բնակության վայրի մասին ապացույց
 - ֆուտբոլիստի ծնողների բնակության վայրի մասին ապացույց
 - փաստաթղթեր ակադեմիական կրթություն ստանալու վերաբերյալ
 - փաստաթղթեր ֆուտբոլային կրթություն ստանալու վերաբերյալ
 - բնակության, խնամակալության փաստաթղթեր
 - ծնողների լիազորագիր
 - հեռավորության վերաբերյալ ապացույց, 50 կմ-ի կանոնը (տե՛ս 3-րդ հավելվածի III գլխի 2-րդ հոդվածի 2.3. կետը)
 - նախկին ասոցիացիայի համաձայնության ապացույց
 - առաջին գրանցման/ միջազգային տրանսֆերի հաստատման մասին պաշտոնական հարցում

3. Եթե որևէ պարտադիր փաստաթուղթ կամ համաձայն ներքոհիշյալ 8-րդ հոդվածի՝ թարգմանություն և/կամ պաշտոնական հաստատում բացակայում է համակարգում, ապա ենթակումիտեն այդ մասին տեղեկացնում է դիմող ասոցիացիային:
Դիմումին ընթացք է տրվում միայն այն դեպքում, եթե բոլոր պարտադիր փաստաթղթերը կամ 8-րդ հոդվածով ամրագրված բոլոր անհրաժեշտ թարգմանություններն ու պաշտոնական հաստատումները պատշաճ կերպով ներկայացվել են:
4. Անհրաժեշտության դեպքում դիմող ասոցիացիան դիմումի հետ մեկտեղ կարող է ներկայացնել նաև այլ փաստաթղթեր: Ենթակումիտեն ցանկացած ժամանակ կարող է պահանջել հավելյալ փաստաթղթեր:

Հոդված 7. Նախկին ասոցիացիայի հաստատումը (դիրքորոշումը)

1. Անչափահասի առաջին գրանցման կամ միջազգային տրանսֆերի դիմումը ստանալուն պես՝ ենթակումիտեն հնարավորություն է ընձեռում նախկին ասոցիացիային ծանոթանալու համակարգում առկա բոլոր ոչ կոնֆիդենցիալ փաստաթղթերին:
Նախկին ասոցիացիան համակարգ է մուտքագրում իր դիրքորոշումը 7 օրվա ընթացքում: Անհրաժեշտության դեպքում վերջինս ևս կարող է հավելյալ փաստաթղթեր մուտքագրել համակարգ:
2. Եթե նախկին ասոցիացիան չի մուտքագրում որևէ դիրքորոշում, ապա ենթակումիտեն որոշում է կայացնում առկա փաստաթղթերի հիման վրա:

Հոդված 8. Փաստաթղթերի լեզուն

Եթե ներկայացվող փաստաթուղթը ՖԻՖԱ-ի չորս պաշտոնական լեզուներից որևէ մեկով առկա չէ, ապա ասոցիացիան պարտավոր է ներկայացնել կամ տվյալ փաստաթղթի թարգմանությունը, կամ տվյալ փաստաթղթերի հիմնական բովանդակությունն ամփոփող պաշտոնական հաստատում ՖԻՖԱ-ի չորս պաշտոնական լեզուներից մեկով: Այս կարգը խախտելու դեպքում, համաձայն սույն գլխի 6-րդ հոդվածի 3-րդ կետի, ենթակումիտեն կարող է հաշվի չառնել քննության մեջ գտնվող հարցը:

Հոդված 9. Վերջնաժամկետները

SՀՀ համակարգում հաստատված վերջնաժամկետները ունեն իրավական ուժ: Վերջնաժամկետները սահմանված կարգով տեղադրվում են համակարգում: Փաստաթղթերը մուտքագրվում են SՀՀ՝ հաշվի առնելով տվյալ երկրի ժամային գոտով պայմանավորված վերջնաժամկետը:

Հոդված 10. Որոշումների ծանուցումը, բողոք ներկայացնելու կարգը

1. Կողմերը տեղեկացվում են ենթակումիտեի որոշման մասին SՀՀ համակարգի միջոցով: Ծանուցումը համարվում է ամբողջական, երբ որոշումը մուտքագրվում է համակարգ: Նման կարգով որոշումների ծանուցումը պարտադիր է:
2. Որոշումը ծանուցվում է կողմերին: Կողմերը ծանուցումը ստանալուց հետո տասնօրյա ժամկետում իրավունք ունեն SՀՀ-ի միջոցով գրավոր կերպով բողոքարկելու որոշումը: Վերը նշված ժամանակահատվածում բողոք չներկայացնելու դեպքում, ենթակումիտեի որոշումը մտնում է ուժի մեջ:
Որոշման բողոքարկման դեպքում ենթակումիտեն, քննելով ներկայացրած բողոքը, հիմնավորված որոշում է կայացնում, որի մասին կողմերը տեղեկացվում են գրավոր ձևով SՀՀ միջոցով:
Բողոքարկման ժամկետի հաշվարկը սկսում է որոշման մասին ծանուցումը ստանալու պահից սկսած:

Հոդված 11. Ակադեմիաներում անչափահաս ֆուտբոլիստների գրանցումը

1. Այն ակումբները, որոնց կից գործում են վերջիններիս հետ իրավաբանորեն, ֆինանսապես կամ դե ֆակտո կապված ակադեմիաներ, պարտավոր են ակադեմիա հաճախող բոլոր անչափահասների ցուցակները տրամադրել ՀՖՖ-ին:
2. Յուրաքանչյուր ասոցիացիա պարտավոր է ապահովել, որպեսզի որևէ ակումբի հետ իրավաբանորեն, ֆինանսապես կամ դե ֆակտո կապ չունեցող բոլոր ակադեմիաները՝
 - ա) ներկայացնեն տվյալ ազգային առաջնություններին մասնակցող որևէ ակումբ. բոլոր ֆուտբոլիստները գրանցվում են ՀՖՖ-ում կամ հենց տվյալ ակումբում, կամ՝
 - բ) մարզվելու նպատակով ակադեմիա հաճախող բոլոր անչափահասների ցուցակները տրամադրվեն ՀՖՖ-ին:
3. Յուրաքանչյուր ասոցիացիա գրանցում է անչափահասներին (նշվում են նրանց անուններն ու ծննդյան ամսաթվերը)՝ հիմնվելով ակումբների և ակադեմիաների տրամադրած տվյալների վրա:
4. Ակադեմիաներն ու նրանց ֆուտբոլիստները գրանցվելուց հետո պարտավորվում են ծավալել ֆուտբոլային գործունեություն՝ համաձայն ՖԻՖԱ-ի և ՀՖՖ-ի կանոնադրությունների՝ հարգելով և զարգացնելով կազմակերպված ֆուտբոլի բարոյական սկզբունքները:
5. Համաձայն ՖԻՖԱ-ի Կարգապահական կանոնակարգի՝ սույն դրույթի ցանկացած խախտման դեպքում ՖԻՖԱ-ի Կարգապահական կոմիտեի կողմից կիրառվում են պատժամիջոցներ:
6. Սույն կանոնակարգի 3-րդ հավելվածի III գլխի դրույթների պահանջները վերաբերում են նաև բոլոր այն անչափահաս ֆուտբոլիստների գրանցմանը, որոնք չեն հանդիսանում տվյալ երկրի քաղաքացի, որտեղ ցանկանում են գրանցվել:

Գլուխ IV. Ներքին տեղափոխությունը կարգավորող ընթացակարգ

Հոդված 1. Կանոններ

1. ՀՖՖ որևէ ակումբում գրանցված ֆուտբոլիստն իրավունք չունի խաղալու մեկ այլ ակումբի կազմում, քանի դեռ նախկին ակումբը չի տրամադրել համաձայնությունը, իսկ նոր ակումբը չի գրանցել (վերագրանցել) տվյալ ֆուտբոլիստին՝ համաձայն սույն հավելվածի դրոյթների:
2. Ներքին տեղափոխության դեպքում ֆուտբոլիստը պետք է գրանցվի (վերագրանցվի) նոր ակումբում սույն կանոնակարգի III գլխում սահմանված դրոյթների համապատասխան:
3. Պրոֆեսիոնալ ֆուտբոլիստի տեղափոխության դեպքում նախկին ակումբը կարող է համաձայնություն չտալ, եթե իր և ֆուտբոլիստի միջև պայմանագրային վեճ է ծագել: Այս դեպքում պրոֆեսիոնալ ֆուտբոլիստը, նախկին ակումբը և/կամ նոր ակումբը լիազորված են բողոք ներկայացնելու ՀՖՖ: Այնուհետև ՀՖՖ-ն 10 օրվա ընթացքում որոշում կկայացնի ֆուտբոլիստին գրանցելու (վերագրանցելու) և նրա նկատմամբ մարզական պատժամիջոցներ կիրառելու վերաբերյալ: Ամեն դեպքում, պատժամիջոցներ կիրառելու վերաբերյալ որոշումը պետք է ընդունվի նախքան գրանցելը, իսկ գրանցումը չպետք է խոչընդոտի պայմանագրի խզման հետևանքով առաջացած փոխհատուցում ստանալու իրավունքին:
4. Ֆուտբոլիստի և նախկին ակումբի միջև պարտք ու պահանջի առկայությունը չի կարող արգելք հանդիսանալ ֆուտբոլիստի ներքին տեղափոխության և վերագրանցման համար:
5. Ներքին տեղափոխության դեպքում գրանցման դիմումի հետ մեկտեղ պետք է ներկայացվեն մարզումային փոխհատուցման վճարը հաստատող փաստաթղթերը (վճարման հանձնարարականի պատճենը և ստացված գումարի վերաբերյալ նախկին ակումբի կողմից լրացված ձևաթուղթը):
6. Ֆուտբոլիստի գրանցումը կարող է չեղյալ համարվել ՀՖՖ-ի Վեճերի լուծման պալատի որոշմամբ:

ՀԱՎԵԼՎԱԾ 4. Մարզումային փոխհատուցում

Հոդված 1. Մարզումային փոխհատուցումը

1. Ֆուտբոլիստի մարզման և ուսուցման գործընթացը տեղի է ունենում 12-23 տարեկան հասակում: Մարզումային փոխհատուցումը ենթակա է վճարման սույն կանոնակարգի 20-րդ և 21-րդ հոդվածներում նշված դեպքերում մինչև 23 տարեկան ֆուտբոլիստի համար՝ մինչև նրա 21 տարին լրանալը մարզման և ուսուցման համար կատարված ներդրումների հաշվարկով:
2. Մարզումային փոխհատուցում վճարելու պարտավորությունը պայմանավորված չէ պայմանագրի դադարեցման հետևանքով առաջացած որևէ պարտավորությամբ (այդ թվում նաև փոխհատուցմամբ):

Հոդված 2. Պրոֆեսիոնալ ֆուտբոլիստի մարզումային փոխհատուցման վճարումը

1. Մարզումային փոխհատուցում պետք է վճարվի պրոֆեսիոնալ ֆուտբոլիստին մարզած, կրթած ակումբին (ակումբներին)

ա) եթե ֆուտբոլիստը ստորագրում է իր առաջին պրոֆեսիոնալ պայմանագիրը,
բ) երբ պրոֆեսիոնալ ֆուտբոլիստը տեղափոխվում է մի ակումբից մյուսը (պայմանագրի ընթացքում կամ ավարտից հետո) մինչև իր 23 տարեկանը լրանալու մրցաշրջանի ավարտը:

2. Պրոֆեսիոնալ ֆուտբոլիստի համար մարզումային փոխհատուցում չի վճարվում՝

ա) եթե նախկին ակումբն առանց որևէ հիմնավոր դրդապատճառի դադարեցրել է պայմանագիրը (պահպանվում են նախորդ ակումբի իրավունքները),
բ) եթե ֆուտբոլիստը տեղափոխվում է 4-րդ կարգի ակումբ,
գ) եթե պրոֆեսիոնալ ֆուտբոլիստը տեղափոխվելիս կրկին ստանում է սիրողական կարգավիճակ,
դ) եթե պրոֆեսիոնալ ֆուտբոլիստը տեղափոխվում է այլ ակումբ իր 23 տարեկանը լրանալու մրցաշրջանի ավարտից հետո,
ե) եթե պրոֆեսիոնալ ֆուտբոլիստը չի մասնակցել կազմակերպված ֆուտբոլին տեղափոխությանը նախորդող առնվազն երկու մրցաշրջանների ընթացքում:

Հոդված 3. Սիրողական ֆուտբոլիստի մարզումային փոխհատուցման վճարումը

1. Մարզումային փոխհատուցում պետք է վճարվի 12 տարին լրացած սիրողական ֆուտբոլիստին մարզած, կրթած ակումբին (ակումբներին)

ա) եթե սիրողական ֆուտբոլիստը փոխում է իր կարգավիճակը (դառնում է պրոֆեսիոնալ),
բ) երբ սիրողական ֆուտբոլիստը տեղափոխվում է մի ակումբից մյուսը, մինչև իր 23 տարեկանը լրանալու մրցաշրջանի ավարտը:

2. Սիրողական ֆուտբոլիստի համար մարզումային փոխհատուցում չի վճարվում՝

ա) եթե ֆուտբոլիստի 12 տարին չի լրացել,
բ) եթե ֆուտբոլիստը տեղափոխվում է 4-րդ կարգի ակումբ,
գ) եթե ֆուտբոլիստը չի մասնակցել կազմակերպված ֆուտբոլին տեղափոխությանը նախորդող առնվազն երկու մրցաշրջանների ընթացքում,
դ) եթե ֆուտբոլիստը տեղափոխվում է այլ ակումբ իր 23 տարեկանը լրանալու տարեդարձի մրցաշրջանի ավարտից հետո (նույնիսկ իր առաջին պրոֆեսիոնալ պայմանագիրը ստորագրելու դեպքում):

3. Սիրողական ֆուտբոլիստի համար մարզումային փոխհատուցում վճարվում է՝ անկախ այն հանգամանքից, թե տեղափոխությունը կատարվել է սիրողական ֆուտբոլիստի և/կամ ակումբի նախաձեռնությամբ:
4. Սիրողական ֆուտբոլիստի մարզումային փոխհատուցումը վճարելու պարտավորությունը որևէ պատճառաբանությամբ չի կարող դրվել նրա ծնողների և/կամ երրորդ անձի վրա:
5. Առանձին դեպքերում, երբ սիրողական ֆուտբոլիստի տեղափոխությունը հետևանք է նախկին ակումբի կողմից ոչ մարզական, հակամանկավարժական և այլ անթույլատրելի դրսևորումների, ՀՖՖ-ի Վեճերի լուծման պալատը իրավասու է որոշում կայացնելու մարզումային փոխհատուցում չվճարելու վերաբերյալ:

Հոդված 4. Մարզումային փոխհատուցում վճարելու պարտավորությունը

1. Երբ ֆուտբոլիստն առաջին անգամ գրանցվում է իբրև պրոֆեսիոնալ, ապա նրան գրանցող ակումբը պարտավոր է 30-օրյա ժամկետում մարզումային փոխհատուցում վճարել բոլոր այն ակումբներին, որտեղ գրանցված է եղել ֆուտբոլիստը (համաձայն ֆուտբոլիստի անձնագրում նկարագրված կարիերայի պատմության)՝ սկսած նրա 12 տարին լրանալու մրցաշրջանից: Ակումբին (ակումբներին) վճարման ենթակա գումարները հաշվարկվում են համամասնության սկզբունքով՝ համաձայն տվյալ ակումբում ֆուտբոլիստի մարզման ժամանակահատվածի: Գրանցող ակումբը պարտավոր է վճարման հանձնարարագիրը/հանձնարարագրերը (փոխանցում) ներկայացնել ՀՖՖ վերը նշված 30-օրյա ժամկետում:
2. Պրոֆեսիոնալ ֆուտբոլիստի տեղափոխության դեպքում մարզումային փոխհատուցում պետք է վճարվի միայն նրա նախկին ակումբին՝ տվյալ ակումբում ֆուտբոլիստի արդյունավետ մարզման ժամանակահատվածի համար:
3. Սիրողական ֆուտբոլիստին գրանցել ցանկացող ակումբը պարտավոր է մարզումային փոխհատուցում վճարել ֆուտբոլիստի նախկին ակումբին՝ տվյալ ակումբում ֆուտբոլիստի արդյունավետ մարզման ժամանակահատվածի համար: Վճարման հանձնարարագիրը (փոխանցում) ներկայացվում է ՀՖՖ գրանցման դիմումի հետ միասին:
4. Մարզումային փոխհատուցումը ենթակա է վճարման ՀՖՖ-ին մանկապատանեկան ֆուտբոլի զարգացման ծրագրերի իրագործման նպատակով՝

ա) ներքին տեղափոխության դեպքում, երբ պրոֆեսիոնալ ֆուտբոլիստին առաջին անգամ գրանցող ակումբի և նրան մարզած, կրթած որևէ ակումբի (ակումբների) միջև կապ չի հաստատվում կամ այդ ակումբը (ակումբները) ի հայտ չի գալիս ֆուտբոլիստի գրանցման 3 ամիսների ընթացքում,

բ) երբ ֆուտբոլիստին մարզած, կրթած ակումբը երկու անընդմեջ խաղաշրջանների ընթացքում դադարեցրել է ֆուտբոլային գործունեությունը և չի մասնակցում կազմակերպված ֆուտբոլին:

Փոխհատուցում ստանալու իրավունքը վերականգնվում է ֆուտբոլային գործունեությունը վերսկսելու դեպքում:

5. Միջազգային տրանսֆերի դեպքում (պրոֆեսիոնալ ֆուտբոլիստի), եթե ֆուտբոլիստին գրանցող ակումբի և նրան մարզած, կրթած որևէ ակումբի (ակումբների) միջև կապ չի հաստատվում կամ այդ ակումբը (ակումբները) ի հայտ չեն գալիս ֆուտբոլիստի գրանցված լինելու 18 ամիսների ընթացքում, ապա մարզումային փոխհատուցումը վճարվում է այն երկրի (երկրների) ասոցիացիային (ասոցիացիաներին), որտեղ պրոֆեսիոնալը մարզվել է՝ մանկապատանեկան ֆուտբոլի զարգացման ծրագրերի իրագործման նպատակով:

6. Մարզումային փոխհատուցման բոլոր վճարումները պետք է կատարվեն միայն փոխանցման կարգով՝ հաշվեհամարից հաշվեհամար: Մարզումային փոխհատուցման կանխիկ վճարումներն ակումբների միջև արգելվում են:

Հոդված 5. Մարզումային ծախսեր

1. Մարզումային ծախսերը ֆուտբոլիստների մարզումը և զարգացումն ապահովելու նպատակով ակումբի կողմից տարեկան կտրվածքով կատարած ուղղակի ներդրումներն են՝ «ֆուտբոլիստի գործոն»-ի միջին հաշվարկով: «Ֆուտբոլիստի գործոն»-ը ընդհանուր մարզվողների և պատրաստված պրոֆեսիոնալ ֆուտբոլիստների քանակի հարաբերակցությունն է:
2. Միջազգային տրանսֆերի դեպքում մարզումային փոխհատուցումը հաշվարկվելու նպատակով ակումբները, ըստ մարզումային ծախսերի, ՖԻՖԱ-ի կողմից դասակարգված են 4 կատեգորիաների, որը հրապարակված է ՖԻՖԱ-ի վեբկայքում և սույն կանոնակարգի 7-րդ հավելվածում: Ակումբների կատեգորիաները նորացվում են յուրաքանչյուր տարվա վերջում: Ասոցիացիաները պարտավոր են պարբերաբար նորացնել S22 մուտքագրած իրենց ակումբների մարզումային կատեգորիաները:
3. Ներքին տեղափոխությունների համար ՀՖՖ ակումբները, ըստ մարզումային ծախսերի (դրույքաչափերի), ՀՖՖ-ի կողմից դասակարգված են ևս 4 կատեգորիաների, որը նույնպես հրապարակված է սույն կանոնակարգի 7-րդ հավելվածում:
4. Ակումբների դասակարգումը և մարզումային ծախսերը անհրաժեշտության դեպքում կարող են վերանայվել յուրաքանչյուր օրացուցային տարվա վերջում շահագրգիռ ակումբի համապատասխան դիմումի քննարկման արդյունքում:
5. Ներքին տեղափոխությունների համար նոր ընդգրկվող ակումբի կարգը որոշվում է ըստ առաջնությունների մասնակցության՝ Առաջին խմբի առաջնությանը՝ 3-րդ կատեգորիա, մանկապատանեկան առաջնություններին՝ 4-րդ կատեգորիա: Ակումբի կարգը շնորհվում է ՀՖՖ ֆուտբոլիստների կարգավիճակի և տեղափոխության կոմիտեի որոշմամբ:
6. Ակումբը, որը 3 տարի շարունակ չի զբաղվել կազմակերպված ֆուտբոլով, կորցնում է իր կարգը և հանվում է ՀՖՖ գրանցումից:

Հոդված 6. Մարզումային փոխհատուցման հաշվարկը

1. Ֆուտբոլիստի նախկին ակումբին վճարվելիք մարզումային փոխհատուցումը հաշվարկվում է ֆուտբոլիստի նախկին ակումբում գրանցված լինելու ամբողջ ժամանակահատվածի համար ըստ տարիների, ամեն տարվա համար առանձին:
2. Յուրաքանչյուր փոխհատուցման վճարի հաշվարկ կատարվում է հետևյալ կարգով՝
 - եթե ֆուտբոլիստի գրանցման ժամանակահատվածը նախկին ակումբում տվյալ տարում կազմում է մինչև 92 օր, ապա փոխհատուցման գումարը հաշվարկվում է որպես նոր ակումբի կարգի համապատասխան տարեկան դրույքաչափի 1/4-ը:
 - եթե ֆուտբոլիստի գրանցման ժամանակահատվածը նախկին ակումբում տվյալ տարում կազմում է 93-ից 184 օր, ապա փոխհատուցման գումարը հաշվարկվում է որպես նոր ակումբի կարգի համապատասխան տարեկան դրույքաչափի 1/2-ը:
 - եթե ֆուտբոլիստի գրանցման ժամանակահատվածը նախկին ակումբում տվյալ տարում կազմում է 185-ից 276 օր, ապա փոխհատուցման գումարը հաշվարկվում է որպես նոր ակումբի կարգի համապատասխան տարեկան դրույքաչափի 3/4-ը:
 - եթե ֆուտբոլիստի գրանցման ժամանակահատվածը նախկին ակումբում տվյալ տարում կազմում է 277-ից 366 օր, ապա փոխհատուցման գումարը հաշվարկվում է որպես նոր ակումբի կարգի համապատասխան մեկ տարվա դրույքաչափ:

Ամբողջությամբ ֆուտբոլիստի մարզումային փոխհատուցման գումարը հաշվարկվում է տարեկան գումարների գումարմամբ:

3. Երիտասարդ ֆուտբոլիստների մարզումային փոխհատուցման անհիմն բարձր գումարներից խուսափելու համար, 12-15տ. ընթացքում (4 խաղաշրջան) նրանց մարզումային ծախսերը հաշվարկվում են 4-րդ կարգի ակումբների դրույքաչափի համապատասխան: Բացառություն են կազմում այն դեպքերը, երբ ֆուտբոլիստի տեղափոխությունը կատարվում է մինչև նրա 18 տարին լրանալը, որի դեպքում 12-15տ. ընթացքում ֆուտբոլիստի փոխհատուցման գումարը հաշվարկվում է՝ ըստ նոր ակումբի կարգի դրույքաչափի:
4. Ֆուտբոլիստին առաջին անգամ որպես պրոֆեսիոնալ գրանցելիս գրանցող ակումբը պարտավոր է մարզումային փոխհատուցում վճարել բոլոր այն ակումբներին, որոնք մարզել, կրթել են սովյալ ֆուտբոլիստին: Փոխհատուցումը հաշվարկվում է ակումբում գրացված ժամանակահատվածի համար հետևյալ կերպ՝

ա) 12-ից մինչև 15 տարեկան դառնալու տարին՝ 4-րդ կարգի ակումբի դրույքաչափով,

բ) 16-ից մինչև 21 տարեկան դառնալը՝ նոր ակումբի կարգին համապատասխան դրույքաչափով:

5. Երբ նախկին և նոր ակումբները պայմանավորվել են պրոֆեսիոնալ ֆուտբոլիստի տեղափոխության վերաբերյալ, ապա տեղափոխման գումարը չի կարող լինել պակաս, քան մարզումային փոխհատուցման գումարը:
6. ՀՖՖ-ն/ՖԻՖԱ-ն կարող է քննարկել վճարման ենթակա մարզումային փոխհատուցման գումարի չափին վերաբերող վեճերը և հստակեցնել այդ գումարը, եթե ակնհայտ է, որ այն չի համապատասխանում քննարկվող դեպքին:

Հոդված 7. Մարզումային փոխհատուցման (Հոդված 20) և համերաշխության վճարների (Հոդված 22) վերաբերյալ հայցերի ընթացակարգ

1. Կանոններ

1. Մարզումային փոխհատուցման (համաձայն սույն կանոնակարգի 20-րդ հոդվածի) և համերաշխության վճարների (համաձայն սույն կանոնակարգի 22-րդ հոդվածի) հետ կապված բոլոր հայցերը պետք է մուտքագրվեն ՏՀՀ և կարգավորվեն ՏՀՀ համակարգի միջոցով: Հայցը մուտքագրվում է համակարգ ՏՀՀ-ին մասնակից պրոֆեսիոնալ ակումբի կողմից, իսկ եթե պրոֆեսիոնալ ակումբը ՏՀՀ-ին մասնակից ակումբ չէ կամ սիրողական ակումբ է, ապա՝ ՀՖՖ-ի կողմից:
2. Եթե այլ բան նախատեսված չէ ներքոնշյալ դրույթներով, հայցերի ընթացակարգերը կարգավորվում են ՖԻՖԱ-ի Ֆուտբոլիստների կարգավիճակի կոմիտեի և Վեճերի լուծման պալատի ընթացակարգերը կարգավորող կանոններով, որոնք, հաշվի առնելով գործընթացն էլեկտրոնային դարձնելու հանգամանքը, կարող են ենթարկվել չնչին փոփոխությունների:

2. Ակումբների և ՀՖՖ պատասխանատվություն

1. ՀՖՖ-ն և իր պրոֆեսիոնալ ակումբները պետք է պարբերաբար, առնվազն երեք օրը մեկ, ստուգեն ՏՀՀ համակարգի, «Հայցեր» բաժինը և հատուկ ուշադրություն դարձնեն ցանկացած հայցի կամ դիրքորոշում ներկայացնելու հարցման վրա:
2. ՀՖՖ-ն և իր պրոֆեսիոնալ ակումբներն ամբողջովին պատասխանատվություն են կրում վերոնշյալ առաջին դրույթը խախտելու դեպքում ծագած ցանկացած ընթացակարգային թերության համար:

3. ՖԻՖԱ-ի ենթակումիտեի կազմը

ՖԻՖԱ-ի Վեճերի լուծման պալատի (ՎԼՊ) կողմից նշանակված ենթակումիտեն կազմված է ՎԼՊ անդամներից, որոնցից յուրաքանչյուրը, որպես կանոն, կարող է որոշում կայացնել՝ որպես միանձնյա դատավոր:

4. Ընթացակարգերի ժամանակ դրսևորվող վարքագիծ

1. Բոլոր ներգրավված կողմերը պետք է դրսևորեն բարի կամք:
2. Ընթացակարգերի մեջ ներգրավված կողմերը պարտավոր են ասել ճշմարտությունը ենթակումիտեին: Ենթակումիտեին կեղծ տվյալներ տրամադրելու կամ ՏՀՀ համակարգն անօրինական նպատակներով օգտագործելու դեպքում ցանկացած ասոցիացիայի կամ ակումբի հանդեպ կարող են կիրառվել պատժամիջոցներ: ՖԻՖԱ-ի Կարգապահական կումիտեն, համաձայն ՖԻՖԱ-ի Կարգապահական կանոնակարգի, պատժամիջոցներ կկիրառի ցանկացած խախտման կամ կեղծ փաստաթուղթ ներկայացնելու համար:
3. Ենթակումիտեն կարող է օգտագործել իր տնօրինման տակ գտնվող ցանկացած միջոց՝ նշված վարքագծի կանոնները պահպանելու համար:
4. ՖԻՖԱ ՏՀՀ-ն կուսումնասիրի սույն հավելվածում սահմանված կողմերի պարտավորությունների հետ կապված հարցերը: Բոլոր կողմերը պարտավոր են համագործակցել փաստերը հաստատելու նպատակով: Մասնավորապես, հարցման դեպքում նրանք պարտավոր են տրամադրել իրենց տնօրինման տակ գտնվող ցանկացած փաստաթուղթ, տեղեկատվություն կամ ցանկացած այլ բնույթի նյութեր:
Ի հավելումն կողմերը պետք է ձեռք բերեն և տրամադրեն իրենց տնօրինման տակ չգտնվող այն փաստաթղթերը, տեղեկատվությունը և ցանկացած այլ բնույթի նյութերը, որոնք իրենք իրավասու են ունենալ: ՖԻՖԱ-ի Կարգապահական կումիտեն պատժամիջոցներ կկիրառի ՖԻՖԱ ՏՀՀ-ի նշված հարցումներն անպատասխան թողնելու ու դրանց չենթարկվելու դեպքում:

5. Ընթացակարգերի սկիզբ և մարզումային փոխհատուցման հետ կապված հայցերին վերաբերող փաստաթղթերի տրամադրում

1. Վերոնշյալ առաջին հոդվածի առաջին կետի համաձայն՝ մարզումային փոխհատուցման հետ կապված հայցը (հոդված 20 և հավելված 4) մուտքագրվում է ՏՀՀ համակարգ համապատասխան մասնակից կողմի միջոցով: Վերոնշյալ դրույթի ներքո այլ միջոցներով ներկայացված դիմումները ճանաչվում են անվավեր:
2. Ընթացիկ բողոքի մանրամասներից կախված՝ հայցվորը պետք է պարտադիր կերպով կա՛մ անձամբ, կա՛մ ՀՖՖ-ի միջոցով (եթե ՏՀՀ համակարգին մասնակից ակումբ չէ) ՏՀՀ մուտքագրի հատուկ փաստաթղթեր հետևյալ ցուցակից՝

- կողմերի անունները,
- գործի մանրամասների ներկայացում և հիմքեր հայցի համար,
- հայցվող գումարի չափը,
- պատասխանող ակումբի կատեգորիան (I, II, III կամ IV),
- հայցվորի անդամ ասոցիացիայի կողմից տրամադրված պաշտոնական հաստատում սպորտային մրցաշրջանի սկզբի և ավարտի օրերի վերաբերյալ (օր.՝ հուլիսի 1-ից մինչև հաջորդ տարվա հունիսի 30-ը) այն ժամանակահատվածի ընթացքում, երբ ֆուտբոլիստը գրանցված էր հայցվոր ակումբում,
- կարիերայի ամբողջական պատմություն (ներգրավված ասոցիացիաներից ստացված ֆուտբոլիստի բոլոր ֆուտբոլային անձնագրերը [տե՛ս ՀՖՖ Ֆուտբոլիստների կարգավիճակի և տեղափոխության կանոնակարգի 7-րդ հոդվածը]), ներառյալ ֆուտբոլիստի ծննդյան ամսաթիվը, այն բոլոր ակումբների անունները, որտեղ

- ֆուտբոլիստը գրանցված է եղել սկսած իր 12 տարեկանը լրանալու մրցաշրջանից մինչև պատասխանող ակումբում գրանցվելը՝ հաշվի առնելով հնարավոր ընդհատումները, ինչպես նաև նշելով տվյալ բոլոր ակումբներում ֆուտբոլիստի ունեցած կարգավիճակը (սիրողական թե պրոֆեսիոնալ),
- ֆուտբոլիստի՝ առաջին անգամ որպես պրոֆեսիոնալ գրանցվելու ամսաթվի մասին հստակ տեղեկատվություն (օր/ամիս/տարի),
 - հստակ տեղեկատվություն ֆուտբոլիստի տեղափոխության ամսաթվի մասին (օր/ամիս/տարի), որի վրա հիմնված է հայցը (եթե հայցը, իրոք, հիմնված է պրոֆեսիոնալ ֆուտբոլիստի հաջորդ տեղափոխության վրա),
 - նախապես արված ծախսերի վճարման մասին ապացույց կամ այն մասին, որ նման ծախսերի համար պետք չէ վճարել,
 - հայցվորի անդամ ասոցիացիայի կողմից հայցվոր ակումբի կատեգորիայի պաշտոնական հաստատում (եթե ֆուտբոլիստը տեղափոխվում է ԵՄ/ԵՏԳ գոտու ներսում, տե՛ս ՖԻՖԱ-ի Ֆուտբոլիստների կարգավիճակի և տեղափոխության կանոնակարգի (այսուհետ՝ ՖԻՖԱ-ի կանոնակարգ) 4-րդ հավելվածի 6-րդ հոդվածը),
 - ապացույց փաստաթղթի տեսքով համաձայն ՖԻՖԱ-ի կանոնակարգի 4-րդ հավելվածի 6-րդ հոդվածի 3-րդ կետի, եթե ֆուտբոլիստը տեղափոխվում է ԵՄ/ԵՏԳ գոտու ներսում (տե՛ս հավելված 4, հոդված 6),
 - ապացույց փաստաթղթի տեսքով՝ համաձայն ՖԻՖԱ-ի կանոնակարգի 4-րդ հավելվածի 3-րդ հոդվածի 3-րդ կետի (եթե հայցվորն ասոցիացիա է),
 - լիազորագիր (եթե կիրառելի է):
3. Եթե պարտադիր համարվող փաստաթուղթը կամ դրա թարգմանությունը չի մուտքագրվում համակարգ՝ համաձայն ներքոնշյալ 8-րդ հոդվածի, ապա հայցվորը ծանուցում է ստանում ՏՀՀ համակարգում: Հայցին ընթացք է տրվում միայն այն ժամանակ, երբ բոլոր պարտադիր համարվող փաստաթղթերը կամ թարգմանությունները մուտքագրվում են ՏՀՀ համակարգ՝ համաձայն ներքոնշյալ 8-րդ հոդվածի:
4. Հայցվորը կարող է նաև հայցի հետ միասին համակարգ մուտքագրել այլ փաստաթղթեր, որոնք անհրաժեշտ է համարում: Ենթակումիտեն ցանկացած ժամանակ կարող է հայցվորից պահանջել հավելյալ փաստաթղթեր:
5. Սիրողական ակումբների հայցերը պետք է համակարգ մուտքագրվեն ՀՖՖ-ի կողմից:

6. Ընթացակարգերի սկիզբ և համերաշխության վճարների հետ կապված հայցերին վերաբերող փաստաթղթերի տրամադրում

1. Վերոնշյալ առաջին հոդվածի առաջին կետի համաձայն՝ համերաշխության վճարների հետ կապված հայցը (հոդված 22 և հավելված 5) մուտքագրվում է ՏՀՀ համակարգ համապատասխան մասնակից կողմի միջոցով: Վերոնշյալ դրույթի ներքո այլ միջոցներով ներկայացված դիմումները կձանաչվեն անվավեր:
2. Ընթացիկ բողոքի մանրամասներից կախված՝ հայցվորը պետք է պարտադիր կերպով կա՛մ անձամբ, կա մ՝ ՀՖՖ միջոցով (եթե ՏՀՀ համակարգին մասնակից ակումբ չէ) ՏՀՀ մուտքագրի հատուկ փաստաթղթեր հետևյալ ցուցակից՝
 - կողմերի անունները,
 - գործի մանրամասների ներկայացում և հիմքեր հայցի համար,
 - տեղեկատվություն ֆուտբոլիստի տեղափոխության հստակ ամսաթվի մասին (օր/ամիս/տարի), որի վրա հիմնված է հայցը,
 - տեղեկատվություն ֆուտբոլիստի տեղափոխության մեջ ներգրավված ակումբների մասին, որի վրա հիմնված է հայցը,

- հայցված համերաշխության վճարի տոկոսը,
 - հայցվորի անդամ ասոցիացիայի կողմից տրամադրված պաշտոնական հաստատում սպորտային մրցաշրջանի սկզբի և ավարտի օրերի վերաբերյալ (օր.՝ հուլիսի 1-ից մինչև հաջորդ տարվա հունիսի 30-ը) այն ժամանակահատվածի ընթացքում, երբ ֆուտբոլիստը գրանցված էր հայցվոր ակումբում,
 - համապատասխան ասոցիացիայից գրավոր հաստատում հայցվոր ակումբում ֆուտբոլիստի գրանցման հստակ ամսաթվերի վերաբերյալ, այսինքն՝ որ ամսաթվից մինչև որ ամսաթիվը (օր/ամիս/տարի), հաշվի առնելով նաև հնարավոր ընդմիջումները, ներառյալ ֆուտբոլիստի ծննդյան ամսաթիվը, ինչպես նաև նշելով հայցվոր ակումբում ֆուտբոլիստի կարգավիճակը (սիրողական կամ պրոֆեսիոնալ),
 - ֆուտբոլիստի՝ նոր ակումբ տեղափոխվելու համար հաստատված գումարի չափը (եթե հայտնի է) կամ պաշտոնական հայտարարություն այն մասին, որ գումարի չափը դեռ հայտնի չէ,
 - նախապես արված ծախսերի վճարման մասին ապացույց կամ այն մասին, որ նման ծախսերի համար պետք չէ վճարել,
 - ապացույց փաստաթղթի տեսքով համաձայն ՖԻՖԱ-ի կանոնակարգի 5-րդ հավելվածի, 3-րդ հոդվածի 3-րդ կետի (եթե հայցվորն ասոցիացիա է),
 - լիազորագիր (եթե կիրառելի է):
3. Եթե, համաձայն ներքոնշյալ 8-րդ հոդվածի, պարտադիր համարվող փաստաթուղթը կամ դրա թարգմանությունը չի մուտքագրվում համակարգ, ապա հայցվորը ծանուցում է ստանում SՀՀ համակարգում: Հայցին ընթացք է տրվում միայն այն ժամանակ, երբ բոլոր պարտադիր համարվող փաստաթղթերը կամ թարգմանությունները մուտքագրվում են SՀՀ համակարգ՝ համաձայն ներքոնշյալ 8-րդ հոդվածի:
 4. Հայցվորը կարող է նաև հայցի հետ միասին համակարգ մուտքագրել այլ փաստաթղթեր, որոնք անհրաժեշտ է համարում: Ենթակումիտեն ցանկացած ժամանակ կարող է հայցվորից պահանջել հավելյալ փաստաթղթեր:
 5. Սիրողական ակումբների հայցերը պետք է համակարգ մուտքագրվեն ՀՖՖ-ի կողմից:

7. Հայցի ծանուցում պատասխանողին

1. Եթե բոլոր անհրաժեշտ փաստաթղթերը մուտքագրվել են համակարգ (տե՛ս հոդված 5 և 6), և եթե հայցին ընթացք չտալու պատճառ առկա չէ, հայցը (ներառյալ բոլոր փաստաթղթերը) պետք է SՀՀ միջոցով ուղարկվի պատասխանողին: Պատասխանողը, SՀՀ-ով հայցի ուղարկման օրվանից սկսած, 20 օր ժամանակ ունի իր պաշտոնական տեսակետը (ներառյալ բոլոր հավելվածները) SՀՀ մուտքագրելու համար: SՀՀ-ում առկա գործին վերաբերող բոլոր փաստաթղթերը հասանելի կլինեն պատասխանողին: Բոլոր փաստաթղթերն ու նյութերը կոնֆիդենցիալ են և կարող են օգտագործվել միայն տվյալ ընթացակարգի շրջանակներում: Ենթակումիտեն ցանկացած ժամանակ կարող է պատասխանողից պահանջել հավելյալ փաստաթղթեր:
2. Նամակագրության երկրորդ փուլը տեղի է ունենում միայն հատուկ դեպքերում և SՀՀ-ի միջոցով:
3. Եթե պատասխանողն իր պաշտոնական տեսակետը չի արտահայտում 20 օրվա ընթացքում, ապա որոշումը կայացվում է գործի մեջ առկա փաստաթղթերի հիման վրա:

8. Փաստաթղթերի լեզու

Բոլոր փաստաթղթերը պետք է համակարգ մուտքագրվեն օրիգինալ տեսքով և, եթե կիրառելի է, ՖԻՖԱ-ի չորս պաշտոնական լեզուներից որևէ մեկով թարգմանված: Այս պահանջի չկատարման դեպքում ենթակումիտեն կարող է չուսումնասիրել հարցվող փաստաթուղթը:

9. Վերջնաժամկետներ

1. Վերջնաժամկետները սահմանվում են ՏՀՀ համակարգում իրավական կարգով:
2. Բոլոր հարցումները պետք է մուտքագրվեն ՏՀՀ մինչև ՀՖՖ ժամային գոտով սահմանված վերջնաժամկետը:

10. Որոշումների ծանուցում, իրավական երաշխիքներ

1. Բոլոր ներգրավված կողմերը պետք է իրավական կարգով ուղղակիորեն կամ ՀՖՖ-ի միջոցով ՏՀՀ համակարգով տեղեկացվեն ենթակումիտեի որոշման մասին: Ծանուցումը համարվում է կատարված, երբ որոշումը մուտքագրվում է ՏՀՀ համակարգ: Որոշումների նման ծանուցումները իրավաբանորեն պարտադիր են:
2. Ներգրավված կողմերը տեղեկացվում են որոշման հիմքերի մասին ուղղակիորեն կամ ՀՖՖ-ի միջոցով: Միաժամանակ, կողմերը պետք է տեղեկացված լինեն, որ ծանուցումը ստանալուց հետո տաս օր ժամանակ ունեն որոշման հիմքերը գրավոր ձևով ՏՀՀ-ի միջոցով պահանջելու համար: Հակառակ դեպքում որոշումը դառնում է վերջնական ու պարտադիր և համարվում է, որ կողմերը հրաժարվել են իրենց բողոքարկման իրավունքից: Եթե կողմը պահանջում է որոշման հիմքերը, պատճառաբանված որոշումը գրավոր ձևով ուղղակիորեն կամ ՀՖՖ-ի միջոցով ուղարկվում է կողմերին ՏՀՀ համակարգով: Բողոք ներկայացնելու ժամկետը սկսվում է պատճառաբանված որոշման ծանուցումից ի վեր:

ՀԱՎԵԼ ՎՄՄ 5. Համերաշխության մեխանիզմը

Հոդված 1. Համերաշխության բաշխում

1. Եթե պրոֆեսիոնալ ֆուտբոլիստն իր պայմանագրի գործողության ընթացքում տեղափոխվում է, ապա նախկին ակումբին վճարվող ցանկացած փոխհատուցման գումարի 5%-ը (բացառությամբ մարզումային փոխհատուցումից) պետք է հանվի այդ փոխհատուցման ընդհանուր գումարից և նոր ակումբի կողմից որպես համերաշխության գումար բաշխվի բոլոր այն ակումբներին, որոնք տարիների ընթացքում զբաղվել են ֆուտբոլիստի մարզմամբ ու կրթմամբ:
2. Այս համերաշխության բաշխումն արտացոլում է այն տարիները (համապատասխան հաշվարկով, եթե 1 տարուց պակաս է), երբ ֆուտբոլիստը գրանցված է եղել համապատասխան ակումբում (ակումբներում) 12-23 տարեկան հասակում՝ հետևյալ կարգով՝

- 12 տարեկան	5% (այսինքն՝ փոխհատուցման ամբողջ գումարի 0.25%-ը)
- 13 տարեկան	5% (այսինքն՝ փոխհատուցման ամբողջ գումարի 0.25%-ը)
- 14 տարեկան	5% (այսինքն՝ փոխհատուցման ամբողջ գումարի 0.25%-ը)
- 15 տարեկան	5% (այսինքն՝ փոխհատուցման ամբողջ գումարի 0.25%-ը)
- 16 տարեկան	10% (այսինքն՝ փոխհատուցման ամբողջ գումարի 0.5%-ը)
- 17 տարեկան	10% (այսինքն՝ փոխհատուցման ամբողջ գումարի 0.5%-ը)
- 18 տարեկան	10% (այսինքն՝ փոխհատուցման ամբողջ գումարի 0.5%-ը)
- 19 տարեկան	10% (այսինքն՝ փոխհատուցման ամբողջ գումարի 0.5%-ը)
- 20 տարեկան	10% (այսինքն՝ փոխհատուցման ամբողջ գումարի 0.5%-ը)
- 21 տարեկան	10% (այսինքն՝ փոխհատուցման ամբողջ գումարի 0.5%-ը)
- 22 տարեկան	10% (այսինքն՝ փոխհատուցման ամբողջ գումարի 0.5%-ը)
- 23 տարեկան	10% (այսինքն՝ փոխհատուցման ամբողջ գումարի 0.5%-ը):
3. Ներքին տեղափոխությունների դեպքում համերաշխության գումարի հաշվարկ և բաշխում չի իրականացվում:

Հոդված 2. Վճարման ընթացակարգը

1. Համաձայն նախորդ հոդվածում նշված պայմանների՝ նոր ակումբը պետք է վճարի համերաշխության գումարը ֆուտբոլիստին մարզող ակումբին (ակումբներին) ֆուտբոլիստի գրանցումից ոչ ուշ, քան 30 օրվա, իսկ հանգամանքներից կախված կամ հետաձգված վճարումների դեպքում՝ այդպիսի վճարումներից հետո 30 օրվա ընթացքում:
2. Նոր ակումբը պատասխանատվություն է կրում համերաշխության գումարի հաշվարկման և բաշխման համար՝ համաձայն ֆուտբոլիստի անձնագրում նշված կարիերայի պատմության: Անհրաժեշտության դեպքում ֆուտբոլիստը պետք է աջակցի նոր ակումբին այս պարտավորությունների կատարման գործում:
3. Եթե պրոֆեսիոնալ ֆուտբոլիստի նոր ակումբի և նրան մարզած ակումբներից որևէ մեկի միջև կապ չի հաստատվում նրա տեղափոխության 18 ամիսների ընթացքում, ապա համերաշխության գումարը պետք է վճարվի այն երկրի ասոցիացիային (ասոցիացիաներին), որտեղ պրոֆեսիոնալը մարզվել է՝ մանկապատանեկան ֆուտբոլի զարգացման ծրագրերի իրագործման նպատակով:

ՀԱՎԵԼՎԱԾ 6. Ֆուտբոլիստի գրանցման դիմումի ձև

ՀՖՖ Առաջին
փոխնախագահ
Գործադիր տնօրեն
պարոն Ա. Մինասյանին

Ղ Ի Մ Ո Ւ Մ

«ՀՖՖ ֆուտբոլիստների կարգավիճակի և տեղափոխության կանոնակարգի» համաձայն _____ ակումբը /դպրոցը, կազմակերպությունը/ խնդրում է գրանցել/վերագրանցել հետևյալ ֆուտբոլիստներին ակումբի կազմում պրոֆեսիոնալ/սիբոլական ֆուտբոլի/ֆուտզալի (**բոլորի դեպքում ընդգծել համապատասխանը**) մրցումներին մասնակցելու համար:

	Ֆուտ-ի անձնական համարը	ազգանուն, անուն, հայրանուն	ծննդյան օր, ամիս տարի	գրանցման վերջին ակումբը	ծանուցում
1					
2					
3					
4					
5					
6					
7					
8					
9					
10					
11					
12					
13					
14					

Կից ներկայացվում է՝

- ֆուտբոլիստի անձնագիր՝ _____
- քաղ.անձնագրի պատճեն՝ _____
- ծննդականի պատճեն՝ _____
- լուսանկար՝ _____
- փոխհատուցման վճ/հ պատճեն՝ _____
- ակումբի գր-թյուն՝ _____
- տեղեկանք՝ _____
- պայմանագիր՝ _____

Տեղափոխության պայմանագրի բացակայության պարագայում որևէ Ակումբի /դպրոցի, կազմակերպության/ կողմից ֆուտբոլիստի տեղափոխության հետ կապված նախապահանջ ներկայացնելու կամ մարզումների փոխհատուցման վճարման վերաբերյալ վեճեր առաջանալու դեպքում պարտավորվում ենք կատարել ՀՖՖ-ի Ֆուտբոլիստների կարգավիճակի և տեղափոխության կանոնակարգի պահանջները և որոշումները՝ կապված տեղափոխության պայմանների կատարման, այդ թվում մարզումային փոխհատուցման և համերաշխության գումարների վճարման վերաբերյալ:

Ղեկավար

[-----]

ստորագրողի ազգանունը

կ.տ.

« »-----201 թ.

ՀԱՎԵԼՎԱԾ 7. ՀՖՖ Ակումբների կարգերը

ՀՖՖ Ակումբների կարգերը

Ակումբի անվանումը	կարգը	
	Միջազգային տրանսֆեր	Ներքին տեղափոխություն
«Փյունիկ» ՖԱ	3	1
«Բանանց» ՖԱ	3	1
«Միկա» ՖԱ	3	1
Այաշկերտ» ՖԱ	4	1
«Շիրակ» ՖԱ	4	1
«Արարատ» ՖԱ	4	2
«Գանձասար-Կապան» ՖԱ	4	2
«Կոտայք» ՖԱ	-	3
«Հ.Խ. անվ. մ/պ հմ/դպ»	-	3
Մնացած բոլոր ակումբները, մ/դպրոցները և այլն	-	4

Մարզումային փոխհատուցման տարեկան դրույքաչափերը՝ ըստ կարգերի

Ակումբի կարգը	Միջազգային տրանսֆեր (եվրո)	Ներքին տեղափոխություն (դրամ)
1-ին կարգ	90 000	80 000
2-րդ կարգ	60 000	60 000
3-րդ կարգ	30 000	40 000
4-րդ կարգ	10 000	20 000

ՀԱՎԵԼՎԱԾ 8. Ֆուտբոլի ֆուտբոլիստների կարգավիճակի և տեղափոխության կանոնները

Սույն հավելվածում օգտագործված հասկացությունները.

- 1. Ֆուտբոլ***– Ֆուտբոլի տեսակ է, որը խաղում են ՖԻՖԱ-ի կողմից և Ֆուտբոլային ասոցիացիաների միջազգային խորհրդի (IFAB) ենթակոմիտեի համագործակցությամբ մշակված Ֆուտբոլի խաղի կանոնների համաձայն:
- 2. Ֆուտբոլ (11-ը 11-ի դեմ)*** – Ֆուտբոլ, որը խաղում են Ֆուտբոլային ասոցիացիաների միջազգային խորհրդի (IFAB) կողմից հաստատված խաղի կանոնների համաձայն:
- 3. ՖԻՖԱ-ի Ֆուտբոլիստների կարգավիճակի և տեղափոխության կանոնակարգ***– 2003թ. հոկտեմբերի 19-ին հաստատված ՖԻՖԱ-ի կանոնադրության 5-րդ հոդվածի հիման վրա ՖԻՖԱ-ի կողմից թողարկված կանոնակարգ:
- 4. Նախկին ասոցիացիա*** – Ասոցիացիա, որին պատկանել է նախկին ակումբը:
- 5. Նախկին ակումբ*** – Ակումբը, որը լքել է ֆուտբոլիստը:
- 6. Նոր ասոցիացիա*** – Ասոցիացիա, որին անդամագրվել է նոր ակումբը:
- 7. Նոր Ակումբ*** – Ակումբը, որին անդամագրվել է ֆուտբոլիստը:
- 8. Պաշտոնական խաղեր*** – Կազմակերպված ֆուտբոլի շրջանակներում անցկացվող խաղեր, ինչպիսիք են ազգային առաջնությունների, գավաթի խաղարկությունների, ակումբային միջազգային մրցաշարերի խաղերը, բայց ոչ ընկերական և ստուգողական հանդիպումները:
- 9. Կազմակերպված ֆուտբոլ***– ՖԻՖԱ-ի, կոնֆեդերացիաների և ասոցիացիաների հովանու ներքո կամ նրանց լիազորությամբ կազմակերպված ֆուտբոլի կամ ֆուտբոլի մրցումներ:
- 10. Պաշտպանված ժամանակահատված***– Մինչև 28 տարեկան պրոֆեսիոնալ ֆուտբոլիստի հետ կնքած պայմանագիրն ուժի մեջ մտնելուց հետո երեք ամբողջական մրցաշրջանների կամ երեք տարվա ժամանակահատվածն է: Եթե պրոֆեսիոնալ ֆուտբոլիստը պայմանագիրը կնքել է 28 տարին լրանալուց հետո, ապա պաշտպանված ժամանակահատվածը պայմանագիրն ուժի մեջ մտնելուց հետո երկու ամբողջական մրցաշրջանների կամ երկու տարվա ժամանակահատվածն է:
- 11. Գրանցման ժամանակահատված***– Ասոցիացիայի կողմից հաստատված ժամանակահատված՝ համաձայն ՀՖՖ-ի Ֆուտբոլիստների կարգավիճակի և տեղափոխության կանոնակարգի III գլխի 6-րդ հոդվածի:
- 12. Մրցաշրջան***– Տվյալ ազգային առաջնության առաջին պաշտոնական խաղով սկսվող և վերջին պաշտոնական խաղով ավարտվող ժամանակահատված:

Օանթություն: Անձանց վերաբերող տերմինները վերաբերում են երկու սեռերին: Յուրաքանչյուր եզակի հասկացությունը կիրառվում է նաև հոգնակի տարբերակով և հակառակը:

Հոդված 1. Գործողությունների շրջանակը

1. Ֆուտզալի ֆուտբոլիստների կարգավիճակի և տեղափոխության կանոնները հաստատում են ընդհանուր և պարտադիր դրույթներ ֆուտզալի ֆուտբոլիստների կարգավիճակի, կազմակերպված ֆուտբոլին մասնակցելու նրանց իրավունքի և տարբեր ասոցիացիաներին պատկանող ակումբների միջև նրանց տեղափոխության վերաբերյալ:
2. ՀՖՖ-ի և ՖԻՖԱ-ի ֆուտբոլիստների կարգավիճակի և տեղափոխության կանոնակարգերը վերաբերում են նաև ֆուտզալի ֆուտբոլիստներին, եթե սույն հավելվածում և ՖԻՖԱ-ի ֆուտբոլիստների կարգավիճակի և տեղափոխության կանոնակարգի 7-րդ հավելվածում զետեղված որևէ տարամետ դրույթ չի նախատեսում ֆուտզալին վերաբերող մեկ այլ կանոն:
3. ՀՖՖ ակումբների միջև ֆուտզալի ֆուտբոլիստների տեղափոխությունը կարգավորվում է ՀՖՖ ֆուտբոլիստների կարգավիճակի և տեղափոխության սույն կանոնակարգի դրույթներով:

Հոդված 2. Ֆուտբոլիստների ազատ արձակումը ՀՀ Ազգային հավաքականներում հանդես գալու համար

1. Սույն կանոնակարգի Հավելված 1-ի դրույթները պարտադիր են նաև ֆուտզալում:
2. Ֆուտբոլիստը և՛ ֆուտբոլում, և՛ ֆուտզալում կարող է ներկայացնել միայն մեկ ասոցիացիա: Յուրաքանչյուր ֆուտբոլիստ, ով արդեն ներկայացրել է ինչ-որ ասոցիացիա ֆուտբոլի կամ ֆուտզալի ցանկացած կատեգորիայի պաշտոնական մրցաշարում (թե՛ ամբողջությամբ, թե՛ մասնակի) չի կարող հանդես գալ միջազգային խաղում այլ ազգային հավաքականի կազմում: Այս դրույթը ենթակա է ՖԻՖԱ-ի կանոնադրության ընթացակարգերը կարգավորող կանոնակարգի 5-րդ հոդվածի 2-րդ կետում և 8-րդ հոդվածում սահմանված բացառությանը:

Հոդված 3. Գրանցում

1. Ակումբում որպես պրոֆեսիոնալ կամ սիրող հանդես գալու համար ֆուտզալի ֆուտբոլիստը պետք է գրանցված լինի ՀՖՖ-ում՝ համաձայն ՀՖՖ-ի ֆուտբոլիստների կարգավիճակի և տեղափոխության կանոնակարգի II Գլխի 2-րդ հոդվածի: Միայն գրանցված ֆուտբոլիստներն են իրավասու մասնակցել կազմակերպված ֆուտբոլին: Ֆուտբոլիստը գրանցվելով համաձայնվում է ենթարկվել ՖԻՖԱ-ի, ՀՖՖ-ի և ՈՒԵՖԱ-ի կանոնադրություններին ու կանոնակարգերին:
2. Ֆուտբոլիստը միննույն ժամանակահատվածում կարող է գրանցվել միայն մեկ ֆուտզալի ակումբում: Այնուամենայնիվ, ֆուտբոլիստը այս ժամանակահատվածում կարող է գրանցվել նաև մեկ ֆուտբոլային ակումբում: Ֆուտզալի և պրոֆեսիոնալ ֆուտբոլային ակումբները կարող են չպատկանել միննույն ասոցիացիային:
3. Ֆուտբոլիստները հուլիսի 1-ից մինչև հաջորդ տարվա հունիսի 30-ը ընկած ժամանակահատվածում կարող են գրանցվել առավելագույնը 3 ֆուտզալի ակումբներում: Այս ժամանակահատվածի ընթացքում ֆուտբոլիստը իրավասու է հանդես գալ 2 ակումբների պաշտոնական խաղերում: Ֆուտբոլային ակումբների թիվը, որտեղ միննույն ֆուտբոլիստը կարող է գրանցվել հուլիսի 1-ից մինչև հաջորդ տարվա հունիսի 30-ը ընկած ժամանակահատվածում, նշված է ՀՖՖ-ի ֆուտբոլիստների կարգավիճակի և տեղափոխության կանոնակարգի III-րդ Գլխի 5-րդ հոդվածի 3-րդ կետում:

Հոդված 4. Ֆուտզալի միջազգային տրանսֆերային սերտիֆիկատ

1. Ֆուտզալի ֆուտբոլիստները, ովքեր գրանցված են մեկ ասոցիացիայում, իրավունք չունեն գրանցվել մեկ այլ ասոցիացիայի ֆուտզալի ակումբում, քանի դեռ նոր ասոցիացիան նախկին ասոցիացիայից չի ստացել ֆուտզալի միջազգային տրանսֆերային սերտիֆիկատը (ՖՄՍՄ): ՖՄՍՄ-ը տրամադրվում է անվճար, առանց որևէ պայմանի և ժամանակային սահմանափակման: Վերոնշյալին հակասող բոլոր դրույթները համարվում են անվավեր: ՖՄՍՄ տրամադրող ասոցիացիան ՖՄՍՄ-ի պատճենը ուղարկում է նաև ՖԻՖԱ: Ֆուտբոլում միջազգային տրանսֆերային սերտիֆիկատ (ՄՏՄ) տրամադրելու հետ կապված բոլոր վարչական գործընթացները վերաբերում են նաև ՖՄՍՄ շնորհելուն: Այս գործընթացները նկարագրված են սույն կանոնակարգի Հավելված 3-ի I և II գլուխներում: ՖՄՍՄ-ը տարբերվում է ֆուտբոլում կիրառվող ՄՍՄ-ի ձևից:
2. Մինչև 10 տարեկան ֆուտբոլիստների համար ՖՄՍՄ չի պահանջվում:

Հոդված 5. Կարգապահական պատժամիջոցների կիրառումը

1. Ֆուտբոլիստի՝ ֆուտզալում ստացած որակագրկումը և այլ պատժամիջոցները (տե՛ս ՖԻՖԱ-ի Կարգապահական կանոնակարգի 20-րդ հոդվածի 1-ին և 2-րդ հոդվածները) ազդում են միայն նրա՝ ֆուտզալի խաղերին ունեցած մասնակցության վրա: Նմանապես, ֆուտբոլում ֆուտբոլիստի նկատմամբ կիրառված որակագրկումը և այլ պատժամիջոցները պետք է ազդեն միայն նրա՝ ֆուտբոլային ակումբի խաղերին ունեցած մասնակցության վրա:
2. Ժամկետային որակագրկումը (որակագրկում որոշակի քանակությամբ օրերով և ամիսներով) ազդում է ֆուտբոլիստի մասնակցությանը թե՛ ֆուտզալի և թե՛ ֆուտբոլային հանդիպումներին, անկախ այն հանգամանքից՝ խախտումը գրանցվել է ֆուտբոլում, թե՛ ֆուտզալում:
3. Ասոցիացիան, որտեղ ֆուտբոլիստը գրանցված է, պարտավոր է ժամկետային պատժամիջոցի մասին տեղեկացնել մյուս ասոցիացիային, որտեղ տվյալ ֆուտբոլիստը կարող է գրանցված լինել, եթե ֆուտբոլիստը գրանցված է երկու տարբեր ասոցիացիաներին պատկանող ֆուտզալի և ֆուտբոլային ակումբներում:
4. Մինչև տրանսֆերը ֆուտբոլիստի նկատմամբ կիրառված ցանկացած կարգապահական պատժամիջոց կիրառվում է նոր ասոցիացիայի կողմից, որտեղ ֆուտբոլիստը գրանցված է: Նախկին ասոցիացիան ՖՄՍՄ տրամադրելիս պարտավոր է գրավոր ձևով տեղյակ պահել նոր ասոցիացիային ցանկացած պատժամիջոցի վերաբերյալ:

Հոդված 6. Պայմանագրի դրույթների կատարումը

1. Ֆուտբոլային ակումբի հետ պայմանագիր ունեցող պրոֆեսիոնալ ֆուտբոլիստը կարող է երկրորդ պրոֆեսիոնալ պայմանագիրը ստորագրել ֆուտզալի ակումբի հետ միայն ֆուտբոլային ակումբի գրավոր համաձայնության դեպքում: Ֆուտզալի ակումբի հետ պայմանագիր ունեցող պրոֆեսիոնալ ֆուտբոլիստը կարող է երկրորդ պրոֆեսիոնալ պայմանագիրը ստորագրել ֆուտբոլային ակումբի հետ միայն ֆուտզալի ակումբի գրավոր համաձայնության դեպքում:
2. Պայմանագրային կայունության ապահովմանը վերաբերող դրույթները տեղ են գտել ՀՖՖ-ի Ֆուտբոլիստների կարգավիճակի և տեղափոխության կանոնակարգի 13-19-րդ հոդվածներում:

Հոդված 7. Անչափահասների պաշտպանությունը

Միջազգային տրանսֆեր թույլատրվում է միայն 18 տարին լրացած ֆուտբոլիստին: Սույն կանոնին չվերաբերող բացառությունները ամրագրված են ՀՖՖ-ի Ֆուտբոլիստների կարգավիճակի և տեղափոխության կանոնակարգի Հավելված 3-ի III գլխում:

Հոդված 8. Մարզումային փոխհատուցումը

Սույն կանոնակարգի 20-րդ հոդվածում և 4-րդ հավելվածում ամրագրված, մարզումային փոխհատուցմանը վերաբերող դրույթները չեն կիրառվում ֆուտզալի ակումբ և ֆուտզալի ակումբից ֆուտբոլիստների տեղափոխման ժամանակ:

Հոդված 9. Համերաշխության մեխանիզմը

Սույն կանոնակարգի 22-րդ հոդվածում և 5-րդ հավելվածում ամրագրված, համերաշխության մեխանիզմին վերաբերող դրույթները չեն կիրառվում ֆուտզալի ակումբ և ֆուտզալի ակումբից ֆուտբոլիստների տեղափոխման ժամանակ:

Հոդված 10. ՖԻՖԱ-ի կոմպետենտությունը

1. ՖԻՖԱ-ն, չսահմանափակելով աշխատանքային վեճերի վերաբերյալ քաղաքական դատարանի առջև լուծում պահանջելու ֆուտզալի ֆուտբոլիստի կամ ակումբի իրավունքը, իրավասու է քննել ՖԻՖԱ-ի Ֆուտբոլիստների կարգավիճակի և տեղափոխության կանոնակարգի 22-րդ հոդվածով ամրագրված վեճերը:
2. ՖԻՖԱ-ի Ֆուտբոլիստների կարգավիճակի կոմիտեն կամ միանձնյա դատավորը կարող են որոշում կայացնել ՖԻՖԱ-ի Ֆուտբոլիստների կարգավիճակի և տեղափոխության կանոնակարգի 23-րդ հոդվածով ամրագրված բոլոր վեճերի վերաբերյալ:
3. ՖԻՖԱ-ի Վեճերի լուծման պալատը կամ ՎԼՊ դատավորը քննում են վեճերը՝ համաձայն ՖԻՖԱ-ի Ֆուտբոլիստների կարգավիճակի և տեղափոխության կանոնակարգի 24-րդ հոդվածի:
4. Վերոնշյալ մարմինների կողմից ընդունված որոշումները կարող են բողոքարկվել Սպորտային արբիտրաժի դատարանում (CAS):

Հոդված 11. Սույն հավելվածում չնախատեսված դրույթները

Բոլոր այլ դեպքերը, որոնք նախատեսված չեն սույն հավելվածում, ենթակա են կարգավորման ՀՖՖ-ի և ՖԻՖԱ -ի Ֆուտբոլիստների կարգավիճակի և տեղափոխության կանոնակարգով:

ՀԱՎԵԼ ՎԱՄ 9. Պատասխանատվությունը կանոնակարգի դրույթները խախտելու համար

Սույն կանոնակարգի դրույթները խախտելու համար Վեճերի լուծման պալատը կարող է կիրառել հետևյալ պատժամիջոցները.

1. Ֆուտբոլիստի կողմից մինևսյն ժամանակահատվածի համար մեկից ավելի աշխատանքային պայմանագրեր կնքելու համար`
 - որակագրվում 3-12 ամիս ժամկետով և/կամ
 - տուգանք մինչև 150 000 դրամի չափով:
2. Ֆուտբոլիստի կողմից գործող պայմանագրի ավարտից 6 ամսից շուտ նոր ակումբի հետ բանակցություններ վարելու համար`
 - որակագրվում 1-6 ամիս ժամկետով և/կամ
 - տուգանք մինչև 100 000 դրամի չափով :
3. Ֆուտբոլիստի գրանցման կարգը խախտելու համար`
 - գրանցումն անվավեր ճանաչել և/կամ
 - զրկել ակումբին նոր ֆուտբոլիստներ գրանցելու իրավունքից 1-6 ամիս ժամկետով և/կամ
 - տուգանք մինչև 150 000 դրամի չափով:
4. Ակումբի կողմից ֆուտբոլիստի հետ աշխատանքային պայմանագրի կնքման կարգը խախտելու դեպքում`
 - տուգանք մինչև 150 000 դրամի չափով:
5. Ակումբի կողմից աշխատանքային պայմանագիրը սահմանված ժամկետում գրանցման չներկայացնելու դեպքում`
 - տուգանք յուրաքանչյուր ուշացված օրվա համար 1000 դրամի չափով:
6. Ակումբի կողմից ֆուտբոլիստի տեղափոխության պայմանագրի պայմանները և/կամ ֆուտբոլիստի հետ կնքած աշխատանքային պայմանագրի պարտավորությունները խախտելու դեպքում`
 - տուգանք ակումբին մինչև 300 000 դրամի չափով և/կամ
 - արգելք ակումբին` գրանցելու նոր ֆուտբոլիստներ և համապատասխանաբար տեղափոխության պայմանագրեր մինչև 12 ամիս ժամկետով:
7. «Վարձակալող» ակումբի կողմից ֆուտբոլիստի «վարձակալության» պայմանով տեղափոխության պայմանագրի պայմանները և/կամ այդ ֆուտբոլիստի հետ կնքած աշխատանքային պայմանագրի պարտավորությունները խախտելու դեպքում`
 - տուգանք ակումբին մինչև 300 000 դրամի չափով և/կամ
 - արգելք ակումբին` գրանցելու «վարձակալության» պայմանով նոր ֆուտբոլիստներ և համապատասխանաբար «վարձակալության» պայմանով տեղափոխության պայմանագրեր մինչև 12 ամիս ժամկետով:
8. Ակումբի կողմից մարզումային փոխհատուցման վճարումների ժամկետի խախտման դեպքում`
 - մրցաշարային միավորների նվազեցում` (Կարգապահական կոմիտեի որոշմամբ) և/կամ
 - արգելք ակումբին գրանցելու նոր ֆուտբոլիստներ և համապատասխանաբար տեղափոխության պայմանագրեր մինչև 12 ամիս ժամկետով:
9. Վեճերի լուծման պալատի որոշումները սահմանված ժամկետում չկատարելու դեպքում`
 - տուգանք մինչև 500 000 դրամի չափով և/կամ

- մրցաշարային միավորների նվազեցում՝ (Կարգապահական կոմիտեի որոշմամբ) և/կամ
 - գրկում առաջնությանը մասնակցելու իրավունքից:
10. Ակումբի կողմից պայմանագիրը առանց հիմնավոր դրոպապատճառների խախտելու կամ ֆուտբոլիստին պայմանագրի խախտում դրդելու դեպքում՝
 - արգելք ակումբին գրանցելու նոր ֆուտբոլիստներ 3-ից 12 ամիս ժամկետով և/կամ
 - տուգանք ակումբին մինչև 300 000 դրամի չափով:
 11. Որևէ ակումբի կողմից այլ ակումբին կամ ֆուտբոլիստին պայմանագրի խախտում դրդելու դեպքում՝
 - արգելք ակումբին գրանցելու նոր ֆուտբոլիստներ 3-ից 12 ամիս ժամկետով և/կամ
 - տուգանք ակումբին մինչև 300 000 դրամի չափով:
 12. Պրոֆեսիոնալ ֆուտբոլիստի կողմից պաշտպանված ժամանակահատվածի ընթացքում իր նախաձեռնությամբ առանց հիմնավոր դրոպապատճառների պայմանագրի վաղաժամ լուծման դեպքում՝
 - կազմակերպված ֆուտբոլին մասնակցելու իրավունքից գրկում 4-ից 6 ամիս ժամկետով և/կամ
 - տուգանք մինչև 150 000 դրամի չափով:
 13. Ֆուտբոլիստների գործակալի կողմից սույն կանոնակարգի կամ գործակալի գործունեությունը կարգավորող այլ իրավական ակտերի դրույթների խախտման դեպքում՝
 - զգուշացում և/կամ
 - արտոնագրի գրկում և/կամ
 - տուգանք մինչև 300 000 դրամի չափով:
 14. Ակումբի կողմից այլ ակումբին փոխհատուցման վճարման պարտավորությունները և/կամ գործակալի հետ կնքված պայմանագրի դրույթները չկատարելու դեպքում՝
 - տուգանք ակումբին մինչև 500 000 դրամի չափով և/կամ
 - արգելք ակումբին գրանցելու նոր ֆուտբոլիստներ 3-ից 12 ամիս ժամկետով:
 15. Ակումբի կողմից համերաշխության մեխանիզմի խախտման դեպքում՝
 - տուգանք ակումբին մինչև 500 000 դրամի չափով և/կամ
 - արգելք ակումբին գրանցելու նոր ֆուտբոլիստներ 3-ից 12 ամիս ժամկետով:
 16. Սույն կանոնակարգի հավելված 1-ի դրույթների խախտման դեպքում՝
 - զգուշացում և/կամ
 - տուգանք մինչև 500 000 դրամի չափով և/կամ
 - տեխնիկական պարտության գրանցում այն խաղի (խաղերի) համար, որին մասնակցել է ֆուտբոլիստը, և որով ակումբը սահմանափակել է նրա մասնակցությունը ազգային հավաքական թիմերում:
 17. Ֆուտբոլիստի անձնագրի կորստի դեպքում՝
 - տուգանք ակումբին 5000 դրամի չափով:
 18. Ֆուտբոլիստի մարզումային փոխհատուցումը վճարելու պարտավորությունը նրա ծնողների և/կամ երրորդ անձանց վրա դնելու դեպքում՝
 - տուգանք ակումբին վճարվելիք ենթակա գումարի քառապատիկի չափով:
 19. Ֆուտբոլային սուբյեկտների պայմանագրերը, պայմանագրերի փոփոխումը և լուծումը սահմանված ժամկետներում գրանցման չներկայացնելու դեպքում ակումբը տուգանվում է 1000 դրամ յուրաքանչյուր ուշացած օրվա համար:
 20. Ժամկետանց վճարումներ
 1. Ակումբները պարտավոր են կատարել ֆուտբոլիստների և այլ ակումբների հանդեպ ունեցած իրենց ֆինանսական պարտավորությունները՝ համաձայն այն պայմանների, որոնք ամրագրված են պրոֆեսիոնալ ֆուտբոլիստների հետ կնքված պայմանագրերում և տրանսֆերային համաձայնագրերում:

2. Առանց ակնհայտ պայմանագրային հիմքի՝ վճարումն ավելի քան 30 օրով ուշացրած յուրաքանչյուր ակումբ ենթարկվում է պատժամիջոցների՝ համաձայն ստորև նշված 4-րդ կետի:
3. Սույն հոդվածի համաձայն՝ ակումբը համարվում է ժամկետանց վճարումներ ունեցող, եթե կրեդիտորը (ֆուտբոլիստ կամ ակումբ) գրավոր ձևով տեղեկացրել է դեբիտոր ակումբին ժամկետանց վճարումներ ունենալու մասին և առնվազն 10 օր վերջնաժամկետ է շնորհել դեբիտոր ակումբին իր ֆինանսական պարտավորությունները կատարելու համար:
4. ՖԻՖԱ-ի Ֆուտբոլիստների կարգավիճակի կոմիտեն, Վեճերի լուծման պալատը (ՎԼՊ), միանձնյա դատավորը կամ ՎԼՊ դատավորը իրենց իրավասությունների շրջանակներում (տե՛ս ՖԻՖԱ-ի Ֆուտբոլիստների կարգավիճակի և տեղափոխության կանոնակարգի 22, 23 և 24 հոդվածները) կարող են կիրառել հետևյալ պատժամիջոցները՝
 - ա) զգուշացում
 - բ) նկատողություն
 - գ) տույժ
 - դ) ազգային կամ միջազգային մակարդակով, մեկ կամ երկու ամբողջական իրար հաջորդող գրանցման ժամանակահատվածներում նոր ֆուտբոլիստներ գրանցելու արգելք
5. Սույն հոդվածի 4-րդ կետում նշված պատժամիջոցները կարող են կիրառվել միասնական տարբերակով:
6. Կրկնվող խախտումը կդիտարկվի որպես ծանրացուցիչ հանգամանք և կհանգեցնի առավել ծանր պատժամիջոցի կիրառմանը:
7. Սույն հոդվածի 4-րդ կետի դ) ենթակետի համաձայն՝ գրանցման արգելքի կիրառումը կարող է կասեցվել: Գրանցման արգելքի կիրառումը կասեցնելով՝ որոշում կայացնող մարմինը պատժամիջոցների ենթարկած ակումբին տալիս է փորձաշրջան՝ 6 ամսից մինչև 2 տարի ժամկետով:
8. Եթե ակումբը, որի հանդեպ գրանցման արգելքը կասեցվել է մեկ այլ խախտում է կատարում փորձաշրջանի ընթացքում, ապա արգելքի կասեցումը չեղյալ է համարվում, և գրանցման արգելքը գործադրվում է. այն կիրառվում է նոր խախտման համար սահմանված պատժամիջոցի հետ միասին:
9. Պայմանագրային հարաբերությունների միակողմանի խզման դեպքում սույն հոդվածի պայմանները կիրառվում են առանց հետագա միջոցների կիրառման նախադեպի՝ համաձայն սույն կանոնակարգի 19-րդ հոդվածի:

Սույն հավելվածով նախատեսված տուգանքները ենթակա են վճարման ՀՖՖ-ի որոշման կայացման պահից 30 օրվա ընթացքում:

*Կանոնակարգ
ՀԾԾ
Ֆուտբոլային
միջնորդների հետ աշխատելու մասին*

Ներածություն

ՖԻՏԱ-ն պատասխանատվություն է կրում ֆուտբոլի շարունակական զարգացման և նրա ամբողջականությունը պահպանելու հարցում: Այս առումով ՖԻՏԱ-ի գլխավոր նպատակներից է ակումբների, ֆուտբոլիստների և երրորդ անձանց միջև զարգացնել և պահպանել էթիկական բարձր ստանդարտներ՝ առաջնորդվելով բարեխիղճ կառավարման պահանջներով ու ֆինանսական պատասխանատվության սկզբունքներով:

ՖԻՏԱ-ն հատկապես կարևոր է համարում զերծ պահել ֆուտբոլիստներին ու ակումբներին աշխատանքային պայմանագրեր և տրանսֆերային համաձայնագրեր կնքելիս ոչ էթիկական և/կամ անօրինական գործողությունների մեջ ներքաշվելուց:

ՀՖՖ-ն իր հերթին պատասխանատվություն է կրում հայկական ֆուտբոլի շարունակական զարգացման և ամբողջականության պահպանման, ինչպես նաև ՖԻՏԱ-ի, ՈւԵՖԱ-ի և Ֆուտբոլային ասոցիացիաների միջազգային խորհրդի (IFAB) ֆուտբոլային միջազգային օրենքների՝ ՀՀ-ում կիրառման համար: Այս նպատակով, հիմնվելով ՖԻՏԱ-ի Միջնորդների հետ աշխատելու մասին տիպային կանոնակարգի վրա և հաշվի առնելով ՀՀ օրենսդրության պահանջները նշված ոլորտում՝ ՀՖՖ-ն հաստատում է սույն կանոնակարգը՝ միջնորդների ֆուտբոլային գործունեությունը ՀՀ-ում կանոնակարգելու նպատակով:

Նշում: Ֆիզիկական անձանց առնչվող տերմինները վերաբերում են ինչպես իգական և արական սեռերին, այնպես էլ իրավաբանական անձանց: Եզակի թվով գրված յուրաքանչյուր տերմին կիրառվում է նաև հոգնակի թվով և հակառակը:

Գլուխ I.

Հասկացություններ

1. **Միջնորդ**- ֆիզիկական կամ իրավաբանական անձ, ով բանակցություններում անվճար կամ վճարի դիմաց հանդես է գալիս որպես ֆուտբոլիստների և/կամ ակումբների ներկայացուցիչ՝ վերջիններիս հետ աշխատանքային և/կամ տրանսֆերային պայմանագրի կնքումն ապահովելու նպատակով:
2. **Տրանսֆերային համաձայնագիր**- համաձայնագիր ակումբների միջև՝ ֆուտբոլիստի մեկ ակումբի հետ գործող պայմանագրի ընթացքում մեկ այլ ակումբ տեղափոխվելու մասին:
3. **Ներկայացուցչական պայմանագիր**- Ակումբի և/կամ ֆուտբոլիստի և միջնորդի միջև կնքված պայմանագիր, որտեղ մանրամասն ներկայացվում է միջնորդների հետ ունեցած իրավական հարաբերությունների բնույթը (օրինակ՝ ծառայություն, խորհրդատվություն, աշխատանքի տեղավորման աջակցություն կամ ցանկացած այլ իրավական հարաբերություն):

Գլուխ II.

Կանոնակարգի գործողության ոլորտը

Սույն կանոնակարգով կարգավորվում են ֆուտբոլիստների և ակումբների հարաբերությունները միջնորդների հետ՝ կապված ֆուտբոլիստի և ակումբի միջև աշխատանքային պայմանագրի և ակումբների միջև տրանսֆերային համաձայնագրի կնքման հետ:

Գլուխ III.

Ընդհանուր կանոնները

1. Ֆուտբոլիստներն ու ակումբներն իրենց աշխատանքային պայմանագրի և/կամ տրանսֆերային համաձայնագրի շուրջ բանակցությունները կարող են իրականացնել ինչպես անձամբ, այնպես էլ ֆուտբոլային միջնորդների միջոցով:
2. Միջնորդների ընտրության և ներգրավման գործընթացում ֆուտբոլիստներն ու ակումբները գործում են պատշաճ կերպով՝ երաշխավորելով «Միջնորդի հոչակագրի» և երկու կողմերի միջև կնքված ներկայացուցչական պայմանագրի պարտադիր ստորագրումը միջնորդի կողմից:
3. Միջնորդը, ով ներգրավվում է ֆուտբոլիստի՝ ակումբի հետ պայմանագրի շուրջ ընթացող բանակցություններում, համաձայն սույն կանոնակարգի IV-րդ գլխի՝ ենթակա է պարտադիր գրանցման ՀՖՖ-ի կողմից:
4. Համաձայն ՖԻՖԱ-ի կանոնադրության «Սահմանումներ» բաժնի 11-րդ կետի՝ պաշտոնյաների ներգրավումը որպես միջնորդներ ֆուտբոլիստների և ակումբների կողմից արգելվում է:

Գլուխ IV.

Միջնորդների գրանցումը

1. Ֆուտբոլիստների և ակումբների միջև ընթացող բանակցություններում թափանցիկությունն ապահովելու նպատակով ՀՖՖ-ն պարտավոր է կիրառել միջնորդների գրանցման համակարգ, որը հրապարակվում է՝ համաձայն VII-րդ գլխի 3-րդ կետի: Միջնորդները, յուրաքանչյուր պայմանագրի շուրջ բանակցային գործընթացում ներգրավվելիս (տե՛ս սույն գլխի 2-րդ և 3-րդ կետերը), գրանցվում են ՀՖՖ-ի գրանցման համակարգում:
2. Միջնորդի ծառայություններից օգտվող ակումբները և ֆուտբոլիստները ՀՖՖ ներկայացնում են առնվազն «Միջնորդի հոչակագիրը»՝ համաձայն սույն կանոնակարգի առաջին և երկրորդ հավելվածների: ՀՖՖ-ն կարող է պահանջել միջնորդին վերաբերող լրացուցիչ տեղեկատվություն և/կամ փաստաթղթեր:
3. Համապատասխան գործարքի ավարտից հետո, սույն կանոնակարգի II-րդ գլխի համաձայն միջնորդի ծառայություններից օգտվող ֆուտբոլիստը պարտավոր է ՀՖՖ ներկայացնել առնվազն «Միջնորդի հոչակագիր» և ՀՖՖ կողմից պահանջվող գործարքին վերաբերող ցանկացած այլ փաստաթուղթ: Աշխատանքային պայմանագրի շուրջ նոր բանակցությունների դեպքում միջնորդի ծառայություններից օգտվող ֆուտբոլիստը պարտավոր է նույն փաստաթղթերը կրկին ներկայացնել ՀՖՖ:
4. Համապատասխան գործարքի ավարտից հետո, սույն կանոնակարգի II-րդ գլխի համաձայն՝ միջնորդի ծառայություններից օգտվող ակումբը ՀՖՖ է ներկայացնում առնվազն «Միջնորդի հոչակագիր» և ՀՖՖ կողմից պահանջվող գործարքին վերաբերող ցանկացած այլ փաստաթուղթ: Եթե ֆուտբոլիստին ազատ արձակող ակումբը ևս օգտվում է միջնորդի ծառայություններից, ապա նա նույնպես ՀՖՖ է ներկայացնում «Միջնորդի հոչակագիր» պատճենը:

Գլուխ V.

Գրանցման պայմանները

1. Ի լրումն ֆուտբոլիստի և/կամ ակումբի կողմից IV-րդ գլխով նախատեսված տեղեկատվության տրամադրման և մինչև տվյալ միջնորդի գրանցումը՝ ՀՖՖ-ն պետք է համոզվի, որ ներգրավված միջնորդն ունի անբասիր հեղինակություն:
2. Եթե միջնորդն իրավաբանական անձ է, ասոցիացիան, որը պատասխանատու է տվյալ գործարքի գրանցման համար, պարտավոր է ձեռնարկել պատշաճ միջոցառումներ՝ պարզելու համար տվյալ գործարքի շրջանակներում իրավաբանական անձի անբասիր հեղինակությունը:
3. ՀՖՖ-ն, նախքան միջնորդի գրանցումը, պետք է նաև հավաստիանա, որ ակումբի և/կամ ֆուտբոլիստի հետ պայմանագրային հարաբերությունների մեջ գտնվող միջնորդը չունի պայմանագրային հարաբերություններ լիգաների, այլ ասոցիացիաների, կոնֆեդերացիաների կամ ՖԻՖԱ-ի հետ, որն ուղղակիորեն կառաջացնի շահերի հնարավոր բախում: Միջնորդները պետք է բացառեն իրենց գործունեության շրջանակներում լիգաների, ասոցիացիաների, կոնֆեդերացիաների կամ ՖԻՖԱ-ի հետ ուղղակի կամ անուղղակի պայմանագրային հարաբերությունների առկայությունը:
4. Ներկայացուցչական պայմանագրի մեկ օրինակը, որը միջնորդը ստորագրում է ակումբի և/կամ ֆուտբոլիստի հետ (տե՛ս VI-րդ գլուխը ստորև), միջնորդի գրանցումից հետո պահվում է ՀՖՖ-ում՝ առնվազն տաս տարի ժամկետով:

Գլուխ VI.

Ներկայացուցչական պայմանագիրը

1. Ակումբներն ու ֆուտբոլիստները համապատասխան ներկայացուցչական պայմանագրում սահմանում են միջնորդների հետ ունեցած իրավական հարաբերությունների բնույթը և միջնորդների լիազորությունների շրջանակը (օրինակ՝ ծառայություն, խորհրդատվություն, աշխատանքի տեղավորման աջակցություն կամ ցանկացած այլ իրավական հարաբերություն):
2. Միջնորդի և ֆուտբոլիստի և/կամ միջնորդի և ակումբի միջև ձևավորված իրավական հարաբերության հիմնարար կետերը սահմանվում են գրավոր կերպով՝ նախքան նշված հարաբերությունների շրջանակներում որևէ գործունեություն ծավալելը: Ներկայացուցչական պայմանագիրը ընդգրկում է հետևյալ նվազագույն պահանջները՝ կողմերի օրենսդրությամբ սահմանված տվյալները, ծառայությունների շրջանակները, տևողությունը, միջնորդին հասանելիք պայմանագրի միջնորդավճարը, վճարման պայմանները, պայմանագրի կնքման ամսաթիվը, պայմանագրի լուծման հիմքերը, պայմանները և կողմերի ստորագրությունները: Ֆուտբոլիստի անչափահաս լինելու դեպքում վերջինիս օրինական ներկայացուցիչը (ներկայացուցիչները) ևս պետք է ստորագրի (ստորագրեն) ներկայացուցչական պայմանագիրը՝ ՀՀ օրենսդրության պահանջներին համապատասխան:

Գլուխ VII.

Տվյալների տրամադրումը և հրապարակումը

1. Ֆուտբոլիստները և/կամ ակումբները պարտավոր են ՀՖՖ-ին տրամադրել միջնորդին վճարված կամ վճարման ենթակա ցանկացած բնույթի համաձայնեցված փոխհատուցումների կամ վճարումների ամբողջական տվյալները: Ի հավելումն վերոնշյալի՝ ֆուտբոլիստները և/կամ ակումբները հարցման դեպքում լիցաների, ասոցիացիաների, կոնֆեդերացիաների և ՖԻՖԱ-ի իրավասու մարմիններին հետագա ուսումնասիրության նպատակով տրամադրում են միջնորդների հետ կնքված և նրանց վերաբերող բոլոր պայմանագրերը, համաձայնագրերը և գրառումները՝ բացառությամբ ներկայացուցչական պայմանագրի, որի տրամադրումը պարտադիր է՝ համաձայն V-րդ գլխի 4-րդ կետի:
 - Ֆուտբոլիստները և/կամ ակումբները պետք է համաձայնության գան միջնորդների հետ՝ հավաստիանալու, որ նշված տեղեկատվության և փաստաթղթերի տրամադրման համար առկա չէ որևէ խոչընդոտ:
 2. Բոլոր վերոնշյալ պայմանագրերը կցվում են տրանսֆերային համաձայնագրին կամ աշխատանքային պայմանագրին ֆուտբոլիստին գրանցելու նպատակով: Ակումբները և ֆուտբոլիստները ապահովում են միջնորդի մասնակցությամբ կնքված յուրաքանչյուր տրանսֆերային համաձայնագրի կամ աշխատանքային պայմանագրի մեջ միջնորդի անվան և ստորագրության առկայությունը:
 - Եթե ֆուտբոլիստը և/կամ ակումբը բանակցությունների ժամանակ չեն օգտվում միջնորդի ծառայություններից, ապա նրանք պարտավոր են արձանագրել այդ փաստը տվյալ գործարքի վերաբերյալ կնքված համապատասխան պայմանագրում:
3. Յուրաքանչյուր տարվա մարտ ամսվա վերջին ՀՖՖ-ն իր պաշտոնական կայքում (<http://www.ffa.am>) հրապարակում է իր կողմից գրանցված բոլոր միջնորդների անունները, ինչպես նաև բոլոր այն գործարքները, որոնցում նրանք ներգրավվել են: Ի

լրումն, ՀՖՖ-ն հրապարակում է նաև գրանցված ֆուտբոլիստների և վերջիններիս ակումբների կողմից միջնորդներին տրամադրված փոխհատուցումների և վճարումների հանրագումարի մասին տվյալները: Հրապարակման ենթակա տվյալներն են՝ բոլոր ֆուտբոլիստների գծով կոնսոլիդացված հանրագումարը և ակումբների գծով՝ նրանցից յուրաքանչյուրի կոնսոլիդացված հանրագումարը:

4. ՀՖՖ-ն առանձին դեպքերում կարող է նաև ֆուտբոլիստների և ակումբների համար հասանելի դարձնել սույն կանոնակարգի դրույթների խախտմամբ կնքված գործարքների մասին տեղեկատվությունը:

Գլուխ VIII.

Վճարումներ միջնորդներին

1. Ֆուտբոլիստի անունից գործող միջնորդին վճարման ենթակա փոխհատուցման գումարը հաշվարկվում է պայմանագրի ամբողջ ժամանակահատվածի համար ֆուտբոլիստին վճարվող աշխատավարձի հիման վրա:
2. Միջնորդի ծառայություններից օգտվող ակումբները պետք է նրան միանվագ կերպով փոխհատուցեն գումարը տվյալ գործարքի կնքումից առաջ: Կողմերի համաձայնության դեպքում նման վճարումը կարող է իրականացվել նաև մաս առ մաս:
3. Ֆուտբոլիստները և ակումբները պետք է հաշվի առնեն ազգային կանոնակարգերը և ազգային ու միջազգային օրենսդրության դրույթները: Նրանց խորհուրդ է տրվում հետևել ներքոնշյալ չափորոշիչներին՝

ա) ֆուտբոլիստի անունից հանդես եկող միջնորդներին յուրաքանչյուր գործարքից վճարվող ամբողջական փոխհատուցման գումարը պետք է չգերազանցի տվյալ աշխատանքային պայմանագրով նախատեսված ամբողջական ժամանակահատվածի համար նրան վճարման ենթակա աշխատավարձի 3 տոկոսը:

բ) ֆուտբոլիստի հետ աշխատանքային պայմանագիր կնքելու նպատակով ակումբի անունից հանդես եկող միջնորդներին յուրաքանչյուր գործարքից վճարվող ամբողջական փոխհատուցման գումարը պետք է չգերազանցի աշխատանքային համապատասխան պայմանագրով նախատեսված ամբողջական ժամանակահատվածի համար նրան վճարման ենթակա վերջնական աշխատավարձի 3 տոկոսը:

գ) ֆուտբոլիստի հետ տրանսֆերային համաձայնագիր կնքելու նպատակով ակումբի անունից հանդես եկող միջնորդներին յուրաքանչյուր գործարքից վճարվող ամբողջական փոխհատուցման գումարը պետք է չգերազանցի ֆուտբոլիստի տվյալ տեղափոխության հետ կապված տրանսֆերային գումարի 3 տոկոսը:

4. Ակումբները պետք է հավաստիանան և երաշխավորեն, որ ֆուտբոլիստի տեղափոխության հետ կապված մեկ ակումբից մյուսին վճարվող գումարները՝ մասնավորապես, տրանսֆերային փոխհատուցումը, մարզումային փոխհատուցումը կամ համերաշխության վճարները չեն վճարվում միջնորդներին կամ միջնորդների կողմից: Սա ներառում է, բայց չի սահմանափակում տրանսֆերային ցանկացած փոխհատուցման կամ ֆուտբոլիստի ապագա տրանսֆերային արժեքում միջնորդային տոկոսի առկայությունը: Նրանց կողմից նման պահանջների ներկայացումը ևս արգելվում է:
5. Համաձայն սույն գլխի 6-րդ կետի և ներքոնշյալ IX-րդ գլխի՝ միջնորդի ծառայությունների դիմաց կատարված յուրաքանչյուր վճարում պետք է իրականացվի բացառապես հաճախորդի կողմից միջնորդին:

6. Համապատասխան գործարքը կնքելուց հետո և ըստ ակումբի համաձայնագրի՝ ֆուտբոլիստը կարող է իր գրավոր համաձայնությունը տալ ակումբին իր անունից միջնորդին վճարելու համար: Ֆուտբոլիստի անունից կատարված վճարումը պետք է համապատասխանի ֆուտբոլիստի և միջնորդի միջև համաձայնեցված վճարման պայմաններին:
7. Պաշտոնյաներին, համաձայն ՖԻՖԱ-ի Կանոնադրության «Սահմանումներ» բաժնի 11-րդ կետի սահմանման, արգելվում է միջնորդից վերցնել գործարքի ընթացքում միջնորդին վճարված գումարի մի մասը կամ գումարն ամբողջությամբ: Վերոնշյալ դրույթը խախտող պաշտոնյան ենթարկվում է կարգապահական պատժամիջոցների:
8. Աշխատանքային պայմանագրի կամ տրանսֆերային համաձայնագրի շուրջ բանակցելու ընթացքում միջնորդի ծառայություններից օգտվող ֆուտբոլիստներին և/կամ ակումբներին արգելվում է վճարել տվյալ միջնորդին, եթե ներգրավված ֆուտբոլիստը, համաձայն ՀՖՖ-ի Ֆուտբոլիստների կարգավիճակի և տեղափոխության կանոնակարգի «Սահմանումներ» բաժնի 19-րդ կետի, անչափահաս է:

Գլուխ IX.

Շահերի բախումը

1. Միջնորդի ծառայություններից օգտվելուց առաջ ֆուտբոլիստները և/կամ ակումբները պետք է ջանքեր գործադրեն, որպեսզի բացառեն շահերի բախման հնարավորությունը ֆուտբոլիստների և/կամ ակումբների կամ միջնորդների միջև:
2. Շահերի բախումն ընդունելի կհամարվի, եթե միջնորդը գրավոր կերպով տեղեկացնի ներգրավված կողմերից որևէ մեկի հետ առկա կամ հնարավոր շահերի բախման մասին՝ կապված տեղափոխման գործարքի, ներկայացուցչական կամ համատեղ շահերի պայմանագրերի հետ, և, եթե նա բանակցությունները սկսելուց առաջ ձեռք է բերել գրավոր համաձայնություն գործարքում ներգրավված բոլոր կողմերի հետ:
3. Եթե ֆուտբոլիստն ու ակումբը, համաձայն սույն գլխի 2-րդ կետում նշված պայմանների, նույն գործարքի շրջանակներում ցանկանում են օգտվել մինևնույն միջնորդի ծառայություններից, ապա ներգրավված կողմերը պետք է իրենց գրավոր համաձայնությունը տան համապատասխան բանակցությունները սկսելուց առաջ և նաև գրավոր հաստատեն, թե որ կողմն է (ֆուտբոլիստը և/կամ ակումբը) փոխհատուցելու միջնորդին: Կողմերը նման համաձայնագրի մասին պետք է տեղեկացնեն ՀՖՖ-ին և համապատասխանաբար ներկայացնեն բոլոր նշված փաստաթղթերը գրանցման գործընթացի ընթացքում (տե՛ս IV-րդ և V-րդ գլուխները):

Գլուխ X.

Պատժամիջոցները

1. Ելնելով իր իրավասությունից՝ ՀՖՖ-ն կարող է պատժամիջոցներ կիրառել բոլոր այն կողմերի նկատմամբ, ովքեր խախտել են սույն կանոնակարգի, ՀՖՖ կանոնադրության և այլ կանոնակարգերի դրույթները:
2. ՀՖՖ-ն պարտավոր է համապատասխանաբար հրապարակել և տեղեկացնել ՖԻՖԱ-ին ցանկացած միջնորդի նկատմամբ կիրառված կարգապահական պատժամիջոցների մասին: ՖԻՖԱ-ի Կարգապահական կոմիտեն, համաձայն ՖԻՖԱ-ի Կարգապահական կանոնակարգի, իրավասու է որոշելու կիրառված պատժամիջոցի շրջանակների ընդլայնման հարցը:

Գլուխ XI.

ՀՖՖ-ի պարտականությունների իրականացման վերահսկումը

1. ՖԻՖԱ-ն վերահսկում է սույն պահանջների պատշաճ իրականացումը ՀՖՖ-ի կողմից և իրավասու է ձեռնարկել համապատասխան քայլեր՝ նշված կանոններին չհետևելու դեպքում:
2. ՖԻՖԱ-ի Կարգապահական կոմիտեն իրավասու այն մարմինն է, որը կարող է նման դեպքերում կայացնել որոշումներ՝ համաձայն ՖԻՖԱ-ի Կարգապահական կանոնակարգի դրույթների:

Գլուխ XII.

Միջանկյալ դրույթներ

Սույն կանոնակարգն ուժի մեջ է մտել 2016թ. հուլիսի 7-ին:

Հավելված 1. Ֆիզիկական անձանց համար նախատեսված միջնորդի հոշակագիր

Անուն:

Ազգանուն:

Օնոմայն թիվ:

Քաղաքացիություն//:

Բնակության հասցե (հեռախոսահամարը/ֆաքսը և էլեկտրոնային հասցեն):

Ես, _____,

(միջնորդի անուն, ազգանուն)

հայտարարում եմ հետևյալը՝

1. Որպես միջնորդ գործունեություն ծավալելիս՝ ես խոստանում եմ հարգել և ենթարկվել ազգային և միջազգային օրենքների պարտադիր, մասնավորապես, աշխատանքի տեղավորմանը վերաբերող դրույթներին, ինչպես նաև ասոցիացիաների, կոնֆեդերացիաների և ՖԻՖԱ-ի կանոնադրություններին և կանոնակարգերին:
2. Ես հայտարարում եմ, որ ներկայումս չեմ հանդիսանում պաշտոնյա՝ համաձայն ՖԻՖԱ-ի կանոնադրության «Սահմանումներ» բաժնի 11-րդ կետի սահմանման, և չեմ զբաղեցնելու նման պաշտոն տեսանելի ապագայում:
3. Ես հաստատում եմ, որ ունեմ անբասիր հեղինակություն և, մասնավորապես, իմ հանդեպ երբևէ չի հարուցվել քրեական գործ որևէ հանցանքի համար:
4. Ես հայտարարում եմ, որ չունեմ որևէ պայմանագրային հարաբերություն լիգաների, ասոցիացիաների, կոնֆեդերացիաների կամ ՖԻՖԱ-ի հետ, որոնք կարող են հանգեցնել շահերի պոտենցիալ բխման: Անորոշության դեպքում ցանկացած առնչվող պայմանագիր ենթակա է հրապարակման: Միաժամանակ ես հաստատում եմ, որ, որպես միջնորդ գործունեություն ծավալելիս, ուղղակիորեն կամ անուղղակիորեն զերծ կմնամ լիգաների, ասոցիացիաների, կոնֆեդերացիաների կամ ՖԻՖԱ-ի հետ նման պայմանագրային հարաբերությունները հրապարակայնացնելուց:
5. Ես հաստատում եմ, որ, համաձայն ՖԻՖԱ-ի Միջնորդների հետ աշխատելու մասին կանոնակարգի VIII-րդ գլխի 4-րդ կետի, չեմ ընդունի մեկ ակումբի կողմից մյուսին վճարվող որևէ գումար կապված ֆուտբոլիստի տեղափոխության, մասնավորապես, տրանսֆերային փոխհատուցման, մարզումային փոխհատուցման կամ համերաշխության վճարների հետ:
6. Ես հաստատում եմ, որ, համաձայն ՀՖՖ-ի Միջնորդների հետ աշխատելու մասին կանոնակարգի VIII-րդ գլխի 8-րդ կետի, չեմ ընդունի որևէ վճարում ցանկացած կողմից, եթե ֆուտբոլիստը համարվում է անչափահաս, ինչպես սահմանված է ՀՖՖ-ի Ֆուտբոլիստների կարգավիճակի և տեղափոխության կանոնակարգի «Սահմանումներ» բաժնի 19-րդ կետով:
7. Ես հաստատում եմ, որ ուղղակիորեն կամ անուղղակիորեն չեմ մասնակցի և իմ անունը չի շոշափվի խաղադրույթներ կատարելու, զվարճալի խաղերի և վիճակախաղերի, ինչպես նաև ֆուտբոլային խաղերի հետ կապված նմանատիպ այլ միջոցառումների կամ գործարքների հետ: Ես գիտակցում եմ, որ ինձ արգելված է ունենալ բաժնետոմսեր նման միջոցառումների և գործարքների պրոպագանդայով և կազմակերպմամբ զբաղվող ընկերություններում, կոնցեռններում և կազմակերպություններում:

8. Ես համաձայն եմ, ըստ ՀՖՖ-ի Միջնորդների հետ աշխատելու մասին կանոնակարգի VII-րդ գլխի առաջին կետի, որպես միջնորդ իմ գործունեությունը ծավալելիս՝ ՀՖՖ-ին տրամադրել ակումբի կամ ֆուտբոլիստի կողմից ինձ կատարված ցանկացած բնույթի վճարման մասին ամբողջական տվյալները:
9. Ես համաձայն եմ, ըստ ՀՖՖ-ի Միջնորդների հետ աշխատելու մասին կանոնակարգի VII-րդ գլխի առաջին կետի, անհրաժեշտության դեպքում լիգաներին, ասոցիացիաներին, կոնֆեդերացիաներին կամ ՖԻՖԱ-ին ուսումնասիրության նպատակով տրամադրել բոլոր պայմանագրերը, համաձայնագրերը և գրառումները՝ կապված որպես միջնորդ իմ գործունեություն ծավալելու հետ: Ես նաև համաձայնություն եմ տալիս վերոնշյալ մարմիններին իմ պատասխանատվությամբ իրականացվող բանակցությունների մեջ խորհրդատվական և տարբեր գործառույթներ իրականացնող կամ այլ ակտիվ մասնակցություն ունեցող ցանկացած անձից ձեռք բերելու համապատասխան փաստաթղթեր:
10. Ես համաձայն եմ, ըստ ՀՖՖ-ի Միջնորդների հետ աշխատելու մասին կանոնակարգի VII-րդ գլխի 3-րդ կետի, հրապարակման նպատակով ՀՖՖ-ին տրամադրել տեղեկատվությանը տիրապետելու և տարածելու իրավունքը:
11. Ես համաձայն եմ, ըստ ՀՖՖ-ի Միջնորդների հետ աշխատելու մասին կանոնակարգի X-րդ գլխի 2-րդ կետի, ՀՖՖ-ին տրամադրել իմ դեմ կարգապահապական պատժամիջոցների մանրամասների հրապարակման և ՖԻՖԱ-ին այդ մասին տեղեկացնելու իրավունքը:
12. Ես ամբողջովին տեղյակ և համաձայն եմ, որպեսզի այս հռչակագիրը հասանելի լինի ՀՖՖ-ի իրավասու մարմինների անդամներին:
13. Դիտարկումներ և նկատառումներ

Ես ստորագրում եմ ինձ հասանելի տեղեկատվության և նյութերի վրա հիմնված այս հռչակագիրը և համաձայն եմ, որ ՀՖՖ-ն իրավասու է անցկացնել անհրաժեշտ ստուգումներ սույն հռչակագրում պարունակվող տեղեկատվությունը հաստատելու նպատակով: Ես նաև ընդունում եմ, որ հռչակագրի մեջ պարունակվող ցանկացած տեղեկատվության փոփոխության դեպքում պետք է անմիջապես տեղեկացնեմ ՀՖՖ-ին:

(Վայր և անսպիտակ)

(Ստորագրություն)

Հավելված 2. Իրավաբանական անձանց համար նախատեսված միջնորդի հռչակագիր

Ընկերության անուն (իրավաբանական անձ):

Ընկերության (այսուհետև՝ «ընկերություն») հասցե (ներառյալ հեռախոսահամարը/ֆաքսը, էլեկտրոնային հասցեն և վեբ-կայքը):

Վերոնշյալ ընկերությունը (իրավաբանական անձին) ներկայացնելու լիազորություններ ունեցող անձի (անձանց) անուն, ազգանուն:

Նշում: Ընկերության անունից հանդես եկող յուրաքանչյուր անհատ պետք է ստորագրի անհատական միջնորդի հռչակագիր:

Ես, _____,
(իրավաբանական անձին ներկայացնող անհատի անուն/անուններ, ազգանուն/ազգանուններ) լիազորություններ ունենալով ներկայացնելու նշված ընկերությունը, հայտարարում եմ հետևյալը՝

1. Որպես միջնորդ գործունեություն ծավալելիս՝ ես և ընկերությունը, որը ես ներկայացնում եմ, խոստանում ենք հարգել և ենթարկվել ազգային և միջազգային օրենքների պարտադիր, մասնավորապես, աշխատանքի տեղավորմանը վերաբերող դրույթներին, ինչպես նաև սոցիալապես պահանջների, կոնֆեդերացիաների և ՖԻՏԱ-ի կանոնադրություններին և կանոնակարգերին:
2. Ես հայտարարում եմ, որ ներկայումս չեմ հանդիսանում պաշտոնյա՝ համաձայն ՖԻՏԱ-ի կանոնադրության «Սահմանումներ» բաժնի 11-րդ կետի սահմանման, և չեմ զբաղեցնելու նման պաշտոն տեսանելի ապագայում:
3. Ես հաստատում եմ, որ ես ունեմ անբասիր հեղինակություն և, մասնավորապես, իմ հանդեպ երբևէ չի հարուցվել քրեական գործ որևէ հանցանքի համար:
4. Ես հայտարարում եմ, որ ո՛չ ես, ո՛չ ընկերությունը, որը ես ներկայացնում եմ, չունենք որևէ պայմանագրային հարաբերություններ լիզաների, սոցիալապահանջների, կոնֆեդերացիաների կամ ՖԻՏԱ-ի հետ, որոնք կարող են հանգեցնել շահերի հնարավոր բախմանը: Անորոշության դեպքում ցանկացած առնչվող պայմանագիր ենթակա է հրապարակման: Միաժամանակ ես հաստատում եմ, որ, որպես միջնորդ գործունեություն ծավալելիս, համապատասխան ընկերությունը ուղղակիորեն կամ անուղղակիորեն զերծ կմնա լիզաների, սոցիալապահանջների, կոնֆեդերացիաների կամ ՖԻՏԱ-ի հետ նման պայմանագրային հարաբերություններ հաստատելուց:
5. Ես հաստատում եմ, որ, համաձայն ՀՀՖ-ի Միջնորդների հետ աշխատելու մասին կանոնակարգի VIII-րդ գլխի 4-րդ կետի, ո՛չ ես, ո՛չ ընկերությունը, որը ես ներկայացնում եմ, պետք է չընդունենք մեկ ակումբի կողմից մյուսին վճարվող որևէ գումար կապված ֆուտբոլիստի տեղափոխության, մասնավորապես, տրանսֆերային փոխհատուցման, մարզումային փոխհատուցման կամ համերաշխության վճարների հետ:
6. Ես հաստատում եմ, որ, համաձայն ՀՀՖ-ի Միջնորդների հետ աշխատելու մասին կանոնակարգի VIII-րդ գլխի 8-րդ կետի, ո՛չ ես, ո՛չ ընկերությունը, որը ես ներկայացնում

եմ, պետք է չընդունենք որևէ վճարում ցանկացած կողմից, եթե ֆուտբոլիստը, համաձայն ՀՖՖ-ի Ֆուտբոլիստների կարգավիճակի և տեղափոխության կանոնակարգի «Սահմանումներ» բաժնի 19-րդ կետի, անչափահաս է:

7. Ես հաստատում եմ, որ ո՛չ ես, ո՛չ ընկերությունը, որը ես ներկայացնում եմ, ուղղակիորեն կամ անուղղակիորեն չեն մասնակցի և մեր անունը չի շոշափվի խաղադրույքներ կատարելու, զվարճալի խաղերի և վիճակախաղերի, ինչպես նաև ֆուտբոլային խաղերի հետ կապված նմանատիպ այլ միջոցառումների կամ գործարքների հետ: Ես գիտակցում եմ, որ թե՛ ինձ, թե՛ ընկերությանը, որը ես ներկայացնում եմ, արգելված է ունենալ բաժնետոմսեր նման միջոցառումների և գործարքների պրոպագանդայով և կազմակերպմամբ զբաղվող ընկերություններում, կոնցեռններում և կազմակերպություններում:
8. Որպես միջնորդ գործունեություն ծավալելիս, հանդիսանալով ընկերության ներկայացուցիչ, ես համաձայն եմ ըստ ՀՖՖ-ի Միջնորդների հետ աշխատելու մասին կանոնակարգի VII-րդ գլխի առաջին կետի՝ առոցիացիային տրամադրել ակումբի կամ ֆուտբոլիստի կողմից ընկերությանը տրամադրած ցանկացած բնույթի վճարման մասին ամբողջական տվյալներ:
9. Որպես ընկերության ներկայացուցիչ՝ ես համաձայն եմ ըստ ՀՖՖ-ի Միջնորդների հետ աշխատելու մասին կանոնակարգի VII-րդ գլխի առաջին կետի՝ լիգաներին, առոցիացիաներին, կոնֆեդերացիաներին կամ ՖԻՖԱ-ին ուսումնասիրության նպատակով, անհրաժեշտության դեպքում տրամադրել բոլոր պայմանագրերը, համաձայնագրերը և գրառումները՝ կապված որպես ընկերության միջնորդ իմ գործունեություն ծավալելու հետ: Ես նաև համաձայնություն եմ տալիս վերոնշյալ մարմիններին իմ կողմից ներկայացվող ընկերության պատասխանատվությամբ իրականացվող բանակցությունների մեջ խորհրդատվական և տարբեր գործառույթներ իրականացնող կամ այլ ակտիվ մասնակցություն ունեցող ցանկացած անձից ձեռք բերելու համապատասխան փաստաթղթեր:
10. Որպես ընկերության ներկայացուցիչ՝ ես համաձայն եմ ըստ ՀՖՖ-ի Միջնորդների հետ աշխատելու մասին կանոնակարգի VII-րդ գլխի 3-րդ կետի, հրապարակման նպատակով ՀՖՖ-ին տրամադրել տեղեկատվությանը տիրապետելու և տարածելու իրավունքը:
11. Որպես ընկերության ներկայացուցիչ՝ ես համաձայն եմ ըստ ՀՖՖ-ի Միջնորդների հետ աշխատելու մասին կանոնակարգի X-րդ գլխի 2-րդ կետի՝ առոցիացիային տրամադրել իմ ներկայացրած ընկերության դեմ կարգապահապական պատժամիջոցների մանրամասների հրապարակման և ՖԻՖԱ-ին՝ այդ մասին տեղեկացնելու իրավունքը:
12. Ես ամբողջովին տեղյակ և համաձայն եմ, որպեսզի այս հռչակագիրը հասանելի լինի ՀՖՖ-ի իրավասու մարմինների անդամներին:
13. Դիտարկումներ և նկատառումներ

Ես ստորագրում եմ ինձ հասանելի տեղեկատվության և նյութերի վրա հիմնված այս հռչակագիրը և համաձայն եմ, որ ՀՖՖ-ն իրավասու է անցկացնել անհրաժեշտ ստուգումներ սույն հռչակագրում պարունակվող տեղեկատվությունը հաստատելու նպատակով: Ես նաև ընդունում եմ, որ հռչակագրի մեջ պարունակվող ցանկացած տեղեկատվության փոփոխություն դեպքում, ես պետք է անմիջապես տեղեկացնեմ ՀՖՖ-ին:

(Վայր և անսաթիվ)

(Ստորագրություն)

**ՀՖՖ ՖՈՒՏԲՈՒԼԻՍՏՆԵՐԻ ԿԱՐԳԱՎԻՃԱԿԻ ԵՎ ՏԵՂԱՓՈԽՈՒԹՅԱՆ
ԵՎ ՀՖՖ ՖՈՒՏԲՈՒԼԱՅԻՆ ՄԻՋՆՈՐԴՆԵՐԻ ՀԵՏ ԱՇԽԱՏԵԼՈՒ ՄԱՍԻՆ
ԿԱՆՈՆԱԿԱՐԳԻ ԱՇԽԱՏԱՆՔԱՅԻՆ ԽՈՒՄԲ**

- Արմեն ՄԻՆԱՍՅԱՆ, ՀՖՖ առաջին փոխնախագահ/ Գործադիր տնօրեն
- Ռոբերտ ԴԱԼԼԱՔՅԱՆ, ՀՖՖ Սրբույնների կազմակերպման և անցկացման (ՄԿԱ) բաժնի պետ
- Լուսինե ԲԱԿՈՒՄՅԱՆ, ՀՖՖ Իրավաբանական և կադրերի բաժնի պետ
- Արթուր ԱԶԱՐՅԱՆ, ՀՖՖ Արտոնագրման բաժնի պետ
- Նաիրա ԱԲՐԱՄՅԱՆ, ՀՖՖ Արտոնագրման բաժնի մասնագետ/ Տրանսֆերների համադրման համակարգի (S22) մասնագետ



Հայաստանի Ֆուտբոլի Ֆեդերացիա
0010 Երևան, Խանջյան 27
Հեռ.: 010 541069
Ֆաքս: 010 547173
Էլ. հասցե: ffa@ffa.am, licensing@ffa.am
<http://www.ffa.am>